

2

DE LEGITIMO VSV
EVCHARISTIAE
IN ALTERA TAN-
TVM SPECIE, ADVERSVS
NOSTRI TEMPORIS SECTARIOS,
DISPVATIO,

*In Academia Ingolstadiensi die Martij
publicè proposita.*

PRÆSIDE
GREGORIO DE VALENTIA
SOCIETATIS IESV.

RESPONDENTE
M. PANCRATIO MOTSCHENBACH
BAMBERGENSI, S. THEOLOGIE
Baccalaureo Formato.

Qui manducat hunc panem, vivet in æternum, Ioan. 6.



INGOLSTADII,
Ex Officina Typographica DAVIDIS SARTORII.
Anno cl. Is. xxxvii. †

THE UNIVERSITY OF
CHICAGO
LIBRARY
1855
JAN 10 1855
CHICAGO
ILL.





SERENISSIMO
ET REVERENDISSI-
MO PRINCIPI, AC DOMI-

NO, DOMINO PHILIPPO, EPISCOPO
RATISPONENSI, DVCI BAVARIÆ, &c. SERE-
NISSIMI GVLIELMI, Comitis Palatini Rheni,
& utriusq; Rauraria Ducis filio, &c.

Gregorius de Valentia Societatis IESV
gratiam à Deo Optimo Maximo precatur.



CUM AB EO TEMPORE, QVO
Celsitudo Tua, unà cum Ser.^{mis} fratribus,
FERDINANDO & CAROLO, in Aca-
demia nostra, vel potius Ser.^{mi} sui Parentis,
studiorum causa versatur, mihi primo conti-
gerit, ut ad publicam disputationem, quemadmodum est moris,
aliquid typis impressum euulgarem: pratermittere nec debui, nec
honestè potui, quin hac qualicunq; Disputationis inscriptione, &
meo, & totius Academia nomine, nonnullam significationem
darem communis Letitiae, qua mirificè sumus omnes affecti, tum
ob praesentiam Tuae Cel.^{nis} & Ser.^{motum} fratrum, tum vel ma-
ximè ob insignem progressum, quem in studio literarum pari lau-
de ingenij, & diligentia C. C.^{nes} V. V.^æ faciunt. Accessit, quodd
argumentum huius Disputationis planè mihi visum est, C.^{ne} Tua
non indignum. Disputo enim, rectè facere Christiana reli-

EPISTOLA DEDICATORIA.

gionis Antistites, & dispensatores mysteriorum DEI, quod Sacrosanctam Eucharistiam non nisi in altera tantum specie populo esse ministrandam statuunt. Itaque cum in horum numerum singulari prouidentia DEVS te, PHILIPPE Princeps, ab ipsa infantia cooptauerit, non erit abs re, ut, qua tua est ingenij praestantia & docilitas, ex hoc scripto discere iam ista aetate incipias, quemadmodum te oporteat fungi munere fidelis ac prudentis serui, (id est, Episcopi, sicut grauiter diuus Hilarius interpretatur) quem constituit Dominus super familiam suam, ut des subditis cibum in tempore, & eo modo quo expedit. Accipe igitur hilari animo Ser.^{me} Princeps, in gratiam quoque Respondentis, quem ego, propter eius eruditionem, & prudentiam, & probitatem singularem unice diligo, Disputationem hanc nostram Theologicam summo studio à nobis tibi dicatam, & fac (te precor) ut per omnem aetatem tuam, adiuuante DEO, cumulatè satisfacias expectationi, quam sustines maximam, pietatis Ser.^{morum} tuorum parentum imitanda. Datum Ingolstadij 7. Februarij, Anno Domini 1587.



De legitimo usu

EVCHARISTIAE IN
ALTERA TANTVM SPECIE,
ADVERSVS NOSTRI TEMPORIS
SECTARIOS, DISPVATIO, &C.

CAPVT I.

*Quis sit status huius questionis, & qua methodo sententia
Ecclesia Catholica confirmanda sit.*

CONTROVERSIA celebris est; Vtrum exstet præ- 1.
ceptum diuinum, quo fideles omnes teneantur
vttramque speciem Sacramenti sumere quoties-
cunq; communicant; & Ecclesię ministri vttram-
que illis præbere quandocunq; petierint? Ecclesia Catholica
negat. Sectarij omnes affirmant.

Et quidam auctores, è quorum numero in primis est^a Ca- 2.
ietanus, asserunt, ita etiam sensisse Nestorium & Pelagium. Id
tamen incertum est. Nam neq; ex Conciliis, in quibus illi hæ-
retici damnati sunt, neq; ex antiquis scriptoribus constat, eam
illorum fuisse sententiam. Illud autem compertum est, ante
annos circiter 170. ita pertinaciter in Bohemia docuisse Ia-
cobellum quendam Misnensem, cum Pragæ tunc ageret pu-
blicum concionatorem, qui & fertur fuisse ad eam rem inci-
tatus à quodam Petro Dresdensi ex eadem Misniæ provincia
exule propter hæreses VVicleffi & Hufs, quas cõplexus erat.
Itaq; illius Iacobelli auctoritate, qui magni nominis tunc ha-
bebat, factũ est, vt Bohemi, qui erroribus VVicleffi & Hufs
alioqui erant infecti, vtraque specie tanquam ad salutem om-
nibus necessaria vtendum sibi existimarent, ac publico etiam

Bohem. c. 35.

& in epist. 130.

6 In Censura

orientalis Ec-

clesiæ, cap. 21.

edicto decernerent, vt ^a Aeneas Syluius memorat. Atque eadem est sententia Græcorum Schismaticorum, præsertim hoc tempore, vt ex Patriarchæ ^b Hieremiæ responsione ad Protestantes intelligi potest.

3.

Porro Lutherus in hac quæstione, sicut in aliis, varius admodum & incõstans fuit, idcoq; omni prorsus fide apud prudentes indignus. Nam vtrumq; aliquoties asseruit. Nempe ^c liberum esse vel vtramq; vel alteram tantum speciem sumere aut ministrare; & vtramque speciem præcepto diuino esse omnibus ^d necessariam; licet cõcesserit, posse eos, qui in altera tantum communicant, à peccato excusari, vel ob ignoratiam, vel quia non sit ipsis vtriusque copia. Nec solum in libris diuersis, sed quandoq; etiam in vno & eodem libro, ita turpiter spiritus Lutheri, minimè diuinus, sibi cõtradixit. In libro enim de Captiuitate Babylonica primum ita inquit: *Christus non permittendo, sed PRÆCIPiendo dicit, & Bibite ex eo omnes. Et istud non potest solis presbyteris dictum intelligi, sed omnibus.* Illico verò in eodem libro post duas paginas ita dicit, vel potius, ita sibi cõtradicit: *Non peccant qui vna specie viuunt. cum Christus NON PRÆCEPERIT vlla vi, sed arbitrio cuiusq; reliquit, dicens: Quotiescunq; hac feceritis, in meam memoriam facietis. Sed illi peccant qui hoc arbitrio volentibus uti prohibent vtramq; dari.* Nec dissimili incõstantia Melancthon aliquando scripsit, *ita non peccare illum qui viuunt altera Sacramenti specie, sicut non peccat is qui libertate Christiana carnẽ suillam edit aut ab illa abstinet.* Cum tamen ^g aliàs etiam docuerit, vtramq; speciem omnibus esse necessariam.

4.

Simpliciter autem Lutherus in assertionem eorum articulorum, quos ^h LEO X. damnavit, sententiam Græcorum & Bohemorum propugnandam suscepit, eamque retinent mordicus omnes ⁱ Sectarij. Qui tanta passim vehementia pro calice contendunt, vt ad eos non immeritò referri illud possit, quod ab ^k Isaia propheticè dictum Thomas ^l VValdensis in Bohemos vsurpauit: *Clamar, inquit Isaías, erit in plateis super vino.* Quo loco diuus Hieronymus vinum etiam interpretatus est erroris ebrietatem, qua certè, si vlli alij hæretici, isti correpti sunt maximè, cum tantoperè contendunt pro vino.

Ceterum

^h Art. 16.

ⁱ Calvin. li. 4.

instir. c. 17. se

cti. 47. & seq.

Et Protestantes

in Cõfess. Au-

gust. ar. de abu-

sibus. Kénit.

in exam. fels.

21. Concilij

Trid. &c.

^k Cap. 24.

^l Lib. 2. de Sa-

cram, cap. 87.

Ceterum impletur etiam quod ibidem propheticè Isaias 5. dixit: *Non bibent vinum, amara erit potio bibentibus illam.* Etenim Ecclesia^m Catholica cōtrā sentit, Fideles omnes & singulos, minimè præcepto aliquo diuino ad cōmunicandum in vtraq; specie teneri, neq; vtramq; illis esse necessariò exhibendam cum petunt. Quod cum sit verissimum; vel ob hanc etiā causam, rectissimè negat Ecclesia vini speciem populo, ne si concedat, fortassis ea re confirmetur falsa aduersariorum opinio, de illius etiam speciei in singulorum communione necessitate. Ex quo Ecclesiæ iudicio fit, vt iuxta adductum vaticinium; aut vinum in communione laici non bibant, aut iis qui contra Ecclesiæ iustissimam legem bibunt, amara, hoc est, pernitiōsa sit illius potio.

^m In Concil. Constant. sess. 13. & in Basil. sess. 30. atque item in Trid. sess. 21. c. 1. 2. & 3. & can. 2. & 3.

Iam verò, vt hanc Ecclesiæ doctrinam methodicè confirmemus, & aduersariorum contraria argumenta eādē opera refellamus, talem principio rationem formo: Si aliquod eiusmodi præceptum diuinum exstat, necesse est illud ostendi posse, 1. Vel ex verbis aliquibus Christi, quæ id præceptum contineant, 2. Vel ex institutione huius Sacramenti, 3. Vel ex eiusdem ratione atque natura, 4. Vel ex Christi facto & exemplo, 5. Vel ex antiqua Ecclesiæ consuetudine, 6. Vel deniq; ex antiquorum Patrum testimonio & traditione. At nullo modo ex istis tale aliquod Christi præceptum euinci potest. Igitur planè illud nō exstat. Iam cōfirmemus singula.

6.



C A P V T II.

Non posse colligi præceptum diuinum communionis sub vtraq; ex verbis quibus Christus instituit hoc Sacramentum.



C primū, quod ad verba ipsa Christi attinet, 7. probo nulla esse eiusmodi, quæ præceptum illud contineant. Nam si quæ essent, maximè illa institutionis: *Accipite, manducate: Hoc facite in mea*

commemorationem: Bibite ex eo omnes: Hoc facite, quotiescunque ⁿ Luc. 22. *bibetis,* ^o Matth. 26. 7

† 1. Cor. 11.
9 Ioan. 6.

bibetis, in meam commemorationem: P Aut etiam illa: 9 *Nisi manducaveritis carnem filij hominis, & biberitis eius sanguinem, non habebitis vitam in vobis.* Nam & his vltimis verbis maxinè Petrus ille Dresdensis hunc errorem initio persuasit Iacobello Pragenfi, vt ^r Aeneas Syluius, vbi suprà memorat. Quanquã nunc quidem alij Sectarij omnes illa tãtũ alia verba Christi in institutione ad hanc rem vrgent, sicut ^s postea videbimus.

† Lib. de orig.
Bohem. c. 35.
† Cap. 4.

8. Sed quod illa verba institutionis tale præceptum non contineant, manifestè conuincitur. Nam vt maximè demus, illa verba Christi quæ recitauimus: *Accipite, &c.* fuisse non modò concedentis Sacramenti vsum, & potestatem illud deinceps similiter conficiendi, sed etiam imperantis planè (quod tamen ^r Ruardus Tapperus, ^u Alanus, ^x Caietanus, & multi Scholastici, negari posse existimant) tamen nullum verbum in omnibus illis est, quo videri Christus possit imperãsse omnibus absolutè vsum etiam calicis, vel vt ille omnibus ministraretur. Quod enim ait: *Hoc facite in meam commemorationem,* id est, benedicite, seu consecrate, accipite, manducate, ac distribuите etiam aliis; Id verò ad solam speciem panis retulit, vt apud ^y Lucam & ^z Paulum videre est, qui eorum Christi verborum soli meminerunt.

† Art. 15. pag.
374.
† Lib. 1. de Eu-
charistia, c. 44.
† 3. p. q. 80. art.
11. & 12.

† Cap. 22.
† 1. Cor. 11.

9. Quod etiam dicit: *Bibite ex eo omnes,* id quidem ad solos Apostolos dictum esse, vt erant illæ personæ duodecim numero, rectè videri potest. Apparet enim, eodem sensu Christum dixisse: ^a *Bibite ex eo omnes,* quo ^b Marcus dixit: *Et biberunt ex eo omnes.* Quod inde confirmatur, quia propter Iudam Christum ita dixit, vt ille etiam biberet; Sicut ^c Theophylactus ex sententia quorundam veterum annotauit.

† Matth. 26.
† Cap. 14.
† In caput 26.
Matth.

- IO. Verũ, etsi hanc interpretationem non improbo, tamen cũ vñs calicis (vt paulò post dicemus) ipsis quidem ministris Eucharistiam conficientibus, diuino præcepto sit iniunctus, tanquam quiddam pertinens ad munus eius ministerij; magis probò aliam interpretationem, quæ hic adhiberi solet. Afferò igitur, illa verba: *Bibite ex eo omnes,* ad solos Apostolos dicta esse non solũ vt erant illæ determinatæ personæ numero duodecim; (quanquam & sic etiam, vt conuincunt ratio-

nes

nes prioris interpretationis) neque tamen ea præcisè ratione, qua erant Christi discipuli & fideles; sed ut erant futuri deinceps Eucharistiæ conficiendæ ministri: ac proinde id præceptum ad solos Sacerdotes pertinet, qui sunt successores Apostolorum in eo ministerio. Ita plerique Scriptores Catholici, planè irrefragabiliter hætenus responderunt: ut d. Rosenfens, e Alphonsus à Castro, f Caietanus, & ante hos omnes g Thomas VValdensis, ut alios iam præteream.

d Art. 16. cōtra Lutherum.

e In summa de hæres. verbo, Eucharistia, hæres. ult.

f 3. p. q. 80. artic. 12.

g Tom. 2. de Sacr. c. 90.

Et quidem quod ad solos tunc Apostolos Christus loqueretur, ex h Evangelistis perspicuum est, qui certè non ita accuratè numerum ipsum duodecim Apostolorum cum Christo in cœna accumbentium commemorassent, si alij præterea mensæ tunc assedissent; neque aliud hætenus ab ullo SS. PP. vel cogitatum, vel literis proditum est, quàm quod XII. illi tantum cum Christo cœnauerunt. Cùm autem ibi Apostoli fuerint non solum Christi fideles, verum etiam Sacerdotes ac ministri Eucharistiæ deinceps conficiendæ à Christo instituti; sermonis Christi circumstantia clarissimè ostendit, rectè nos posse interpretari, ad eos & successores eorum illa verba: *Bibite ex eo omnes*, Christum dixisse, non propriè & præcisè, quatenus Christi fideles erant, quo pacto omnes etiam Christiani Apostolorum successores sunt, sed omnino quatenus erant quoque functuri munere Sacerdotali, sicut dictum est.

I I.

b Matth. 26.
Marc. 14.
Lucæ 22.

Quod probo. Nam eodem modo licet intelligere, ipsis à Christo dictum esse: *Bibite ex eo omnes*, quomodo etiam iisdem antè dixerat: *Hoc facite in meam commemorationem*: Quemadmodum est perspicuum ex ipsa consequentia sermonis. Constat autem verba illa (*Hoc facite*) quadam ratione ad ipsos pertinuisse propriè, quatenus simul etiam instituebantur Sacerdotes, id est, Eucharistiæ conficiendæ & distribuendæ ministri. Ergo hac eadem ratione intelligi potest, ad eos dictum esse: *Bibite ex eo omnes*.

I 2.

Nam, quod ne ipsi quidem Sectarij negare possunt, inprimis fecit Christus illis verbis (*Hoc facite*) potestatem Apostolis benedicendi seu consecrandi & ministrandi Eucharisti-

I 3.

In Tractatu
de sacrificio
Missæ, & in
Apologia ei-
usdem Tract.

am. Quam functionem non ad omnes fideles, sed ad delectos Ecclesiæ ministros pertinere, ipsi etiam Sectarij consentunt: licet alioqui hæreticè (vt i demonstraui aliàs) negent, eiusmodi ministerij auctoritatem valere propriè ad offerendum sacrificium aliquod peculiare Eucharistiæ externum, cuius respectu, propria quadam ratione, minimeq; communicum aliis fidelibus, Ecclesiæ ministri dicantur Sacerdotes.

I 4.

Cap. 3. Ec-
clesiæ hierarch.
Lib. 4. ca. 32.
Lib. 5. con-
stit. Apostol.
cap. 18.
Homil. de
prodit. Iudæ.
Lib. 4. fidei,
cap. 14.
Li. 2. epist. 3.
Lib. 4. de Sa-
cra. cap. 4.
Sess. 22. c. 7.

Atque istud ipsum confirmamus auctoritate Orthodoxorum Patrum, qui docent, Apostolos in illa postrema cœna accepisse à Christo Sacerdotalem potestatem per illa verba: *Hoc facite, &c.* Assueverant id autem ^k Dionysius, ^l Irenæus, ^m Clemens Romanus, ⁿ Chrysostomus, ^o Damascenus, ^p Cyprianus, ^q Ambrosius, & alij; quod etiam declaratum est in ^r Concilio Tridentino. Itaque satis patet, verba illa: *Bibite ex eo omnes*, rectè ad omnes Apostolos eorumque successores referri, quatenus erant propriè obituri munus Sacerdotum, consecrando videlicet Eucharistiam & illam ministrando, vt ipsa etiam consuetudo & auctoritas Ecclesiæ certissimè interpretatur.

I 5.

3. p. q. 80. ar-
tic. 12.
Ibidem.
In li. 4. sent.
d. 12. q. 1. art. 12.
Numero 10.
Cap. 5. vt et-
iam habetur
in cap. Relati-
u, de cõfect. d. 2.
In cap. Cõ-
perimus, ead-
dem.
Sess. 21. c. 1.

Quod cum ita sit, non negamus, quin Sacerdotes quidem, quando in Eucharistia conficienda Sacerdotum munere funguntur, vtraque specie communicare ex præcepto diuino teneantur, vt etiam declarat ^s D. Thomas, & confirmat Caietanus ac ^t Sotus, & alij Doctores ^x supra citati. Atque id ipsum in primis ex ^y Cõcilio Toletano duodecimo, & ex ^z Gelasio probatur. Quamobrem, ^a in ^a Concilio etiam Tridentino, soli Lai- ci, atque Sacerdotes tum cum non consecrant, neque adeo ad communionem tanquam Sacerdotes accedunt, eximuntur à præcepto diuino sub vtraque specie communicandi. Quod rectè fieri potest etiam magis defendemus, cum respondetur ad cauillationes Sectariorum.

I 6.

1. Cor. 12.

P R A E T E R E A verò, quod neq; illud vniuersale præceptum contineatur iis aliis verbis à solo ^b D. Paulo recitatis: *Hoc facite, quotiescunque bibetis, in meam commemorationem*, clarissimè probari potest. Quod enim ibi Christus peculiari illo modo dicendi (*quotiescunque bibetis*) vsus est; argumento est, id præce-

præceptum non ita fuisse absolutum & generale, sicut fuerat illud de consecranda, & administranda, & sumenda specie panis. Ibi enim absolute & generatim dixit: *⁊ Hoc facite in meam commemorationem.* Quibus verbis rectè intelligi potest, Christum absolute præcepisse, non modò relationem seu ordinem actus ad finem, nempe ut fieret ad commemorationem Christi passionis, sed etiam ipsum exercitium actus absolute. Ut sit sensus: Hoc totum facite circa panem; & facite ad meam commemorationem. Circa calicem autem non ita dixit, sed sic: *Hoc facite, quotiescunque bibetis, in meam commemorationem.* Vbi planè assentior ^d Caietano, qui verissimè dicit; Luce meridiana esse clarius quòd Christus non præceperit absolute his verbis, ut illud circa calicem facerent, atque adeo neque ut biberent, & ministrarent ad bibendum, sed tantum ut facerent in suam commemorationem, quotiescunque; id alioqui fieret, id est, non ut actionem ipsam absolute exercerent, sed ut eam certè referrent ad illum finem, quandoque eam exercerent. Quoniam verò Caietanus hanc interpretationem tanquam manifestam quidem, & ipsa luce clariorem, ponit, non aut etiam probat: & sic sæpe euenit Sectariis, ut præ cæcitate palpent in meridiana luce; ego illam præterea confirmabo ex Apostolo Paulo.

*⁊ Lucæ 22.
1. Cor. 11.*

*d 3. p. q. 80.
ait. 12.*

Sic igitur argumentor. Christus per verba: *⁊ Hoc facite*, quæ dixit circa calicem, non absolute præcepit exercitium earum actionum, quarum per adiuncta illa verba: *Quotiescunque bibetis*, fecit hypothesin, id est, quas supposuit alioqui fieri; sed tantum præcepit relationem earum actionum ad finem commemorandæ suæ passionis, quotiescunque exercerentur. At omnium actionum circa calicem, & maxime actionis bibendi & administrandi ad bibendum, Christus fecit hypothesin per illa verba: *Quotiescunque bibetis.* Igitur Christus per verba: *Hoc facite*, nullius actionis exercitium circa calicem absolute imperauit, ac omnium minimè actionem bibendi & administrandi ad bibendum; sed solum relationem eiusmodi actionum ad finem commemorandi passionem Christi, quotiescunque illæ alioqui exercerentur.

17.

⁊ 1. Cor. 11.

18. Prior huius argumenti propositio euidentissima est. Nam aliàs hic esset sensus eius præcepti: Facite hoc, quotiescunque hoc ipsum facietis. Quam præcepti formam nemo non videt esse absurdissimam. Nam posito quod aliquid fiat, necessariò fit. Quare minimè opus est præcepto, vt fiat tum, cùm fit. Alteram etiam argumenti propositionem confirmo. Nam omnes actiones circa calicem iussit ibi Christus referri ad sui commemorationem per verbum, *Hoc facite*, vt in confesso est: eandem autem actionum omnium, quas in eum finem iussit referri, fecit etiam hypothesin per verbum, *Quotiescunque bibetis*.

19. Etenim ita latè verbum illud: *Quotiescunque bibetis*, accipiendū esse, vt non solū significet nudum actum bibendi ministro- rum, sed connotet etiam omnes actiones circa calicem, quæ referri iubentur ad Christi commemorationem, per illud verbum, *Hoc facite* (puta, consecrationem etiam calicis, & administrationem, atque adeo actum quoque bibendi aliorum, quando illis calix administraretur) confirmari perspicuè potest, tum ex Apostolo Paulo, tum ex verbis quæ iam inde ante omnem memoriam in oblatione calicis vsurpat Ecclesia, tum etiam ratione.

20. Apostolus enim recitato illo Domini mandato, è vestigio conuertit sermonem ad omnes fideles: vt scilicet declaret quemadmodum ab illis etiam id præceptum seruari possit ac debeat. Nam subiungit: f. *Quotiescunque enim manducabitis panem hunc, & calicem Domini bibetis, mortem Domini annuntiabitis.* Quod si Christus ad Apostolos dicens: *Hoc facite, quotiescunque bibetis*, verbo *Bibetis* tantū intellexisset ipsa actum bibendi Apostolorum & Sacerdotum, cum quibus loquebatur; nihil tunc in eo præcepto contineretur quod expleri posset, vel deberet, à reliquis fidelibus, quotiescunque biberent. Sin autem, vt diximus, omnem actionem circa calicem, cum actu illo bibendi Sacerdotum, verbo *Bibetis* in eo præcepto Christus comprehendit, tunc rectè quidem quadrat interpretatio & accommodatio Pauli ad reliquos etiam fideles. Erit enim hæc vis ac sententia præcepti: *Quotiescunque bibetis*, aut ipsi soli,
aut

aut vnà cum aliis; cùm iis videlicet calicem quoque administrabitis; id facite, aut ipsi soli, aut vnà etiam cum aliis in meam commemorationem: id est, quod vos facietis benedicendo, seu consecrando, & bibendo, & administrando calicem; & etiam quod illi facient (quandocunque quidem facient) bibendo; id totum fiat in meam commemorationem. Neque aliter sanè hunc Apostoli locum Patres intelligunt cùm vel illo vtuntur, vel illum interpretantur.

Verba autem Ecclesiæ ex quibus idem confirmari dixi, 2 I. sunt illa quæ subiungi solent post consecrationem calicis: *Hæc quotiescunque feceritis, in mei memoriam facietis.* Vbi cùm generali verbo *faciendi*, declaret Ecclesia eandem etiam illam sententiam Christi: *Hæc facite, quotiescunque bibetis, in meam commemorationem*, satis ostendit, vocabulo *Bibetis*, totam actionem circa calicem voluisse Christum indicare.

Accedit, præter Apostoli & Ecclesiæ auctoritatem, huc ratio ex ipsa forma illius præcepti deducta. Nam Christus non minus alias actiones circa calicem, quàm nudum actum bibendi ministrorum, voluit referri ad sui côm memorationem, quotiescunque illæ fierent. Ergo omnium actionum æquè fecit hypothesein in eo præcepto per verbum, *Quotiescunque bibetis*, quas per verbum *facite* iussit referri ad ipsius commemoracionem. Sed omnes actiones circa calicem iussit omnino referri ad eum finem, sicut dictum est. Ergo earum omnium ibi hypothesein fecit per verbum: *Quotiescunque bibetis*, id est, eas omnes supposuit fieri, & hoc supposito, iussit easdem referri ad sui commemoracionem.

Quod cùm ita sit, consequitur, hanc esse sententiam illius 2 3. præcepti Christi: *Hoc totum quod ad calicem pertinet, quotiescunque facietis facite in meam commemorationem.* Hinc verò rursus luce meridiana clarius, vt ante cum Caietano affirmavi, sequitur, Christum eo quidem præcepto non absolute imperasse exercitium vllius actionis circa calicem, sed facta potius hypothesei eiusmodi actionum, id est, supposito quod fieret, præcepisse tantum relationem earum ad certum quendam finem, nempe ad Christi commemoracionem: quotiescunque alioqui illæ

exercerentur. Nam si vtrumque ibi Christus præcepisset, scilicet & exercitium actionis absolutè, & relationem actionis ad finem; oporteret non sine absurditate hunc esse præcepti sensum: Hoc totum facite, quotiescunque hoc ipsum facietis; & facite tunc ad meam commemorationem. Quis autem fuisset ille modus imperandi, Hoc facite, cum facietis? an potest aliquid tum cum iam sit, non fieri? vt præcepto opus sit ad hoc vt quando sit, fiat?

24. Repeto igitur, luce meridiana esse clarius, Christum ibi non absolutè exercitium actionum circa calicem imperauisse, sed relationem earum ad finem. Alia verò ratio est illius præcepti circa speciem panis: *g Hoc facite in meam commemorationem*. Nam cum ibi non itidem interposuerit illam facti hypothesein; *Quotiescunque facietis*, rectè ibi possumus intelligere, non modò relationem ipsius facti seu actionis ad finem, sed etiam exercitium ipsum absolutè actionis, seu facti, cadere in id Christi præceptum, vt ^b supra etiam concessimus.

25. Quocirca appositissimè etiam ⁱ Caietanus dixit, Argumentum Sectariorum, cum pro communione sub vtraq; tantopere vrgent, verbum Domini, *hoc facite*, tum circa panem, tum circa calicem, continere verum præceptum, omnino esse gladium Goliath, id est, ipsosmet posse à nobis illo suo argumento iugulari. Nam ex differentia vtriusque præcepti luce meridiana clarius intelligimus exstare præceptum Domini de sumenda absolutè & administranda Eucharistia in specie panis, quod etiam communiter obliget laicos ad illam percipiendam, vt ^k diuvs Thomas probauit, non autem de administranda etiam sub specie vini; quamuis & hanc quoq; speciem tenètur ipsi quidem Sacerdotes sumere ob alterum illud præceptum: ^l *Bibite ex eo omnes*, quod ad solos Sacerdotes pertinet, vt ^m antè declaratum est.

26. Et certè non sine singulari prouidentia, diuinoq; consilio, aliter isto modo de vsu calicis, quàm de specie panis vsu, præcepisse Christum, existimare debemus: Prorsus vt videatur ad illas rationes respexisse, quibus postea secundum Ecclesiæ iudicium docebimus, minimè rem esse, quæ expediat, vt fideles omnes

g Lucæ 22.
1. Cor. 11.

h Numero 8.

i 3. p. q. 80. ar.
tic. 12.

k 3. p. q. 80. ar.
tic. 11.

l Matth. 26.
m Numero 10.
& seq.

omnes & singuli sub vtraq; specie communicent, nedum vt ea res diuino etiam præcepto iniungeretur.

CETERVM vt nullum pertinaciæ locum Sectariis relin-
quamus, ostendemus etiam, quomodocunq; aliter ille locus
(ⁿ *Hoc facite quotiescunq; bibetis*) explanetur, minimè tamen ex
eo posse colligi præceptum quod vlllo modo obliget omnes fi-
deles ad cõmunicandum sub vtraq; specie quãdocunq; com-
municant. Et quidem o Caetano aliquãdo visum est, ibi Chri-
stum inter *facere & bibere* distinxisse, atq; adeo facta tãtũ hy-
pothesi actus bibendi ministrorum & aliorũ fidelium (ad hos
enim etiam p Apostolus eam hypothesin accommodat) & cõ-
sequenter actus etiam administrandi calicem ad bibendum;
præcepisse, vt calix consecraretur, & offerretur in sui commẽ-
morationem. Hęc interpretatio si maximè vera esset (omnino
enim est falsa, vt patet ex q dictis) tamen satis patet eam nullo
modo suffragari aduersariis. Inde enim solum sequeretur,
quòd etiam exercitium absolutè ipsius actus consecrandi &
offerendi calicem, præciperetur ibi à Christo, non autem ipse
etiam vsus bibendi aut administrandi ad bibendum: quippe
cũ eius certè fiat ibi hypothesis quoad exercitium absolu-
tè, secundum eiusmodi etiam interpretationem.

Deinde, si demus etiam aduersariis illud, quod longè ma-
gis adhuc falsum est, nempe hunc sensum esse: Benedicite &
bibite & administrate aliis calicem, atq; adeo omnia quæ ad
calicem pertinent facite; & facite, cũ id facitis, in meam cõ-
memorationem (qui sensus plinè est contra formam ipsius
præcepti: cũ enim in eo nihil præcipiatur, nisi supposita
ipsius facti hypothesi; non eo præcipitur absolutè ipsum eti-
am factum vt, antè demonstratum est) tamen ne tunc qui-
dem sequetur, omnes fideles debere semper communicare
sub vtraque specie, aut ipsis semper vtramque speciem mini-
stros tribuere debere; sed solum inde sequeretur, ministros
ex præcepto quodam Christi affirmatiuo teneri generatim
ad administrandum calicem. Est autem hęc natura præcepto-
rum affirmatiuorum omnium, vt nõ obligent pro omni tem-
pore, sed pro tẽpore necessitatis; tũ videlicet cũ pro ratione
circum-

27.

1. Cor. 11.

o q. de com-
munionē sub
vtraq; Tomo
3. opusculorũ
ipsius Tracta-
tu 11.

1. Cor. 11.

7 Numero 17.
& seq.

28.

7 Numero 18.
& 23.

circumstantiarum, & rei ipsius, & loci, & temporis, & personarum, &c. iudicatur, & rectè posse obseruari & etiam necessariò obseruari debere eiusmodi præcepta affirmatiua. Cuius rei exemplum in promptu est in præcepto honorandi parentes illisque subueniendi, & in aliis eiusmodi præceptis affirmatiuis.

29. Porro iudicare in hoc nostro proposito de necessitatis tempore, in primis pertinet ad Ecclesiam. Agitur enim de dispensatione seu administratione Sacramenti, id est, cuiusdam è mysteriis diuinis. Hæc administratio seu dispensatio, Ecclesiæ est diuinitus commissæ, iuxta dictum Pauli: *Sic nos existimet homo ut ministros Christi & dispensatores mysteriorum* DE I.

1. 1. Cor. 4. Quod tamen non inuiti fatemur ita intelligendum esse, ut nihil in ea dispensatione committat Ecclesia contra præceptum Domini sui. Id enim si faceret, non fideliter, nec in ædificationem dispensaret, quemadmodum oportet, ut idem ostendit 2. 2. Cor. 10. Apostolus. Sed aliud est, cōtra præceptum facere; aliud determinare tempus quo necessariò obliget affirmatiuum præceptum generatim à Christo propositum. Illud non potest Ecclesia facere; hoc potest.

30. Nunc cum hoc ita sit; & Ecclesia his temporibus iudicet neque necessarium, neque etiam bonum (circumstantiis omnibus, de quibus infra dicitur, consideratis) esse, ut omnibus & singulis fidelibus administretur calix; consequitur, Ecclesiæ ministros non teneri his temporibus quidem illum administrare, & consequenter neque fideles ipsos illum sumere, etiā si maximè alioqui exstaret ea de re generale Christi præceptum.

31. Neque verò hîc obiici ab aduersariis potest, iam Christum determinasse tempus, quo calix administrari debeat, nempe cum adiunxit: *Hoc facite quotiescunq; bibetis*. Etenim quomodocunq; præceptum illud: *Hoc facite*, interpretemur; certissimum ex Apostolo est, particulam: *Quotiescunq; bibetis*, esse referendam non ad exercitium ipsum actus imperati absolute; quasi sensus sit, tunc eiusmodi actum necessariò esse exercendum, cum bibitur; sed ad relationem actus in finem: nempe

pe ut

pe vt sensus sit, tunc ad Christi cōmemorationem eum actum referendum esse, cūm bibitur. Itaque tempus, quo necessariò ea relatio facienda est, illa particula determinat, non autem tempus quo actio præcepta (si maximè demus esse absolute præceptam) exerceri absolute debeat. Id patet, vt dixi, ex Apostolo. Nam vt vim eius particulæ: *Quotiescunq, bibetis*, & quò illa referri debeat, declararet, idèd subiunxit: *Quotiescunq, enim manducabitis panem hunc, & calicem Domini bibetis, mortem Domini annuntiabitis*: Quasi apertè diceret; Hoc est, quod determinatè Christus iussit fieri tum, cūm bibitur, nempe vt mors ipsius annuncietur, & commemoretur.

Quod alia rursus ratione manifestissimè probatur. Nam 32.
cūm illa facti hypothesis: *Quotiescunq, bibetis*, interprete
* Apostolo pertineat etiam ad omnes fideles; si illa determi- * 1. Cor. 11.
naret tempus quo absolute calix administrari debeat fidelibus; præcepti sensus esset absurdissimus; nempe hīc: Date calicem fidelibus, quotiescunq, fideles vobiscum, atque adeo vobis dantibus, bibent. Quid hoc esset præcepti? Potèstne calix non dari, cūm datur?

Sed neque fuisset etiam rectè rationi consentaneum determinatè iubere, vt spectata sola circumstantia temporis, quo Sacerdotes biberēt, semper calix aliis administraretur. Quid enim, si quo casu Sacerdote alioqui necessariò celebrante, atque adeo bibente, tantūm illi adessent parati ad communicandum, qui vel naturæ conditione, vel morbo sic à vino abhorrent, vt sumere non possent sine periculo reiiciendi? Quanquam cūm habeamus in hac re manifestam, vt dixi, declarationem Apostoli, non magnopere hīc indigemus aliis argumentis.

Iam neque illud hīc obiici potest ab aduersariis, præcepto, 34.
Hoc facite, id etiam iniunxisse Christum Ecclesiæ ministris, vt quotiescunq, Eucharistiam conficerent, aliquos adesse curarent, quibus speciem vtramque rectè administrare possent, sicut ipse Christus vtramque dedit Apostolis. Hoc Christum ibi præcepisse non magis aduersarij defendere possunt, quàm quod etiam præceperit, vt noctu & post cœnam, & post esum

agni Paschalis, & præmissa lotionem pedum, & XII. tantum præsentibus, iisque Evangelij ministris, Eucharistia conficeretur & administraretur, sicut eiusmodi fuerunt tunc circumstantiæ actionis Christi.

35. Id manifestè ita declaro & probo. Præceptum illud: *Hoc facite*, nec potest, nec debet ad ea referri, quæ verbis antecedentibus in ipsa narratione institutionis Eucharistiæ, Scriptura non significat à Christo vel ab Apostolis facta aut faciendâ fuisse. At quod in illa vltima cœna aliqui adfuerint tales, quibus rectè potuerit dari vtraque species Eucharistiæ, propriè quidem non significatur antecedentibus verbis, narrationis à Christo vel ab ipsis Apostolis factum aut faciendum fuisse; sicut neque significantur illæ aliæ circumstantiæ quas côm memorauimus. Ergo præceptum illud: *Hoc facite*, minimè debet ad id referri, sicut propter eandem rationem non refertur ad illas circumstantias nocturni temporis, lotionis pedum, &c. Prior huius argumenti propositio per se ipsa patet. Nam ea vis est pronomini demonstratiui, *Hoc*, & verbi, *facite*, vt præceptum, quod his duobus verbis cõtinetur, ad eas tantum actiones referatur, quas tunc in præsentia Christus vel faciebat, vel faciendas significabat, quæ quidem actiones cõtinentur narratione ipsa institutionis, quæ incipit ab illis verbis: *Accipiens panem, &c.* Posterio rem autem propositionem argumenti probo. Nam verba quibus id propriè significatum esse, alicui forsân videri posset, nō sunt nisi illa: *Deditq; discipulis suis*, quæ tum circa panem, tum circa calicem côm memorantur. At iis propriè verbis nequaquā talis actio significatur, quæ factū seu procuratum sit, vt ibi adessent tales, quibus rectè daretur vtraque species, sed tantum significatur actio illa Christi, quæ iis, qui & alioqui parati ad accipiendam vtramque speciem erant, & quibus habita tunc ratione circumstantiarum vtraque rectè dari tunc poterat, vtramq; dedit. Ita similis actio solum præciperetur ministris illo mandato: *Hoc facite*, nempe vt calicem ministrarent, cū tales adessent, qui iuxta iudicium Ecclesiæ rectè vellent & possent percipere; dato quod exercitium

Matth. 26.
Marc. 14.
Luc. 22.
1. Cor. 11.

tium præcedentium actionum circa calicem absolute ibi imperaretur.

Neque verò licet inde inferre, consequenter eodem præcepto imperari ministris id, sine quo actio illa *dandi*, exerceri ab ipsis nequit, nēpe, vt adsint quibus rectè calix administrari possit, qui nimirū sunt tanquam obiectum eiusmodi actionis *dandi*. Non enim, si aliqua actio præcipitur, illico etiam eodem præcepto illud imperatur, quod est obiectum necessarium, aut circumstantia illius actionis. Imperat enim Deus actionem siue officium illud quod beneficentia erga pauperes continetur: neque tamen eo etiam præcepto teneris efficere aut procurare, vt sint aliqui pauperes, quibus eleemosynam erogare possis, &c. & sic de aliis multis præceptis. 36.

Quamquam non nego, quin si ipsi ministri haberent præceptum diuinum administrandi calicem; consequenter etiam fideles tenerentur præcepto quoque affirmatiuo & generali illum dignè percipere. Sed tamen sicut id præceptum non obligaret ministros, vt darent nisi pro tempore necessitatis, iudicio inprimis Ecclesiæ, iuxta naturam affirmatiuorum præceptorum, & rei, de qua in proposito agitur, vt suprà dictum est; ita neque fideles, vt acciperent. Quo fit, vt vtrique iam excusarentur, cū his videlicet temporibus, habita ratione omnium circumstantiarum (de quibus infra) Ecclesia iudicet neque necessarium, neq; expediens esse fidelibus administrari, & ab his sumi calicem. 37.

Quòd si hīc obstrepant aduersarij, atque obiiciant, id iudicium Ecclesiæ esse contra Domini præceptum; petunt principium suo more, quod sanè in hac quæstione perpetuò faciunt. Etenim illud ipsum est, quod nos falsum esse defendimus, & probamus: nempe, Ecclesiam, vt aiunt isti, præcepto sui Domini in hac re repugnare. Et certè hætenus satis demonstratū est, in ipsis quidem verbis institutionis non contineri tale Christi præceptum. 38.



CAPVT III.

Respondetur ad argumenta, quibus Sectarij, ac nominatim Lutherus, Caluinus, & Kemnitius, ex verbis institutionis Eucharistia probare conantur, præceptum diuinum de communione sub utraque specie.

39.



UOD vt firmius maneat, quibusdam præterea istorum cauillationibus circa verba institutionis respondendū est. Vrgent enim ^z Lutherus, ^a Kemnitius, ^b & Caluinus, & alij communiter, PRIMO, vim illius particulæ vniuersalis: ^c *Bibite ex eo omnes.* Respondendo, Omnino esse vniuersalē illius particulæ significationem, sed in certo genere, nempe Sacerdotum, vt ^d suprà exposuimus. Quemadmodum ibi etiam apud ^e Matthæum & ^f Marcum vniuersaliter illa particula accipitur, etiamsi magis adhuc restrictè: nempe intra limites numeri duodenarij Apostolorum, quatenus erant determinatè illi homines. Vt cū subiunxit Christus apud Matthæum: *Omnes vos scandalum patiemini in me in ista nocte.* Item cū dicit Marcus: *Et biberunt ex eo omnes.* Etsi verba quidem illa: ^g *Bibite ex eo omnes,* cū formam præcepti habeant ad munus Ecclesiastici ministerij pertinentis, non inuiti fatemur ad Apostolos pertinuisse omnes, non ita restrictè, vt scilicet erant tantū homines illi numero XII. sed etiam vt erant futuri ministri Ecclesiæ; atque adeo pertinuisse quoque id præceptum ad illorum in eo munere successores, nempe Sacerdotes, vt suprà explicuimus.

40.

Accedit quod ^h Lutherus aliquando fassus est, ipsos quidem fideles non esse obligatos ad vtendum etiam calice, sed tantū ministros debere ipsis illum administrare, cū petunt. Itaque secundum illam Lutheri sententiam minimè ad fideles ipsos pertinuit illud: *Bibite ex eo omnes.* Etsi falsum etiam sit quod ait Lutherus, necessariò illis esse dandum calicem quandocunque petunt, vt satis hætenus ostensum est.

Neque

- ^z In lib. de captiuitate Babylonica.
^a In examine Conciij Trid. Sess. 21.
^b Lib. 4. instit. cap. 17. Sect. 48.
^c Matth. 16.
^d Num. 10. & sequent.
^e Cap. 26.
^f Cap. 14.
^g Matth. 26.

- ^h In lib. de captiuitate Babylonica.

Neque verò huc accommodari potest illud Christi ad ⁱA- 41.
postolos: *Quod vobis dico, omnibus dico.* Id enim de iis rebus tã- i Marc. 13.
tùm intelligi debet, quæ cùm ad vitæ Christianæ & morum
institutionem pertinerent, communes Christus esse voluit
omnibus fidelibus cum Apostolis. Quod apparet ex verbo
quod statim subiunxit: *Vigilate.* Multa autem ad officij au-
ctoritatem pertinentia Christus dixit Apostolis, quæ minimè
dicta quoque esse voluit fidelibus reliquis. Vt illud: *k Quorum* & Matth. 18.
remiseritis peccata, &c. Et illud in nostro proposito: *l Hoc facite,* l Lucæ 22.
id est, benedicite, &c. & alia eius generis. 1. Cor. 11.

SECUNDO cauillatur Kemnitius, si demus, illa verba: *Bibite* 42.
ex eo omnes, ad Apostolos esse dicta, tanquam ad Sacerdotes,
fore inde consequens, vt saltem Sacerdotes, etiam tum, cùm
Eucharistiam non conficiunt, debeant communicare sub spe-
cie vini, quod tamen ^m Concilium Tridentinum negat, vt ⁿ fu- m Sess. 21. c. 1.
prà vidimus. Id probat. Quoniam tunc Apostoli non confi- n Numero 15.
ciebant in illa cœna, & tamen bibere tunc iussi sunt. *Hic* (in-
quit Kemnitius) *est nodus insolubilis Jesuitæ.*

Respondeo, in illo præcepto (*Bibite ex eo omnes*) duplicem 43.
vim attendendam esse. Altera est, quòd iussi sunt Apostoli in
illa cœna aliquid facere quòd soli ipsi, vt personæ quædam
particulares tunc præsentis, exequi in illa cœna potuerunt, &
debuerunt, licet Eucharistiam tunc non conficerent. Nam eo
modo etiam fuisse ipsis particulare præceptum datum, & ab
eis tunc impletum, declarat euidèter Marcus, cùm subiungit: o Marci 14.
o Et biberunt ex eo omnes. Altera vis illius præcepti fuit, quòd iussi
sunt etiam postea bibere, tanquàm ministri futuri Eucharistiæ, p Numero 16.
vt p suprà expositum est. & seq.

Iam verò illud præceptum non pertinet ad successores A- 44.
postolorum Sacerdotes, qua ratione per illud præscribaba-
tur Apostolis quid ipsi, vt personæ particulares, in illa cœna fa-
cturi essent, cùm nondum Sacerdotum munere fungebantur.
Sic enim non eis propriè Sacerdotes nostri succedunt, vt Sa-
cerdotes sunt, neque etiam possunt iam in illa cœna determi-
natè, quæ iam præterit, quidquam ipsi facere. Sed pertinet id
præceptum ad Sacerdotes nostros, quatenus simul iisdem ver-

bis præscribebatur Apostolis, quid erant post illam cœnam ipsi deinceps facturi, cum Sacerdotes, id est, administri Eucharistiæ conficiendæ forent, eoque munere fungerentur.

45. Ita fit, ut successores Apostolorum Sacerdotes minimè illo præcepto iussi sint sumere similiter calicem, quando non conficiunt. Nam id facere, ad Apostolos, sicut declaratum est, tunc tantum pertinuit, quatenus in illa ipsa cœna erant quædam personæ particulares, quæ licet Eucharistiam tunc non conficerent, tamen illo ipso tempore debebant etiam id facere quod tunc facere iuebantur, nempe bibere. Ut autem postea etiam biberent, non sunt iussi, quatenus erant personæ particulares: Sed quatenus ipsis, ut q̄ superius argumentabamur, dictum etiam erat: *Hoc facite in meam commemorationem*, id est, consecrate etiam, &c. quod tunc in illa cœna minimè debuerunt facere, sed postea tãquam Sacerdotes. Quare tum cum etiam consecrarent, iussi fuerunt bibere; & consequenter, neque aliter etiam tenentur id nunc facere Sacerdotes. Vtrumque enim præceptum coniunctim, scilicet & cõficiendi & bibendi, Apostolis, ut sacerdotali munere functuris, datum est. Quæ duo præcepta cum ad idem mysterium integrè à ministris perficiendum pertineant, non tenentur illi alterum sine altero implere, sed vtrumq; simul cum Eucharistiam conficiunt, sicut dictum est. Atq; ita nodus ille Kemnitianus solutus est.

46. TERTIO vrgent isti vehementer, quòd Apostolus interpretari videatur, præceptum sumendi vtramque speciem, non tantum ad Apostolos, sed etiam ad omnes fideles pertinuisse. Nam scribens fidelibus Corinthiis, totam institutionem vtriusque speciei narrat, quam etiam institutionem affirmat se illis tradidisse, & explicasse, sicut acceperat à Domino, quo ipso indicat ad omnes illam institutionem totam pertinere. Et confirmat id Kemnitius ex ipsius epistolæ inscriptione, quæ est huiusmodi: *Paulus Apostolus Ecclesiæ Dei, quæ est Corinthij, sanctificatis in Christo, vocatis Sanctis cum omnibus qui inuocant nomen Domini nostri Jesu Christi in omni loco.* Ex quo intelligi potest, doctrinam illam de vtriusque speciei institutione,

¶ Numero 13.
& seq.
¶ Luc. 22.

¶ Lutherus, &
Kemnitius, &
Caluinus locis
suprà citatis,
& alij passim.

¶ 1. Cor. 11,

¶ 1. Cor. 1,

tionem, non tantum ad ipsos Corinthios, sed ad omnes etiam alios fideles pertinere.

Respondeo in primis, observationem hanc Kemnitij, quod ad titulum epistolæ attinet, potius istis ob stare, quam suffragari, si auctoritatem quidem Hieronymi, vel certe illius auctoris, cuius commentarii in epistola ad Corinthios Hieronymo tribuantur, sequeremur. Non enim præcisè dicit Apostolus: *Cum omnibus qui invocant nomen Domini in omni loco*, ut truncatè Kemnitius citavit, sed; *In omni* (inquit) *loco ipsorum & nostro*. Vbi Hieronymus interpretatur, Apostolum intellexisse ibi propriè Sacerdotes, ad quos ex peculiari officio pertinet *invocare nomen Domini*: quo in munere, & suum illi & Apostolorum locum tenent. Id enim arbitratur Hieronymus significare Apostolum, cum ait: *In omni loco ipsorum & nostro: quoniam Sacerdotes* (inquit Hieronymus) *& suo & Apostolorum loco funguntur*.

47.

Sed non valde pro ista interpretatione pugnabimus. Fatemur enim utrò hic duo. Primum. Non modò cum Sacerdotibus, sed etiam cum aliis fidelibus, atque adeo cum omnibus Ecclesiæ ordinibus, Apostolum ibi loqui, siue qui fuerant tunc Corinthi, siue qui erant etiam alibi. Immo ad omnes unquam futuros fideles illum sermonem Apostoli pertinere concedimus, ut * Chrysostomus quidem in illum locum & alij interpretantur. Secundo. Apostolum ibi non nudè tantum narrare historiam institutionis, sed etiam ad ipsam Ecclesiam accommodare præcepta Domini, quæ vel in illa institutione continentur, vel ex ea deducuntur: sicut in primis propter diuinissimæ rei præstantiam deducit Apostolus ibi ex ipsa institutione præceptum illud: *Probet autem se ipsum*, 1. Cor. 11. *homo, &c.*

* Homil. 1. in
epist. 1. ad Co-
rinth.

48.

Sed cum ibi Apostolus ad totam Ecclesiam, in qua sunt varij fidelium ordines, & de tota ratione institutionis, in qua sunt varia Domini præcepta, loquatur; quæstio est hinc primò, utrum ita fecerit accommodationem institutionis ad Ecclesiam, ut voluerit omnia & singula institutionis præcepta pertinere ad omnes & singulos Ecclesiæ ordines? Secundo non omnia

49.

omnia præcepta voluit ad omnes & singulos pertinere, quomodo illa distribui voluerit, & quæ ad quos referri?

50. Et quod ad *primam* quæstionem attinet, aduersarij quidem ita confusè illam accommodationem Apostoli ad Ecclesiam vrgent, quasi oporteat ad omnes ex quo omnia præcepta institutioni adiuncta pertinere. Sed certissimum est, minime Apostolum hoc voluisse. Nam saltem præcepta conficiendi & administrandi Eucharistiam, quæ continentur verbo illo, *z hoc facite*, debent, velint, nolint, aduersarij fateri ad solos Sacerdotes seu ministros Ecclesiæ voluisse Apostolum referri. Itaq; certum est, quod ad *primam* quæstionem attinet, non ita fieri ibi ab Apostolo accommodationem institutionis ad Ecclesiam, vt omnia præcepta institutioni annexa pertinere intelligantur ad omnes & singulos Ecclesiæ ordines.

z. Lucæ 11.
1. Cor. 11.

51. De *secunda* autè quæstione, quid sentiendum sit, non obscure colligi potest ex eodem sermone Apostoli. Inprimis enim cum profitetur se id ipsum *tradere quod à Domino acceperat*, satis indicat non aliter velle se illa præcepta Domini distribuere & accommodare ad varios Ecclesiæ ordines, quam ipse Dominus in institutione fecit. Quid autem Sacerdotibus solis, & quid omnibus etiam fidelibus (iuxta expositionem etiam Paulinam in hoc ipso loco) Christus ipse præcepit, ^a supra declarauimus: sic, vt planè defensum sit, non esse iussos omnes & singulos fideles communicare sub vtraq; specie. Sed talis omnino fuit à Christo facta distributio præceptorum, vt præceptum quidè conficiendi Eucharistiam, & administrandi eam sub specie panis, & sumendi sub specie calicis, ad solos Sacerdotes pertineat: Præceptum autem sumendi sub specie panis, & referendi ad Christi cōmemorationem, quidquid siue circa panem, siue circa calicem etiam fiat, pertineat ad omnes. Apostolus igitur eandem etiam inprimis accommodationem præceptorum Domini ad Ecclesiam in illo loco facit, vt ^b supra quoq; probauimus, maximè ex declaratione quam adhibuit illis verbis Domini, *Quotiescunq; biberis, &c.*

^a Numero 10.
& 10. & 15.

^b Numero 10.

52. Deinde, quod præcipuè pertinet ad institutum Apostoli in illo loco, duo diuina præcepta ad omnes Ecclesiæ ordines perti-

pertinentia deducuntur ex ipsa Eucharistiæ institutione, illiusq; eximia, propter Christi præsentiam, dignitate: de quibus vt Corinthios atq; adeo fideles oēs Apostolus admoneret, institutionem totā repetit, vt ex ea nimirum cōfirmet eiusmodi duo præcepta, & ad oēs ordines illa accommodet. Alterū præceptū est, ne res tam sancta, tamq; diuina, hoc est, ne vsus corporis & sanguinis Dñi vllo modo prophanetur: quod faciebant Corinthij, sicut Apostolus ibi redarguit. Alterum præceptum est, vt corpus & sanguis Domini, quandocunq; siue in alterutra, siue etiam in vtraq; specie vel à Sacerdotibus, vel etiam à reliquis fidelibus sumatur, dignè, hoc est, bona & pura conscientia sumatur, diiudicādo videlicet corpus & sanguinē Domini, atque adeo sese ad id probando & præparando.

Hæc duo præcepta sic Apostolus ad oēs Ecclesiæ ordines ibi accommodat, vt nunquā omnino significet, omnes teneri absolute vsurpare vtramq; speciem: sed procedēs ex facti hypothese, quod scilicet vel vtraq; species, vel alterutra vsurpetur, notat tunc exstare præceptū circa facti modum, ne scilicet aut prophanè tractetur, aut indignè sumatur Eucharistia. 53.

In priori em̃ sermonis parte, vbi cōtra prophanationē agit, tantum inuehitur simpliciter in ipsam actus peruersitatē, eorum videlicet qui *suas cœnas præsumebant ad manducandū*. De altero aut præcepto idem clarissimè patet ex ipsa forma verborum, quibus illud deduxit Apostolus ex Eucharistiæ institutione. Vbi enim hanc recitauit, è vestigio subiunxit: *Itaq; quicumq; manducaueris vel biberis calicē Domini indignè, reus eris corporis et sanguinis Domini*. Quasi dicat; Oportet bono & sancto modo sumere Eucharistiā, siue in hac, siue in illa specie sumatur. 54.

Quo loco obseruandū est, Apostolum minimè eos reprehendere, qui vel māducant tantum, vel bibunt tantum, vel vtrumq; simul faciunt: quin potius illo modo ponēdi facti hypothese fin: *Quicumq; manducaueris vel biberis, &c.* tanquā certum in primis ponit, per Christi quidem legem licere interdum vel alterutrum, vel vtrumq; facere, pro conditione nimirum personæ, aut iuxta Ecclesiæ iudicium. Quamuis enim omnes tenentur sumere speciem panis, vt supra explicatum est; tamen cū id præceptū sit generale, & affirmatiuum, fieri potest, vt 55.

Numero 25.

quandoque non obliget, sed possit sumi solus sanguis propter circumstantias, vt infra etiam docebimus.

56. Deinde posita eiusmodi hypothefi facti, indicat Apostolus illa cominatione, *Reueris corporis, &c.* diuinum exstare præceptum de facti modo, vt scilicet sumatur dignè Eucharia, quodcumq; & quomodocumq; sumatur, siue sub altera, siue sub vtraque specie.

57. Atq; hanc tantum vim eius præcepti esse rursus indicat, cum deinde bis repetit idem præceptum verbis illis: *Probet autem seipsum homo, & sic de pane illo edat, & de calice bibat. Qui enim manducat & bibit indignè, iudicium sibi manducat & bibit, non diiudicans corpus Domini.* Vbi nihil interest, vtrum Apostolus per particulam *Et* fecerit hinc hypothefin vtriusque speciei coniunctam, vel diuisim (vtramq; enim vim habere solet particula *Et*) cum constet iam, vsum quidem absolute vel alterius, vel vtriusque speciei, non esse illud propriè quod ibi Apostolus significat esse præceptum, sed modum talis vsus: Quod euidenter declarat particula illa *Sic*, qua ibi vtitur Apostolus, inquit; *Et sic*, nempe dignè, sui que præmissa probatione, non autem indignè, edat & bibat. Hic enim modus actionis est, quem ibi Apostolus propriè declarat esse imperatum.

58. Nihil igitur D. Paulus in hoc loco sententiæ Sectariorum de necessitate vtriusq; speciei suffragatur, quin potius huius loci auctoritate planè illa eueritur, cum manifestè Apostolus significet, licitum alioqui esse vsum, vel vnus, vel alterius, vel etiam vtriusque speciei, modò non indignè vel altera, vel vtraq; vsurpetur. Et nihilominus tamen quemadmodum ibi Apostolus fecerit accommodationem institutionis ad totam Ecclesiam, satis iam, vt arbitror, est explicatum.

59. Ceterum, quod attinet ad particulam illam, *vel biberis*, qua in eo loco Apostolus vsus est, dupliciter nobis occurrit ^d Kēnitius. *Primò* dicit, illa verba; *Quicumq; manducauerit vel biberit*, nō esse verba ipsius institutionis Dominicæ, neq; per illa Paulum narrare ipsam institutionem, quin potius institutionem fuisse ab eo recitatam per particulam copulatiuam, cum dixit, *Similiter Et calicem, &c.* Proinde non posse ex illa Pauli sententia aliquid concludi contra necessitatem vtriusque speciei:

Quod

^d In examine
scs. 21. Conci-
lij Trid.

Quod si in verbis (inquit) *institutionis, & in locis illis ubi disponitur* *& describitur formæ cœnæ Dominicæ, Scriptura videretur particulis* *disiunctis; non parum certè roboris haberet argumentum.* Hactenus Kemnitius. *Secundò* retorquet ineptè & ridiculè valde illam Pauli sententiam in nos, tanquã hic etiam sit illius sensus: Qui manducat solùm, vel bibit solùm; hoc ipso facit indignè cõtra institutionem Christi, qui iusserit scilicet vtramque sumi.

Vanitas autem istiusmodi cauillationum facit eminere magis vim nostri argumenti. Quod enim *primò* dicit, illa verba nõ esse institutionis, neque per ea institutionem narrari, id nihil interest. Quamuis enim D. Paulus per ea verba neq; significauerit, neque recitauerit nobis institutionem; tamen indicauit certè non eam fuisse institutionis vim, vt vtraq; species necessariò sumi debeat ab omnibus. Quod si sententiam atque vim institutionis ex illis tantùm verbis liceret colligere, quibus aut significatur, aut recitatur ipsa institutio; ne possemus quidem ex illo Apostoli loco probare, eos contra vim institutionis facere, qui sine sui probatione sumunt Eucharistiam indignè. Obiiciet enim hic similiter ineptus aliquis Kemnitius, verba illa Pauli, *Probet autem seipsum homo, & quæ sequuntur*, non esse verba ipsius institutionis, neque per illa narrari institutionem, aut describi formam ipsam cœnæ Dominicæ.

Particula autè illa copulatiua (*similiter & calicem*) nihil istos iuuat. Certum enim est, non debere eam referri, nisi ad similitudinem quandã generalem actionũ Christi circa calicem, & circa panẽ; nempe vt sit sensus, Christum itidem accepisse calicem, & benedixisse, & instituisse, & dedisse, & imperasse etiã aliquid circa illum, videlicet illius vsum Sacerdotibus conficiendis, & omnibus etiam relationem eius ad cõmemorandam Christi passionem, quandocunq; ille, & à quibuscunque tandem vsurpetur; sicut suprà explicatum est. Ceterũ vt alia nihilominus fuit forma consecrationis in specie vini, quàm in specie panis, ita etiam alia forma præcepti circa calicem, vt ex ipsa differentia verborum Christi suprà demonstraui-
 • Numero 16.
 & 25.

Iam verò *secundum* subterfugium Kemnitij longè leuius est. Ipse enim Apostolus sequentibus verbis euidenter declarat, quem ibi intelligat sumere indignè, nempe illum qui

non diiudicat atque discernit corpus & sanguinem Domini ab alio cibo & potu vulgari. Hoc autem non propriè is facit, qui bona conscientia alioqui & reuerèter sumit vnam vel alteram speciem, sed is, qui vel conscius sibi alicuius peccati sine sui probatione & præparatione sumit Eucharistiam, quasi esset cibus aliquis aut potus communis; vel illam vulgari & prophana actione tractat, vt faciebant Corinthij.

63.

f Matth. 26.

g Lib. 4. institut. cap. 17. Sectione 48. 49. 50.

QVARTO contra nostrā illam respōsionem, qua dicimus, Christum nō omnibus fidelibus, sed Apostolis, quatenus Sacerdotes eos instituebat, dixisse, & *Bibite ex hoc omnes*, quinque nobis quæstiones proponit g Calvinus: *Velim, inquit, ad quinq, postulata mihi respondeant, quibus elabi non poterunt, quin facile cum suis mendaciis renincantur.* Audiamus igitur, & dent veniā Calvinistæ, si ego verius conuicero, in his ipsis quæstionibus proponendis Calvinum aliquoties mentitum fuisse. *Primum* (inquit) *quæro, quo oraculo reuelatam habeant hanc solutionem?* Respondeo. Ego quoq; primū quæro, quonām oraculo reuelatū habuerit Calvinus, quòd ibi Christus imperauerit vsum calicis omnibus fidelibus, cū nullus ibi fuerit fidelis præter Apostolos, quos Eucharistiæ ministros tunc instituebat, nec vsquam Scriptura exponat, ad omnes fideles ea quidem verba pertinere? Deinde dico, contrarium nos habere reuelatū oraculo illius, qui iuxta Christi promissionē, h docet Ecclesiam *omnem veritatem*, eique i suggerit intelligentiam certissimam *omnium quæcunq, dixit Christus.* Item colligimus ex ipsa circumstantia Christi sermonis, cum ad Apostolos ibi tanquam ad Sacerdotes esse loquutum, vt & superiùs ostendi.

h Ioan. 16.

i Ioan. 14.

¶ Numero 32. & sequent.

64.

l Cap. 61. & 66.

m In Tractatu de Sacrificio Missæ pag. 234. & sequent. Et in Apologia eiusdem Tract. pagin. 277. & seq.

n Citati supra numero 13.

Sed *Scriptura*, inquit Calvinus, *non ibi appellat Apostolos Sacerdotes.* Respondeo. Quid tum? An ideo ibi non fuerunt Eucharistiæ ministri instituti atque adeo Sacerdotes, quia ministri & Sacerdotes non sunt ibi appellati? Certè multò minùs sunt appellati Prædicantes; & tamen sunt apud Sectarios (vtinam non essent) Prædicantes. Adde quod Deus ipse alioqui per Isaiam ministros Ecclesiæ noui Testamenti *Sacerdotes* disertè appellat, qua de re alibi m egimus. Adde etiā quod n Patres affirmant Apostolos ibi accepisse Sacerdotalem potestatem, vt suprā citauimus.

At,

At, inquit Caluinus, *etsi Christus duodecimum dederit, præcepit tamen ut sic facerent, nempe ut sic inter se distribuerent.* Respondeo. Certum est, nesciuisse hoc loco Caluinum, quid diceret. Nam quodnam Christi præceptum nobis hîc obiicit? An illud circa calicem, quod solus Lucas memorat, *Accipite & dividite inter vos;* de hoc enim loqui videtur Caluinus. At hoc nō dixit Christus de calice consecrato, in quo sanguinē suum porrexit, sed de calice in quo prius exhibuit discipulis vinum commune, ut Theophylactus & alij notârunt, & ex ipso loco Lucæ perspicuū est. Quod si maximē de calice, in quo esset sanguis, ea verba Christus dixisset, tamen ipsi etiam Prædicantes suo vfu, velint nolint, testantur, id præceptum non pertinuisse ad alios præterquā ad Apostolos, ut erant illæ personæ duodecim numero. Nam neq; ipsi Prædicantes nunc inter se diuidunt, sed quisq; illorum plerumq; sibi sumit, & porrigit populo. Si verò loquitur hîc Caluinus de illo altero præcepto: *Hoc facite, quiescunque bibetis, in meam commemorationem,* iam suprà abundē demonstraui, solam relationem actionis ad finem commemorandi passionem Christi, non autem ipsam actionem absolutē, fuisse iniunctam hoc præcepto.

Secundò (quærit Caluinus) *cur meliori illo seculo ab Apostolis ad mille vsq; annos postea, sine exceptione omnes fiebant vtriusq; speciei participes?* Respondeo. Falsum est, fuisse semper illo tempore factos omnes participes vtriusq; speciei. Quin immò semper fuit etiā vsus aliquis alterius speciei tantū, sicut infrā suo loco docebimus. Quamuis licuit etiam per Christi legem omnibus vtrāq; dare. Ut enim Christus hoc non præcepit, ita nec prohibuit. Et quomodo prior consuetudo rectē post modū abolita sit, infrā videbimus, atq; etiā respondebimus ad testimonia veterū, ex quibus hîc probat Caluinus calicē oliui fuisse in vsu.

Tertiò (quærit Caluinus) *cur Christus de pane simpliciter dixit ut ederent; de calice ut omnes biberent?* Respondeo. Falsò hîc in primis ponit Caluinus, sicut etiam Lutherus, Christum de pane simpliciter dixisse, ut ederent. Immò dixit: *Accipite & manducate ex hoc omnes.* Nam etsi illum ita dixisse, nullus Euangelistarū, neque D. Paulus referat, tamen id certissimē testificatur traditio Apostolica, ex qua iam inde ab initio accepit

y In can. Mis- *J* Ecclesia ista Christi verba, sicut & illa quoque; ut verba Christi
sæ, ante con- commemorant D. & Ambrosius, & P. Paschasius. Neque enim
secrationem. omnia, quæ vel fecit, vel dixit Christus, comprehensa in Scrip-
z Lib. 4. de Sa- tura sunt, ut ex Evangelista *b* Ioanne satis intelligi potest, & o-
cram. c. 5. stendit doctè Innocentius III. in hac ipsa quæstione de verbis
a Lib. de cor- quæ Christus dixit in institutione Eucharistiæ.
pore & sangui-
ne Domini,
cap. 15. *b* Ioan. 21. c In capitulo, cum Marthæ, extra de celebr. Missarum.

68. Sed cur tandem dixit Christus ut biberent omnes? Respódeo.

d Lib. 4. instur. Nō ut significaret fideles omnes debere bibere, sicut *d* Calvinus
vbi suprà. & P. Lutherus, & alij Sectarij, ex anticipato errore sibi imagi-
e Lib. de cap- nantur. Sed tres aliæ rationes eius loquutionis reddi possunt.
tiu. Babyl.

f Numero 10.
& sequent.

Prima, quoniam voluit Christus, ut omnes Apostoli biberent,
non quidē ea præcisè ratione qua erant Christi fideles, sed ut
erant illæ personæ numero duodecim, & ut instituebantur mi-
nistri Eucharistiæ, sicut *f* suprà defesum est. Neque enim, si præ-
ceptum comedendi, ad Apostolos, ut erant etiam cōmuni ra-
tione fideles, atque adeo ad omnes alios, pertinuit; ideo etiā
debuit pertinere ad illos ea ipsa ratione præceptum bibendi.
Nam primò, cum hoc præceptū diuersum sit ab illo, nō est ne-
cesse, ut eadem ratione utrumque sit datum. Deinde est disci-
men, quòd panis vsus omnibus conuenit, & facilius atque com-
munior est, quàm vini; item quòd actus bibendi spectat ad vl-
timam quandā Eucharistiæ perfectionem, quam illi peculia-
riter adhibere debent qui Eucharistiam conficiunt, alij verò
non item, ut infrà docebimus. Quare præceptum comedendi
Apostolis omnibus, ut erant cōmuni ratione fideles, dari de-
buit; præceptum autem bibendi, non nisi ut simul etiam insti-
tuebantur Eucharistiæ conficiendæ ministri. Sicut in eadem
ipsa cœna, & eodem sermone, alia quædam præcepta, puta cō-
ficiendi & ministrandi Eucharistiam, nō omnibus fidelibus,
g Numero 71. sed solis ministris data sunt, ut paulò post *g* opportuno loco
& 73. explicabimus. Secunda ratio illius locutionis fuit, ut eò mi-
nus Iudas tergiuersaretur ac recusaret bibere, sicut fortè hu-
ius rei circa speciē panis aliquam significationē dederat, ut ex
quorundam sententia notat *h* Theophylactus. Non enim ad-
h In caput
26. Matth.
a Cap. 6. libuerat Iudas fidem huic mysterio, ut ex Evangelista *a* Ioan-
ne intelligi potest. Nam cum dixisset Christus: *Sunt quidam ex
vobis*

vobis qui non credunt, continuò subiungit Ioannes: Sciebat enim ab initio Iesus qui essent non credentes, & qui traditurus esset eum. In quem locū ita etiam scripsit ^b Augustinus: Sunt quidā (inquit) ^b Tract. 27. qui non credūt, & ideo non intelligunt, quia nō credunt. Et paucis in- in Ioan. terpositis: Ibi, inquit, erat & Iudas: nam quidā scandalizati sunt. Ille autē mansit ad insidiandum, non ad intelligendū. Et clarissimē quoque D. Chrysostomus explicans illa verba Christi: Nonne ^d ego ^c Hom. 46. duodecim elegi, & unus ex vobis diabolus est? Cū dixisset Petrus (in- in Ioan. quit Chrysostomus) nos credimus: eximit ē numero Iudam. Et paulo post: Primus (inquit) eum alius annumeravit, cū diceret: Sunt quidam ex vobis qui non credunt; quod confirmat Evangelista his verbis: Sciebat enim, &c. Cū autem in malitia perscueraret, vehementius eum arguit: Unus, inquit, ex vobis diabolus est. Tertia ratio fuit, ne quis fortē discipulorum horrens potū sanguinis, quem Christus affirmabat se dare in calice, bibere detrectaret, maximē cū potus sanguinis esset alioqui prohibitus in lege. Ideo quasi animans eos dicit, Bibite ex hoc omnes. Nam & ob eandem causā ipse primus bibit de calice, ut D. Chrysostomus an- ^c Homil. 23. notavit. Adde quod non est humanæ intelligentiæ perspectas in Matth. prorsus habere causas, cur hoc modo aut illo Christus locutus sit: ^f Quis enim cognovit sensum Domini? Quin etiam ne sui quidem sermonis homo rationem semper reddere potest, cur hoc vel illo modo rem explicuerit. Nimis igitur curiosa & inepta est illa tertia quæstio Caluini.

Quarto (quærit Calvinus) si sua cæna Dominus solos sacrificos (ut ^{69.} volunt) dignatus est, quis vnquam hominum ausus esset vocare in participationem extraneos, qui a Domino exclusi essent? Respōdeo. Dupliciter hoc loco dignatus est mentiri Calvinus: ut vocabulo ego proprio veritatem dicam. Quis enim vnquam Catholicorum dixit, Dominum solos Sacerdotes dignatum esse sua cæna? Quis dixit, Dominum exclusisse à sua cæna reliquos? Nihil volumus minus. Tantū dicimus, Dominum non iussisse quidem ut reliqui etiam ad vtramque speciem Sacramenti admitterentur. Sed tamen cū neque hoc prohibuerit, sed reliquerit Ecclesiæ liberum; hoc ipso omnes vtraque specie dignatus est, & neminē exclusit. Quod cū ita sit, nihil mirū est, quòd Ecclesia aliquando potestate sua uti ausa fuerit, id est, quòd admiserit

admiserit fideles ad participationem vtriusque speciei, per se alioqui salutarem, quandoquidem hoc fuit Ecclesiæ relictum liberum, & minimè prohibitum.

70. Errauit autem turpissimè Caluinus existimans non posse sine diuino mandato quenquam admitti ad hoc Sacramentum in specie vtraq; siue, vt ille vocat, ad cœnam. Hoc enim ipso in omni materia, atque adeo etiam in materia religionis aliquid licet, quòd prohibitum non est; neque præterea requiritur vt

g In Apolog-
tico de Idolo-
latria, cap. 2.
Et in confuta-
tione Spongiz
Herbrandi
contra illum,
cap. 2.

præcipiatur. Sicut & aliàs contra communem Sectariorum errorè defendimus, & probauimus, explicatis omnibus Scripturæ locis, quibus illi abutuntur. Præceptum enim non propriè facit rem licitam, sed necessariam. Aut dicant mihi Calvinistæ vbi scriptum est, vt Deum veneremur illo cultu religionis, qui in vouendo consistit? Hòcne igitur illicitum nobis est, quia nusquam præcipitur? Dicat etiam Calvinista quispiam minister, quonam præcepto diuino ipse debuerit minister Eucharistiæ benedicendæ & administrandæ initiari? Ideòne igitur ad eius auctoritatem ministerij admitti non potuit, quia id ministerium suscipere, diuino præcepto non tenebatur? Intelligant ergo, satis hoc ipso potuisse quemlibet fidelem ad vsum vtriusque speciei admitti, quòd hic vsus per se est salutaris, & nemini per Christum prohibitus, quamuis nec sit omnibus imperatus. Adde quod de administranda omnibus specie saltem panis diuinum etiam præceptum exstat, vt
b Num. 15.
b supra docuimus.

71. Quintò (quærit Caluinus) an mentiebaturⁱ Paulus cùm dicebat
i 1. Cor. 11.

g Num. 48.
& sequent.

se accepisse à Domino quod illis tradiderat? Respòdeo. Minimè. Sed nullum tamen Domini præceptum illis tradidit, quo fideles omnes teneantur vtramq; speciem vsurpare, vt euidenter & supra demonstrauimus. Quare rursus Caluinus (quod Paulus minimè fecit) mentitus est, cùm absq; vlla probatione subiungit: Postea declarari à Paulo traditionem, vt omnes promiscuè vtroq; Symbolo cõmunicarent. Nihil minus Paulus declarauit, vt antea clarissimè ostensum est. Expedita sunt igitur illa quinque; Caluini postulata, quæ nobis obiiicit contra cõmunionem sub vtraq;.

72. POSTREMO duo quædam alia (vt omnia exhauriamus) possent nobis hic obiiici. Alterum est, quòd præceptum illud:

illud: *Hoc facite, quotiescunque bibetis in meam commemorationem*; 1. Cor. 11.
 ad fideles etiam pertinet, ut *m* suprà ex Paulo docuimus. Igi- *m* Num. 20.
 tur ad eosdem etiam pertinet illud, *n* *Bibite ex eo omnes*, quan- *n* Matth. 26.
 doquidem utraque verba in eadem cœna Christus loquutus
 est, & utrobique eodem vocabulo *bibendi* est usus. Respondeo.
 Nihil valet consequentia. Nam similiter illud præceptum quo
 iussit Christus, ut usus speciei panis referretur ad sui commemo-
 rationem, inquit, *o* *Hoc facite in meam commemorationem*, *o* Lucæ 22.
 pertinet quoque ad omnes fideles, ut ex Apostolo *p* Paulo *p* 1. Cor. 11.
 patet; nec tamen ideo ad omnes fideles pertinet præceptum
 quo etiam Christus in eadem cœna & iisdem ipsis verbis ius-
 sit, ut species panis consecraretur & offerretur, & administra-
 retur, sed ad Apostolos duntaxat pertinet hoc præceptum
 tanquam ad Eucharistiæ ministros, siue Sacerdotes.

Eodem igitur modo, cum per præceptum illud, *Hoc facite* 73.
quotiescunque bibetis, solum iusserit Dominus, ut actio circa ca-
 licem, quotiescunque & à quibuscunque exerceretur, refera-
 tur ad sui commemorationem; (ut *q* suprà ex Apostolo de- *q* Num. 10. &
 monstrauius) ad fideles quoque pertinet hoc præceptum, *q* sequent.
 siquidem omnes referre actionem suam in eum finem conue-
 nit. Illius autem præcepti, *Bibite ex eo omnes*, diuersa forma
 & vis est: nam præcipitur per illud absolutè ipsum etiam e-
 exercitium bibendi, atque ita non est opus, ut ad fideles omnes
 pertinuerit, licet in eadem cœna sit traditum; sed pertinet
 tantum ad Apostolos tanquam ad Eucharistiæ ministros, ut
r suprà confirmauimus. Ministris enim, qui Sacramentum *r* Numero 10.
 conficiunt, incumbit, ut illud etiam omnino perficiant, per *& sequent.*
 vtriusq; speciei usum; non perinde autem aliis qui Sacramen-
 tum ipsi non conficiunt, ut *r* infra quoque declarabitur. *r* Cap. 6.

Adde, quòd non eodem verbo traditur illud præceptum: *Hoc* 74.
facite, quotiescunque bibetis, in meam commemorationem; Et illud:
Bibite ex eo omnes. Per verbum enim illud *bibetis*, nihil ibi præ-
 cipitur, sed tantum sit hypothesis facti, id est, supponitur id
 factum, quod iubet Dominus referri ad sui commemorationem
 per verbum *Facite*. Ex quo etiam intelligitur, non esse neces-
 se, ut ad eosdem pertinuerit vtrumque præceptum. Adde eti-

am, quòd in illo ipso præcepto: *Hoc facite, quotiescunque bibetis, in meam cõmemorationem*; non planè directè, sed quasi in obliquo. & consequenter loquitur Christus cum fidelibus; directè autem loquitur cum Apostolis vt Eucharistiæ ministris, quibus solis dixerat: *Bibite ex eo omnes*. Sensus enim illius præcepti: *Hoc facite quotiescunque bibetis*, est, hoc facite in meam cõmemorationem, aut ipsi soli, aut vnà cum aliis, quando cum aliis bibetis, sicut * suprà exposuimus. Ex quo etiam apparet, non esse necesse vt ad fideles etià dicta sint illa verba: *Bibite ex eo omnes*, quæ Christus dixit Apostolis; neque etiam est opus, vt indirectè ad eos hæc verba pertinerint, cùm diuersa sit ratio & vis vtriusque præcepti, & alia etiam præcepta in eadem cœna nullo modo pertinuerint ad fideles, sicut est explicatum.

75. Alterum, quod potest hoc loco obiiici, est, si, quemadmodum diximus, per illud præceptum: *Hoc facite, quotiescunque bibetis*, non est imperatus vsus etiam ipsarum actionum circa calicem, quoad exercitium, sed tantum relatio earum ad finem commemorandæ Christi passionis; consequens inde esse, quòd ne oblatio quidem ipsa & consecratio calicis sit imperata Sacerdotibus, quoad exercitium. Respondendum autè est, ex vi nihilominus aliorum Christi verborum, esse eam actionem illis ipsis imperatam, nempe per illa: *Hoc facite in meam cõmemorationem*. Hoc ipso enim quòd per hæc iussi sunt offerre & consecrare Eucharistiam sub specie panis, consequenter intelligi debet, eos etiam iussos esse consecrare & offerre sub specie vini. Nam hoc exigit necessariò natura huius Sacramenti & Sacrificij. Si enim vna species absque altera conficiatur, sacrilegium committitur, vt docebimus. Quamobrem in * Concilio Tridentino absolutè dicitur, Sacerdotes iussos esse offerre vtramque speciem illis verbis Domini: *Hoc facite in meam cõmemorationem*. Quæ forma verborum solùm est ysurpata à Christo circa panem, vt suprà vidimus.

76. Item colligitur præceptum consecrandi etiam calicem quod Sacerdotes obliget, ex illis verbis: *Bibite ex eo omnes*.

Cum

* Num. 19.

• Lucæ 22.

* Sess. 22, c. 21.

γ Matth. 26.

Cum enim ibi Sacerdotes iussi sint etiam bibere, quando Eucharistiam conficiunt, ut supra explicatum est: & hoc non possint facere, nisi consecrauerint calicem; id etiam consequenter facere tenentur. Quo autem tempore, vel utrum omnino aliquando, præceptum istud consecrandi & offerendi Eucharistiam, omnes & singulos Sacerdotes obliget, disputatio est alterius loci. Et hæcenus quidem à nobis defensum est in ipsa Christi institutione nullum contineri præceptum, quod omnes & singulos fideles ad usum utriusque speciei obliget.



CAPVT IV.

Non posse colligi præceptum diuinum de communione sub utraque, ex illis verbis Christi: Nisi manducaueritis carnem Filij hominis, & biberitis eius sanguinem, non habebitis vitam in vobis, Ioan. 6.

NUNC ostendamus, neque in verbis illis: *Nisi manducaueritis, &c. Ioan. 6.* tale præceptum contineri. Et quidem & Thomas VValdensis, & Caietanus, & Tapperus, & quidam alij facili negotio rem hæc expediunt. Quippe arbitrantur, *manducare & bibere* secundum illam Christi sententiam, tantum esse incorporari tanquam membrum viuum Christo, pro nobis crucifixo; siue id fiat per actus fidei & charitatis in illum, siue per usum alicuius Sacramenti, & inprimis Baptismi. Quo pacto pertinet etiam hæc sententia ad infantes.

Probat Caietanus hanc interpretationem, quoniam sequeretur alioqui Baptismum non sufficere ad salutem, si præterea ad vitam spirituales necessarius sit usus Sacramenti Eucharistiae. At Baptismus sufficit ad salutem. Ergo non est in eo loco sermo de usu Eucharistiae, quasi is etiam sit necessarius ad salutem. Assumptam propositionem probat illis testimoniis: *c Qui crediderit & baptizatus fuerit, saluus erit. Et; d Saluos nos fecit per lauacrum regenerationis.*

77.
 & Lib. 2. de
 Sac. cap. 92.
 & 3. p. q. 80.
 art. 12. & tom.
 3. suorum o-
 puscul. tract. 12.
 cap. 1.
 & Act. 15. sub
 finem.

78.

& Marc. vii;
 & Tit. 3.

79. Tapperus addit illam rationem, quòd Christus de eo modo manducandi & bibendi loquebatur, quo etiam tùm, cùm id dicebat, manducari ipsius caro, & bibi illius sanguis poterat. Subiungit enim in eodem loco similiter: *Qui manducat meam carnem, & bibit meum sanguinem, habet vitam æternam.* At tunc non poterat nisi spiritaliter caro Christi manducari, & sanguis bibi. Ergo tantùm de manducatione spiritali ibi est sermo. Propositio assumpta probatur. Quoniam nondum erat tunc temporis Eucharistiæ Sacramentum institutum, sed triennio pòst ferè. Neque sanè iam Sectarij vltteriùs vrgent hunc locum pro communione sub vtraque: quin illi etiam de spiritali manducatione similiter cum interpretantur.

80. Ceterùm multæ sunt rationes collectæ à *c* Rossensi, & ab

e In præmio f Alphonso de Castro, & à *g* Sandero, & ab *h* Alano, & ab aliis, ob quas oporteat hanc partem illius Christi sermonis de Sacramentali etiam vsu Eucharistiæ intelligere. Ac potissima est, quòd ita veteres ad ipsam Eucharistiam hunc locum accommodant, vt videantur non tantùm id facere, per qualem-
f In sum. de cunque allusionem, sed planè interpretando ipsa Christi verba de Sacramento Eucharistiæ. Ex quibus sunt *i* Origenes, & Basilii, *j* Athanasius, *m* Chrysostomus, *n* Emissenus, *o* Cyrillus Alexandrinus, *p* Damascenus, *q* Theophylactus, *r* Theodoretus, *s* Cyprianus, *t* Hieronymus, *u* Ambrosius, *x* Augustinus, *y* Hilarius, *z* Leo. Item Patres *a* Concilij Ephesini, & Synodi Cabilonensis sub *b* Carolo Magno. Quin etiam *c* Concilium Tridentinum ad Sacramentum illam sententiam accommodat: *Qui manducat me, ipse vivet propter me.* Quamvis *d* significat nihilominus liberum esse de spiritali vel de reali manducatione hunc Christi sermonem intelligere.

i Lib. 4. in Synopsi, & epist. ad Serapionem in illa verba; Qui dixerit verbum contra filium hominis. *m* Hom. 45. & 46. in Ioan. *n* Hom. 5. de Paschate. *o* Lib. 4. in Ioan. cap. 14. *p* Lib. 4. fidei, cap. 14. *q* In cap. 6. Ioan. *r* Lib. 4. hist. cap. 11. *s* Lib. 1. con. Iudæos, cap. 22. & in orat. Dom. & in serm. de cœna Domini. *t* In cap. 1. ad Ephes. *u* Lib. 6. de Sac. cap. 1. *x* Tract. 16. in Ioan. & serm. 2. de verbis Apostoli, & lib. 1. de peccat. meritis, & remis. cap. 20. & 24. & lib. 1. cont. Crescon. ca. 25. *y* Lib. 8. de Trinitate. *z* Sermon. 6. de ieiunio septimi mensis. *a* In epist. ad Nestorium. *b* Cap. 46. *c* Sess. 13. cap. 2. *d* Sess. 21. cap. 1.

81. Neque nobis obstat, quod bona pars illius Christi sermonis

nis de spirituali tantum manducatione ipsius per fidem sine controuersia intelligitur. Fecit enim Christus transitionem ad mysterium Eucharistiæ ab eo ferè loco, cum dixit: *Panis quem ego dabo, caro mea est pro mundi vita.* vt diuus e Chrysostomus e Homil. 45. in Ioan. notauit. Itaq; reliqua etiã quæ sequuntur in illo cap. 6. Ioan. de reali vsu Sacramenti Eucharistiæ accipienda sunt, vt ferè iam omnes interpretantur.

Argumenta verò Caietani & Tapperi non conuincunt. Nam, quod ad rationem Caietani attinet, distinguendum est id quod assumit, Baptismum sufficere ad salutem. Si enim hoc intelligat citra casum necessitatis adimplendi alia diuina præcepta; Verum est, & id solum probatur illis Scripturæ testimoniis à Caietano citatis. Si autem intelligat simpliciter & absolutè, quasi nec aliquando, nec aliquibus, aliquid aliud præterea sit necessarium ad vitam siue salutem spiritualem; Falsissimum id est. Tunc enim probaret eadem argumenti forma Caietanus obseruationem mandatorum non esse necessariam ad spiritualem vitam habendam; contra illud Christi: *Hoc fac & uiues.* Et: f *Si vis ad vitam ingredi, serua mandata.* Vt igitur f Matth. 19. præter Baptismum obseruatio aliorum mandatorum pro circumstantiis personæ, & rei, & temporis, ad salutem requiritur, ita etiam obseruatio præcepti de sumendo re ipsa Eucharistiã, quod proinde præceptum salua sufficientia & efficacia Baptismi, potest contineri illis verbis Domini, *Nisi manducaueritis, &c.*

Neque verò hinc sequetur, in infantibus quoq; necessariam esse Eucharistiã ad salutem præter Baptismum. Etenim materia huius præcepti de Eucharistia eiusmodi est, vt solos adultos obliget, quippe illi soli peccando labefactant vitam spiritualem, atq; adeo spirituali cibo ad vitam tuendam indigent. Alia verò ratio est illius similis sententiæ Christi: g *Nisi* g Ioan. 3. *quis renatus fuerit ex aqua & Spiritu sancto, non potest introire in regnum Dei.* Hic enim sermo est de regeneratione in nouam vitam spiritualem: cuius quia infantes etiam participes esse possunt, & hi quoque propter peccatum originale, illa indi-

gent; ad eos item pertinet illa Christi sententia de necessitate Baptismi.

84. Ratio autem Tapperi non malè mihi probare videtur, quòd sit etiam locus ille intelligendus de manducatione spiritali, nempe de incorporatione in Christo per fidem viuam, aut etiam per aliquod Sacramentum. Hoc enim video esse ex mente ^b D. Augustini, cùm ex ea sententia Christi probat còtra Pelagianos non posse paruulos habere vitam spiritualem nisi Christo incorporentur, atque adeo consequantur effectum saltem Eucharistiæ, qui est vnio cum Christo secundum gratiam, quæ datur etiam in Baptismo. Quo pacto ex eodem loco Ioannis pro necessitate Baptismi paruulorum est etiam argumentatus ^d diuus Cyprianus & ^e Innocentius Primus.

^b Lib. 1. de peccat. mer. & remiss. c. 20. & lib. 3. cap. 4. & episto. 106. & lib. 2. contra duas epistolas Pelagianorū, cap. 4. & lib. 1. contra Iul. c. 1. & passim aliàs.

^d Lib. 1. ad Quirinum, cap. 15. & In epist. ad Concilium Mileuitanum, quæ est num. 93. inter epistolas Augustini.

85. Itaque non repugno quòd minus de vtroque genere manducationis, scilicet spiritali & Sacramentali, Christus ibi loquutus sit, vt etiam Tapperus initio benè dixerat, nisi ad extremum tandem inclinaret in opinionem Caietani, qui voluit eum Christi sermonem de spiritali tantum intelligi. Et certè intelligi de spiritali etiam, sæpe significant SS. Patres, ac in primis ^f Augustinus & ^m Cyprianus. Quod autem tantum de spiritali sit Christus loquutus, non credo. Neq; ratio Tapperi, vt dicebam, hoc concludit. Nam etsi verbo præsentis temporis ibi etiam Christus vsus sit, inquit: *Qui manducat meam carnem, & bibit meum sanguinem, &c.* tamen per figuram Enallage, id est, per mutationem temporis, aliàs sæpe vsurpata in Scriptura, simul significauit futurum usum Sacramenti. Qua quidem figura dictionis ideo vsus est, vt sermonem etiam accommodaret ad spiritualem manducationem, quam tunc temporis ab auditoribus requirebat. Hoc igitur, vt dixi, probat solum ratio Tapperi, nempe intelligi etiam eum locum de spiritali manducatione.

^f Tract. 27. in Ioan. & lib. 3. de peccatorū meritis, c. 4. ^m De cœna Domini.

86. Ex quo intelligitur nullius esse momenti rationem, qua mouetur Kemnitiuſ, & alij Sectarij, vt in illo sermone nihil putent Christum esse locutum de Sacramento ipso Eucharistiæ,

stix, nempe quia Sacramentum illud nondum instituerat. Nihil enim impedit quò minus intelligamus, Christum fuisse locutum de re, quam postea erat instituturus. Quod & aliàs sæpe fecit. Vt cùm Petro promittens claves regni cœlorum, illi ^{Matth. 16.} simul explanauit efficaciam eiusmodi potestatis, quam ^{Ioan. vlt.} postea erat ei traditurus. Ita igitur Sacramentum Eucharistiæ prius promisit, eiusque vim declarauit, Ioan. 6. ab illis verbis, *Panis quem ego dabo, &c.* Deinde demùm instituit in cœna.

CVM hæc autem sit interpretatio illius loci, explicandū restat, quomodo verbis illis, *Nisi, &c.* non imperauerit Christus omnibus & singulis vsum vtriusque speciei, cùm tamen sit etiam locutus de Sacramentali perceptione. Id intelligatur, si & *occafio*, & *forma*, & *conclusio* illius Christi sermonis diligenter perpendatur. *Occasio* fuit incredulitas Capharnaitarum. Quorum difficultas propriè quidem non erat, vtrum in vna vel in vtraque simul specie esset sumenda caro & sanguis Christi: Sed, an omnino posset ille suam carnem verè dare omnibus ad manducandum, ita vt propterea non confunderetur. Nam cùm ille id promississet, inquires: *Panis quem ego dabo, caro mea est; Litigabant ad inuicem*, vt Euangelista subiungit, *Quomodo potest hic nobis dare carnem suam ad manducandum?* *Forma* autem sermonis eiusmodi est, vt in illa sententia, *Nisi, &c.* nullam fecerit mentionem alicuius speciei Eucharistiæ, sed tantùm est locutus de rebus ipsis, nempe de carne & sanguine, quæ non solum in vtraque specie, sed etiam in qualibet continentur propter inseparabilem iam Christi carnis & sanguinis concomitantiam. In aliis etiam sententiis eiusdem sermonis, vbi alicuius speciei mentionem fecit, non meminit nisi panis. Denique *conclusio* sermonis fuit illa: *Qui manducat hunc panem, viuet in æternum.*

Iam cùm in actu Sacramentali comedendi Christi carnem: & item in actu bibendi illius sanguinem, duo sint; nempe ipsa perceptio realis & vera corporis, & sanguinis Christi in Sacramento; & modus percipiendi in specie māducabili vel potabili: ex occasione illa, & forma, & conclusione sermonis apparet,

paret, Christum eiusmodi comminatione, *Nisi manducaueritis, &c.* non significasse necessitatem perceptionis Sacramentalis corporis & sanguinis, quoad utrumq; modum, sed quoad rem & veritatem perceptionis tum carnis, tum sanguinis in Sacramento. Quæ duo non solum sub utraque, sed etiam sub alterutra specie verè & realiter percipiuntur.

89. Hoc enim propriè est illud, quod Christus ad retundendam incredulitatem Capharnaitarum asseuerare voluit non modò non fore impossibile, sicut illi (nihil adhuc litigantes de usu alterius vel utriusque speciei) omnino putabant, sed etiam necessarium ad vitam spiritualem tuendam. Quare neq; in ipsa sententiæ forma species expressit, sed res tantum ipsas, quæ sub qualibet specie sumuntur, nempe carnem & sanguinem. Atque ideo etiam in conclusione, cum dicit: *Qui manducat hunc panem, viuet in aeternum*, planè significauit, usu alterius speciei illud ipsum fieri, quod antè dixerat esse ad vitam necessarium: quia nimirum sumendo vnâ speciem verè & realiter, tum caro, tum sanguis percipitur. Habet autem hæc confirmatio ab eiusmodi conclusione eò maiorem vim, quò sæpius in eodem illo sermone Christus significauit, alterius speciei usum, qui est manducatio, valere ad vitam. Vt cum ait: *Panis quem ego dabo, caro mea est pro mundi vita*. Item: *Qui manducauerit ex hoc pane, viuet in aeternum*. Quas sententias vrgent ad hanc rem etiam Patres Concilij Tridentini.

p Sess. 21. c. 1.

90. Quod si quærat aliquis, quamobrem Christus, vt significaret necessitatem realis perceptionis carnis & sanguinis, quoad rem & veritatem, verbo *comedendi & bibendi*, quod modum etiam percipiendi connotat, usus sit; facilè ratio reddi potest. Voluit enim Christus necessitatem realis perceptionis carnis & sanguinis ita significare, vt simul etiam indicaret illius vim atq; vtilitatem ad vitam spiritualem tuendam. Hoc vt commodè faceret, verbum vsurpauit comedendi & bibendi; vt eiusmodi videlicet perceptionis fructus ex Analogia efus & potus, in quibus est perfectâ virtus reficiendi, aptissimè intelligeretur.

ET SI

E T SI verò hanc interpretationem, quam hætenus exposui, quamque adhibent huic loco communiter DD. Catholici, iudicem esse satis solidam, tamen non propterea reii-
cio quasdam alias, quæ item à Catholicis DD. rectè hoc in
loco adhiberi solent. Nam vt sapienter admonet diuus *9* Au- *9* Lit. de Tri-
gustinus: *Non uno tantum Scripturarum sensu, sed quotquot reperiri* nit. cap. ult. in
possunt, uti debemus: Tanto enim fortius conuincuntur hæretici, quan- sine.
tò plures exitus patent, ad eorum laqueos euitandos. Hætenus Au-
gustinus.

Igitur, si maximè concedamus, Christum ibi necessitatem *92.*
etiam perceptionis suæ carnis & sanguinis, quoad percipien-
di modum voluisse significare: dupliciter adhuc illa senten-
tia potest exponi. Primò, vt non ad singulos omnia illa ver-
ba referantur, sed generatim ad Ecclesiam, sitque iste sensus:
Nisi manducaueritis & biberitis, vtentes nimirum altera saltem
specie omnes & singuli, & etiam vtraque ij, quos pro ratione
officij aut dispositionis Ecclesiæ oportebit, non habebitis vi-
tam in vobis.

Quæ expositio valde etiam confirmari potest, tum ex oc- *93.*
cassione illius Christi sententiæ, tum etiam ex forma ipsa ver-
borum. Dubitatio enim Iudæorum, quæ illi sententiæ occa-
sionem dedit, non fuit, an singuli possent aut deberent co-
medere & bibere simul sub vtraque specie carnem & sangui-
nem, sed an omnino vel alterutrum, vel vtrumque posset fie-
ri ab omnibus vel etiam ab aliquibus. Item Christus non vti-
tur illa forma verborum, qua vsus est cum doceret necessita-
tem *r* Baptismi. Cum enim ibi vocabulo numeri singularis *r* Ioan. 3.
vsus, dixit: *Nisi quis renatus, &c.* ipso dicendi modo declara-
uit, incumbere Baptismi necessitatem etiam singulis. Hic au-
tem non eodem modo dicit, sed ad omnes generatim loqui-
tur: *Nisi manducaueritis, &c.* Quæ forma orationis sanè patitur,
vt non ex omni parte accommodetur illa sententia etiam ad
singulos.

Neque verò huic interpretationi obstat illud, quod *So-* *94.*
tus obicit. Nempe Christum cum dixit: *Non habebitis vitam in* *Io li. 4. sent.*
vobis, eo ipso indicasse, se cum singulis loqui. Fateor enim cum *d. 12. q. 1. 25, 26.*

singulis esse loquutum, non tamen ita, ut omnem illius sententia vim ex omni parte ad singulos pertinere voluerit, sed quia ex aliqua saltem parte ad singulos etiam eiusmodi sententia pertinnerit, eo quod, ut diximus, alicuius saltem speciei usus sit necessarius omnibus & singulis, ut in se habeant ipsi spirituales vitam.

95.

Potest etiam secundò dici, particulam *Et* in illa sententia non copulatiuè, sed disiunctiuè accipi, ut tantundem valeat, quantum particula *Vel*, more in Scripturis vsitato. Ut Exodi 21. *Qui percusserit patrem suum & matrem, morte moriatur.* Vbi certissimum est, particulam *Et*, quæ in Hebraico textu ibi vsurpatur, tantundem etiam valere, quantum particula *Vel*. Sic etiam Apostolus de hoc ipso Sacramento tractans: *Qui manducat*, inquit, *& bibit indigne, iudicium sibi manducat & bibit.* Quo loco particulam *Et* disiunctiuè etiam vsurpat; nam cum etiam qui alterutrum indigne faciat significare vult iudicium sibi manducare seu bibere. Quemadmodum antè etiam dixerat disiunctiuè: *Quicumque manducauerit panem, vel biberit calicem Domini indigne, reuerit, &c.* Secundum hunc igitur Scripturæ morem rectè quoque possumus interpretari eandem particulam in illa sententia Ioan. 6. ut non solùm copulatiuè, sed etiam disiunctiuè significet. Quod itidem ex occasione illius sermonis & conclusione confirmari potest, ut ex dictis patet.

96.

Et certè omnes istæ tres expositiones stare simul possunt diuersa consideratione. Nihil enim impedit, quò minus ibi Christus significarit, omnes & singulos vtrumque copulatiuè, scilicet carnem & sanguinem verè & realiter percipere debere, iuxta primam expositionem, siue sub vna, siue sub altera specie: & item ab Ecclesia in genere debere sumi sub vtraque specie, secundum alium & alium fidelium ordinem iuxta expositionem secundam: & denique ab omnibus & singulis necessariò esse sumendam vel vnā, vel alteram speciem, quatenus illa particula *Et*, habet etiam vim disiunctiuam, ut est dictum in vltima expositione. Nam cur non hîc etiam locum habeat, quod de intelligentia Scripturarum re-

distimè

Etissimè præcepit diuus Augustinus? Cum alius, inquit, dixerit, hoc sentit Scriptura auctor quod ego; & alius, immò illud quod ego; scilicet, cap. 31. religiosum arbitror dicere, cur non utrumque potius, si utrumque verum est? & si quid tertium, & si quid quartum, & si quid omnino aliud verum quispiam in his verbis viderit; cur non illa omnia vidisse credatur (Spiritus sanctus) per quem vnus Deus sacras literas vera & diuersa visuris multorum sensibus temperauit? Hæc Augustinus. Nulla igitur esse omnino verba Christi, ex quibus præceptum communionis sub vtraque colligi possit, ostensum est.



CAPVT V.

Non posse colligi præceptum diuinum de communione sub vtraque, ex ipsa institutione Eucharistiæ.

EAM PROBO, neque illud necessariò colligi ex hoc propriè, quod Sacramentum istud Christus instituerit in vtraq; specie. Vtar autem claritatis causa tali forma argumenti. Si institutio vtriusque speciei, quatenus est institutio diuina, necessariò haberet coniunctum præceptum, quod ad vtramque speciem vsurpandam omnes & singulos obliget; sequeretur, vsum etiam aliarum rerum, quæ diuinitus sunt institutæ, omnibus & singulis esse imperatum. At hoc consequens est aperte falsum. Ergo etiam illud ex quo sequitur. Prior propositio patet. Quia quod propriè & necessariò conuenit alicui rei, vt est talis, id semper ei conuenit. Quare si institutio diuina, vt talis, habet in proposito præceptum coniunctum vsus rei institutæ; in omni etiam genere haberet. Posterior quoque propositio argumenti probatur. Nam Matrimonium, verbigratia, diuinitus est institutum, neque tamen hoc ipso tenentur omnes Matrimonium inire, aut eo iam ini-

to vti omni modo & tempore, quo possent alioqui secundum illius institutionem. Item auctoritas Ecclesiastici ministerij in Ecclesia, diuinitus certè instituta est, neque tamen omnes iussi sunt illud ministerium suscipere. Atque vt propiùs ad rem præsentem accedam, diuinitus institutum est ipsum munus conficiendæ & administrandæ Eucharistiæ, neque tamen cum hac institutione coniunctum est præceptum, quo teneantur omnes id munus obire. Immò ne possunt quidem omnes & singuli sententiâ quoque Sectariorum. Sic & in lege veteri multis in sacrificijs diuinitus institutum erat, vt simul offerretur aliqua mensura vini, neque tamen omnes ij, quibus alioqui sacrificij carnibus vesci licebat, illo vino etiam vti tenebantur.

98. Quando igitur aduersarij *institutionem* propter verbi quoque ambiguitatem, cum *præcepto* confundunt; his exemplis & aliis consimilibus illorum siue fraus, siue inscitia refutanda est, monstrandumque discrimen inter vtrumque. Institutio enim propriè tanquam rei quædam productio est, quæ scilicet rationem atque substantiam rei ipsius secundum se sancit atque constituit. Et quamuis ad vsum rei tandem eiusdem institutio referatur, eo quòd res omnis est propter suum vsum, tamen nihil ipsa institutio propriè de vso præcipit. Præceptum autem vterius præscribit, an & quomodo res necessariò sit vsurpanda. Quare vt ex eo propriè, quod omnes creaturæ sint diuinitus productæ, nequaquam rectè colliges, singulos esse obligatos ad vtendum omnibus creaturis; ita neque in proposito ex institutione vtriusque speciei propriè colligi potest, omnes & singulos obligari ad vtramque vsurpandam.

99. Quod cum ita sit, rectissimè Patres Concilij Constantiensis potuerunt in hac quæstione loqui illo modo, quem passim Sectarij vel malitiosè, vel imperitè calumniantur. Verba & Patrum hæc sunt: *L I C E T Christus post cœnam INSTITVERIT & suis discipulis administraverit sub VTRAQUE SPECIE panis & vini hoc venerabile Sacramentum; TAMEN hoc non obstante sanctorum Canonum auctoritas et approbata consuetudo Ecclesie seruavit & seruat,*

quòd

Lucæ 12.
1. Cor. 11.

Exod. 29.
Num. 15, 18.
18.

1. Scilicet 13.

quòd huiusmodi Sacramentum nec conficiatur post cœnam, nec sumatur à non ieiunis, nisi in casu necessitatis, &c. Et similiter, licet in primitiua Ecclesia huiusmodi Sacramentum reciperetur à fidelibus sub utraque specie, tamen ad evitanda aliqua pericula & scandala, hæc consuetudo est rationabiliter introducta, ut à conscientibus sub utraque specie, & à Laicis tantummodo sub specie panis suscipiatur. Hic Sectarij (fortasse plerique illorum ex incitia) vociferantur, fateri Concilium ipsum Constantiense, quòd Ecclesiæ consuetudo de communione sub altera specie, sit contraria Christi præcepto; quandoquidem utitur illo modo dicendi: *LICET Christus INSTITVERIT & ministraverit sub utraque specie; Tamen hoc non obstante, &c.* Concilium autem his verbis potius declarat, non ideo fieri contra aliquod Christi præceptum, quia nō suscipiatur Eucharistia in utraq; specie, sicut in utraq; specie fuit instituta: Cùm longè aliud sit institutio, & præceptum, ut hætenus demonstrauius: quæ duo partim ex ignorantia, partim ex malitia Sectarij confundunt. Vbi autem institutioni præceptum adiunctum non est, nihil peccatur contra institutionem, si non illud omne vsurpetur, quod est institutum. Ex institutione igitur vtriusque speciei, non propriè colligi posse præceptum diuinum de communione sub utraque, ita breuiter sit ostensum.



CAPVT VI.

Non colligi diuinum præceptum de communione sub utraque, ex natura huius Sacramenti.



ED neque id præceptum necessariò colligitur ex huius Sacramenti natura. Nam si ex illa colligitur, oportet sanè eam esse talem, ut vel ipsi Sacramento, vel illud percipienti fiat aliqua iniuria, si sub altera tantum specie, ab eo qui nō ipsum conficit, sumatur. At natura huius Sacramenti non est talis. Ergo ex ea non colligitur eiusmodi præceptum. 100.

positionem facile ostendam, si quædam considerata ordine & breuiter proposuero, ex quibus ea propositio confirmatur.

IOI.

Nam PRIMO, sicut in vtraque specie coniunctim, ita etiam in earum qualibet est tota veritas, & essentia huius Sacramenti, quemadmodum definitur in ^a Concilio Tridentino. Est enim in primis ibi totus Christus, qui, ut inquit ^b Apostolus, iam non moritur, ac proinde nusquam habet corpus sine sanguine, nec sanguinem sine corpore, ut satis constat ex ^c Concilio Ephesino, & ex communi sententia ^d Patrum. Neque obstat quod obiicit hîc ^e Calvinus, Christum circa speciem panis solû sui corporis meminisse, cum dixit: *Hoc est corpus meum*; & similiter solû sanguinis circa speciem vini. Respondemus enim, sanguinem nihilominus esse cû corpore, & corpus cum sanguine, propter vtriusque realem concomitantiam. Sicut eadem ratione caro animata & sanguine prædita Verbum diuinum factum est, licet Ioannes expressè solû meminerit carnis, inquiens: *Verbum caro factum est*. Quin etiam hanc Ecclesiæ sententiam illis ipsis verbis, quæ Calvinus obiicit, Christus indicauit. Ait enim: *Hoc est corpus MEVM*. Et: *Hic est sanguis MEVS*. Quale autem tunc fuit & nunc est corpus Christi? Nónne sanguine præditum? Et qualis sanguis? Nónne cum corpore coniunctus? Nihil autem mirum, quòd Calvinus separet in speciebus Sacramenti corpus Christi à sanguine, cum reuera nec corpus, nec sanguinem in illis esse fateatur, sed tantûm asserat, apprehendi in illis, modo nescio quo ficto & imaginario (ut ^b alibi ostendi) quo possent quæuis alia quantumuis coniuncta, itidem imaginariè disiungi.

IO2.

SECUNDO, est etiam in specie qualibet tota significatio refectionis spiritualis; tota, inquam, essentialiter, ut ad refectionem videlicet spiritualem animi refertur. Quo pacto huius Sacramenti essentiam constituit. Neque enim aliam & aliam, sed vnâ & eandem refectionis gratiam spiritualement significat cibus & potus, ut expressè notat D. ^c Cyprianus. Quod ex ipsa Scriptura licet colligere, quæ ideo sine discrimi-

ne

^a Sess. 21. c. 3.

^b Rom. 8.

^c Anathem. 11.

^d Cyrilli lib.

4. in Ioan. cap.

17. Eusebij

Emiseni ho-

mil. 5. de Pa-

schate. Basilij

in epistola ad

Cæsariam Pa-

triciam, &c.

^e Lib. 4 instit.

c. 17. Sect. 47.

^f Ioan. 1.

^g Matth. 26.

^b Lib. 1. de

præsentia

Christi in Eu-

charistia, c. 6.

^c In ferm. de

cœna Domi-

ni.

ne spiritualement animæ refectionem, quæ fit per gratiam, aliquando ^k panis, aliquando ^l aqua, aliquando ^m potus & ⁿ cibi similitudine declarat. Et si negandum non est, quin eius spiritualis refectionis vis & commoditas clarius utraq; re simul, scilicet cibo & potu, atque adeo utraq; specie, significetur. Ideo enim hoc Sacramentum, quod attinet quidem ad rationem individualement perfectius est in utraque simul specie, quam in altera. Et si in qualibet etiam habet perfectionem suam totam & integritatem essentiali, itemque rationem aliquam individualement, tamen non usque adeo perfectam ex parte ipsius signi. Ex parte autem rei contentæ, nimirum Christi, æquè prorsus perfectum est in altera atque in utraque; nam in qualibet est totus Christus, quod & iam ferè concedunt ij Sectarij qui Christum in Sacramento esse fatentur: quamvis id aliquando negavit impiè Lutherus, ut testatur Eckius.

Eccelesi. 15.
Ioan. 4.
1. Cor. 12.
Ioan. 6.

In libello
adversus Episcopum
Münsterensem.
Hom. 32. &
34. de Sacramenti.

TERTIO, est item in qualibet specie significatio altera coniunctionis fidelium tum inter se, ut membrorum corporis Ecclesiæ, tum cum Christo tanquam cum capite. Nam ut Augustinus ait, & panis fit ex multis granis redactis in unum, & similiter vinum ex multis racemis. Quæ causa est cur non solum in utraque, sed etiam in qualibet specie sit symbolum illius coniunctionis & unitatis corporis Ecclesiæ. Nam & Apostolus in pane etiam hanc significationem esse indicat, cum dicit: *Unus panis, unum corpus omnes sumus in Christo.*

Tract. 26. in
Ioan.

1. Cor. 10.

QUARTO, quælibet etiam species per se aptè repræsentat mortem Christi, ad cuius commemorationem usus Eucharistiæ referri debet. Species enim panis scorsim significat corpus Christi sine sanguine; ac vicissim species vini sanguinem sine corpore. Quare ipse etiam Christus ad utramlibet speciem sigillatim adiunxit illud præceptum: *Hoc facite in meam commemorationem.*

Lucæ 22.
1. Cor. 11.

QUINTO, quum efficacia Sacramenti sit coniuncta cum illius significatione (efficiunt enim Sacramenta quod significant) inde fit, ut quemadmodum in altera quoque specie est tota significatio essentialis huius Sacramenti, sic etiam in

ea sit tota illius virtus ad efficiendum per se, vt paulò pòst magis declarabitur.

106.

¶ Tertul. lib. 4. cont. Marcion. Iren. lib. 5. cap. 2. Ambros. lib. 4. de Sacram. c. 4. & 5. & lib. de mysteriis in initian. cap. 9. Cyprian. de cœna Dom. August. serm. 28. de verb. Dom. Greg. Niss. orat. de S. Bapt. & orat. catech. c. 27. Chrysost. hom. de prodiction. Iudæ. Cyril. Hierosol. catech. 3. & 4. Mystagog. Damasc. lib. 4. c. 14. & c. 15. lib. 4. instit. c. 17. sect. 39. * In exam. Conc. Trid. Sess. 8. can. 1. sub finem. y Cap. 8.

SEXTO, & illud consideretur, vsum ipsum alterius vel etiam vtriusque speciei, non esse eiusmodi rem in qua consistat substantia huius Sacramenti, aut per quam etiam fiat. Nam Sacramentum Eucharistiæ quiddam permanens est, quod fit ipsa consecratione sola, vt constat ex sententia Orthodoxorum Patrum, & ex forma ipsa verborum institutionis (*Hoc est corpus meum*. Et, *Hic est sanguis meus*) quæ quiddam permanens & stabile significat, & ex antiquissima praxi Ecclesiæ, quæ (vt * Calvinus & * Kemnitius fatentur & nos etiam) postea defendemus) solita fuit Eucharistiam asseruare. Quare vsum istius Sacramenti, siue in altera, siue in vtraque specie, tantum est quædam eius perfectio accidentaliter, sine qua videlicet tota ipsius essentia atque etiam substantia consistere potest, quidquid Sectarij contra garriant. Ac proinde, licet magis illud perficiatur accidentaliter tum cum sub vtraque specie sumitur, tamen nihil substantiale ei accedit ex eo quod vel in altera, vel in vtraque vsurpetur, neque etiam detrahatur ex eo quod in neutra, vel non in vtraque sumatur.

107.

Quamobrem nullo modo, ne quoad rationem quidem indiuidualem substantiæ, istud Sacramentum mutilatur (sicut calumniantur Sectarij) ab iis qui alteram speciem tantum sumunt: sed tantum non vsurpant illud quidem secundum se totum. Etenim quàm diu species sumpta perseverat incorrupta, tam diu retinet respectum quendam ad speciem alteram, etiamsi non hæc in eodem loco, vel etiam in eodem omnino tempore cum specie sumpta coniuncta sit. Itaque propter illum respectum vna species cum altera significat nihilominus completè & integrè, atque adeo constituit vnum completum Sacramentum in indiuiduo, quatenus formaliter quidem Sacramentum continetur in genere signi. Neque enim de istius Sacramenti integritate, ita per omnia cogitandum est, sicut de integritate alicuius rei physicæ seu naturalis, quæ scilicet non consistit nisi eius partes coexistent prorsus in eodem tempore & loco. Alioqui, etiam ab his, qui vnam speci-

em

em post alteram sumunt, Sacramentum istud mutilaretur tunc quando suscipiunt primam seorsim, & non simul vtramque. Item etiam à Sacerdote quando consecrat primam ante alteram, & non simul vtramque. Satis igitur est ille respectus, quem diximus vnus speciei ad alteram, vt istius Sacramenti secundum se integritatem, quoad completam significationem constare intelligamus.

Adde, quod ratio indiuidua significationis essentialis huius Sacramenti non solum in vtraque specie, sed etiam in qualibet consistit: nam nō modò vtraque, sed etiam qualibet suo modo indiuiduo significat refectionem spiritualem; quod est in Eucharistia essentialē, vt antè dictum est. Hinc verò etiam fit, vt Sacramentum istud minimè dici possit in altera specie mutilatum esse, quamuis secundum rationem indiuiduam minus perfectum sit in altera, quàm in vtraque. Non enim idem est, indiuiduum vnū alicuius speciei esse minus perfectū, quàm alterum eiusdem speciei indiuiduum, & esse mutilatum; ita enim quodlibet indiuiduum in omni genere mutilatum esset, cū quolibet possit esse aliud perfectius. Sed id indiuiduum mutilatum dicimus, quod spectata natura & ratione suæ speciei habet aliquem defectum turpem & deformem. Nullum autem talem defectum habet Eucharistia Sacramentum in altera specie, siquidem qualibet species significat refectionem spiritualem, & habet sufficientem vim efficiendi propter essentialē significationem, & integrum Christum in qualibet contentum.

108.

SEPTIMO, consideretur etiam non ideo Sacramentum istud, vocari quandoque cœnam Dominicam, quia illius essentia instar cœnæ consistat in vsu cibi ac potus; sed cœna appellatur à quibusdam eius accidentibus, nempe à circumstantia temporis & loci, in quo institutum est, & ab vsu ipsius in illis speciebus, quæ in cœna Dominica vsurpatæ fuerunt, licet ipsum Sacramentum essentialiter sit quiddam permanens, quod in specie panis ac vini, diuissim vel coniunctim, extra vsum consistit, vt ex Scriptura & Patribus probatum est. Quod si ad essentiam huius Sacramenti ideo pertineret vsus cibi & potus,

109.

Num. 106.

potus, quia pertinet alioqui ad rationem cœnæ; etiam ad eiusdem Sacramenti essentiam pertineret vsus aliorum obsoniorum, & circumstantia nocturni vel vespertini temporis, & alia huiusmodi, quæ spectare solent ad cœnas, & spectarunt quoq; ad cœnam ipsam Dominicam. Quæ tamen nemo sanus in essentia istius Sacramenti requirit.

110. OCTAVO, discrimen quoq; diligenter considerandum est inter eum qui conficit hoc Sacramentum, & eum qui non cōficit, sed tantum eo utitur. Etenim ad eum, qui rem ipsam facit, pertinet etiam, ut rem perficiat: ad illum autem, qui re tantum utitur, non item.

111. Iam his omnibus diligenter consideratis, certè apparet secundum rectæ rationis iudicium, non esse talē huius Sacramenti naturam, ut aliquid in illius dignitatē prauè ac deformiter committatur, si ab eo, qui illud non conficit, vsurpetur tantum sub altera specie. Suscipit enim is nihilominus id in quo essentialiter est tota veritas, tota significatio, tota efficacia huius Sacramenti. Tantummodo illud non omni ratione & modo accidentali ipse perficit. Sed hoc quidem non ostendit in eiusmodi vsu alterius speciei aliquam deformitatem.

112. Etenim obligatio perficiendi istud Sacramentum illi solum ex natura rei, id est, spectata Sacramenti dignitate, incumbit, qui etiā illud conficit. Debet enim is quandoquidem rem tam diuinam facit, non utcumq; facere, sed perfectam facere. Itaq; tenetur in primis utramque speciem consecrare: Tum ut huic Sacramento omnis perfectio sua substantialis, etiam quoad rationem indiuiduā, constet: Tum etiam ut oblatione utriusq; speciei separatim, expressè representet sacrificium crucis crucentū, quod separatione sanguinis à corpore perfectum est. Itemq; debet utramq; speciem ipse sumere, ut in conficiendo nimirum tam diuino Sacramēto non prius ab opere ministerij desistat, quam rem perducatur ad absolutam sui perfectionē etiam accidentalem. Nam & ad causas etiam naturales pertinet suos effectus secundum accidentia quoq; perficere. Atque hoc quidē de Sacerdotibus ita decretum est ab Ecclesia, ut etiam D. Thomas notauit. Ei autem qui re tantum utitur, sicut is facit,

2. De consecrat. d. 2. can. Relatum ex Conc. Toler. 12. Item in ca. Comperimus, eadem d. ex Gelasio. 3. p. q. 80. art. 12. ad 8.

is facit, qui Eucharistici vſurpat, nec eam etiam conficit, non perinde cuiusmodi obligatio rem omnino perficiendi incūbit, ſicut antè dictum eſt. Atq; ita ſatis iam confirmatum eſt, nullam iniuriam fieri Sacramento ipſi ſecundum ſe, propterea quòd altera tantùm ſpecies percipiatur, quemadmodum in argumento noſtro aſſumptiſſimus.

I A M V E R O quod neq; fiat hac ratione iniuria aliqua ipſi percipienti; ex dictis item probari poteſt. Etenim hoc Sacramentũ, tam eſt per ſe fructuoſum & efficax in altera quàm in vtraq; ſpecie. Quod probò ſic. Viſ per ſe efficiēdi in Sacramētis, ex eſſentia ſpecifica & veritate illorum, non aut ex ratione indiuidua exiſtit, vt in aliis etiam omnibus rebus. Sed verum & integrum Sacramentum Eucharistiæ, quoad eſſentiam, ſumitur etiam in altera ſpecie, vt expoſitum eſt. Ergo in altera etiam eſt æquè per ſe fructuoſum & efficax.

Ex qua ratione ſequitur primò, non modò conferri in altera ſpecie tantam gratiam, quanta iuxta naturam huius Sacramenti eſt neceſſaria ad ſalutem, id quod extra controuerſiam eſt apud Catholicos, & definitur in ^b Concilio Tridentino, ſed etiã tantam ſimpliciter, quãta per ſe & ex opere operato poteſt cõferri in vtraque: ſicut pleriq; ^c Theologi rectè ſentiunt.

Secundò ſequitur, ad huius aſſertionis deſenſionem minimè opus eſſe fundamento quodam falſo ^d Caietani, qui exiſtimat nõ ipſas ſpecies, ſed Chriſtum ſolũ, qui æquè eſt in earum quãlibet, eſſe in hoc Sacramento cauſſam efficientē gratiam, quod meritò diſplicet Soto, & aliis, cũ ipſæ etiam ſpecies ſint hic Sacramentũ, ideoq; inſtrumentaliter etiam conferant ad gratiæ productionem. Satis nobis eſt ad illam aſſertionem, quod ſpecies ipſæ non ſunt per ſe efficaces ex opere operato, niſi vt ſubſtant ſignificationi eſſentiali huius Sacramenti. Quę ſignificatio æquè eſt in ſpecie quãlibet, vt dictum eſt.

Tertiò ſequitur, nullo fundamento niti quod ^e Lutherus & ^f Philippus Melanchthon aiũt, debere præcepto diuino miniſtros Eccleſiæ exhibere vtramq; ſpeciem fidelibus, vtramque petentibus, etiã ſi fideles ipſi vtramq; percipere non tencerentur. Nam cũ in altera etiam miniſtretur æquè verũ & æquè

I I 3.

I I 4.

^b Sels. 21. c. 7.
& 3.
^c Sotus in 4. d.
12. q. 1. art. 12.
Caiet. 3. p. q.
80. art. 12. Alana.
li. 1. de Euch. c.
43. & c.

I I 5.

^d 3. p. q. 80.
art. 12.

I I 6.

^e Lib. de capti.
Babyl.
^f In Apologia
Confels. Au-
guſtan. art. de
abusiſſus.

efficax Sacramentū, non possūt iure fideles vtramq; flagitare.

117.

g Lib. de capt.
Babyl.

Quartò ex dictis sequitur, ineptissimum esse argumentum Lutheri, cū obicit, si liceat alterā speciem Laicis detrahere, posse etiā illis partem Baptismi, & partem Absolutionis in Pœnitentia negari: *Cūmsi* (inquit) *utrobiz, par ratio*. Nos verò negamus, esse utrobique parem rationem. Nam si Baptismo desit sua forma vel materia, ex quibus tanquam ex partibus constat, non erit verum Sacramentum. Neq; etiam erit verum Sacramentum Pœnitentiæ, nisi constet ex vera absolutione tanquam ex forma. At Eucharistiæ Sacramentum non modò in vtraq; simul specie, sed etiam in qualibet veram essentiam suam habet. Nam non solū panis & vinum simul, sed etiam panis vel vinū est vera & essentialis materia huius Sacramenti; & similiter non modò panis & vini consecratio, sed etiam cōsecratio panis vel vini, vera est eius forma. Cuius causa est, quia non modò vtrumque istorum, sed etiam quodlibet significat eandem refectionem spiritualem animi, vt D. Cyprianus docet, in qua significatione posita est essentia huius Sacramenti, vt antè dictum est. Hinc ergo fit, vt possit Ecclesia negare Laicis alteram speciem Eucharistiæ, non autem partem aliquam essentialē Baptismi aut Pœnitentiæ.

118.

b In affectio.
suorum agtic.
art. 16.

Atq; eadem ratione refellitur alterum ^b Lutheri argumentum, qui etiam obicit, aliud Sacramētum percipere ministros Ecclesiæ, & aliud dare Laicis, non vnū & idem. Respondemus enim, secundum essentiam & veritatem specificam vnum & idem esse in altera specie, & in vtraque; licet non secundum rationem indiuiduam. Quemadmodum etiam neque idem Sacramentum Baptismi secundum rationem indiuiduam accipiunt diuersi homines, sed aliud & aliud.

119.

c Lib. 1. de
Euch. c. 43.

Quintò ex dictis sequitur, Sacerdotes qui vtramq; speciem sumunt, non propterea plus gratiæ accipere ex opere quidem operato ipsius Sacramēti; quin immò, vt rectè præ ceteris notat ^c Alanus, vtrāq; tunc species concurrat, vt vnum quoddam instrumentum diuinum, quod ad eundem effectū faciendum vsurpatur. Quamobrem species panis ante sumptam speciem vini, non operatur in Sacerdote: quoniam non sumitur tunc
sine

sine respectu ad vini speciem, qua demum completur illud vinum Sacramentum, illiusque usus, quatenus tunc quidem secundum rationem indiuiduam continetur vtraque specie.

Per accidens autem non est dubium, quin usus vtriusque speciei possit esse fructuosior, eo quod potest maiorem deuotionem commouere in percipiente: Vnde fiat, ut propter maiorem dispositionem consequatur ille vberiores gratiam ex Sacramento. Quamuis enim Sacramenta ex opere quidem operato certum gratiae gradum conferant: tamen etiam conferunt eam nunc maiorem, nunc minorem ultra illum gradum pro dispositione percipientis.

Neque verò ex ea re sequitur, iniuriā iis fieri, quibus altera tantum species administratur. Nam primum, quæ per accidens ad gratiam conferre possunt, innumera sunt, quorum proinde non tenetur Ecclesia habere rationem. Deinde, est nihilominus in cuiusque potestate, cum auxilio Dei, se ad tantam & maiorem etiam gratiam in usu alterius tantum speciei præparare. Item ex alia parte præbetur Laicis satis magna occasio augendæ deuotionis in communione alterius speciei, per actum submissionis atque obedientiæ in eiusmodi re erga Ecclesiam. Nam ex hoc ipso usque adeo magnum deuotionis fructum nonnulli pii atque Catholici quandoque sentiunt, ut etiam si alioqui Sacerdotes sint, libentissimè vtantur occasione communicandi sub altera, quando ipsis non conficientibus eius rei oportunitas suppetit.

Denique rationes quæ mouent Ecclesiam, ut propter maiorem Dei gloriam religionemque erga istud Sacramentum (sicut postea videbimus) altera tantum species administretur, præponderare etiam debent illi qualicunque detrimento Laicorum, si quod propterea accipiunt, quia non habeant ipsi illam occasionem augendæ gratiæ, quæ existit ex usu vtriusque speciei.

Et certè hac ipsa ratione solidè defendi potest, nullam in ea re Laicis iniuriam fieri, etiam si alioqui ex opere operato plus gratiæ tribueretur per vtramque speciem, quam per alteram, modò tamen illi non fraudarentur gratia necessaria ad

¶ Cap. vltimo.

salutem. Deberet enim tunc etiam Laicorum commodum maior gloria Dei præponderare, quam in hoc negotio sapienter, vt & videbimus, cogitat Ecclesia: Ac proinde ne tunc quidem iure possent conqueri Laici. Non enim si quis vsu alicuius rei priuatur, illico fit ei iniuria, sed tunc tantum quando ad id non suppetit iusta ratio. Quemadmodum igitur propter bonum alioqui commune, vel propter Sacramenti quandoque religionem, iuste quibusdam interdicitur prorsus omnis vsus Eucharistiæ (vel in pœnam, vel causa vomitus, &c.) ita etiam intelligere possumus, propter quasdam alias rationes, quæ ad eandem Sacramenti religionem pertineant, iuste interdici Laicis vsum quidem calicis.

124. Hinc etiam fit, vt neque iniquo animo ferre debeant, quod non æquè clarè & expressè vsu alterius tantum speciei significet ipsi atque repræsentent mortem Domini. Nam & hoc incommodum, si vllum est, postponi debet maiori bono: & præterea accedit, quod per Sacerdotem nihilominus id etiã faciunt; quippe qui totius Ecclesiæ nomine, & tanquam omnium *Legatus* (vt ait / Chrysostomus) in vtraque specie sacrificium perficit, ad commemorandam expressè omnium loco mortem Dominicam. Et iam antè docuimus, per speciem quamlibet fieri alioqui significationem & commemorationem Christi mortis.

/ Lib. 6. de Sacerdotio.

125. Porro quod iam diximus, rationem religionis, quam in hoc spectat Ecclesia, præponderare debere, considerandum est etiam, vt neque ipsi Sacramento secundum se aliqua iniuria fieri putetur, propterea quòd à Laicis non sumatur sub vtraque specie, id quod etiam ex aliis multis circumstantiis ante declarauimus.



C A P V T VII.

Non colligi præceptum diuinum communionis sub vtraque ex Christi exemplo.

ITEM



TEM PROBO, neque ex Christi exemplo colligi 126.

posse præceptum communionis sub vtraq;. Primò, quia si Christi exemplum propriè vt Christi exemplum est, imitari necesse sit, multa alia, tum in aliis rerum generibus, tum etiam in ipso Eucharistiæ vsu, necessariò facienda erunt, quæ tamen sine controuersia constat non esse à Christo præcepta. Dedit enim ille Eucharistiam iis, qui iam cœnati erant, & duodecim tantum, & noctu, &c. Quæ nihilominus circumstantiæ minimè iam necessariæ putâtur, ne ab ipsis quidem Sectariis. Vt enim Augustinus docet suis quibusdam rationibus Christus tunc mouebatur, vt hoc vel illo modo faceret, quæ causæ nobis iam non perinde suppetunt. Et quod ad propositum nostrum spectat, idcirco tunc ille dedit Eucharistiam sub vtraque specie, quoniam vtriusque vsum, tam ad Sacramentum, quàm ad sacrificium perficiendum, instituit, ac docere Apostolos voluit: licet non eo ipso imperauit omnibus fidelibus, vt suprâ satis defensum est.

m In epistola
118. ad Ianua-
rium.

Secundò idem probò, quoniam Christus non modò tunc 127.
vtramque, sed etiam alteram speciem tantum aliquando dedit, nempe in Emaus discipulis, cum cognouerunt illum in fractione panis. Quem locum de Sacramento interpretatur diuus

Augustinus, & Paulinus, & Auctor operis imperfecti in Matthæum, & Hefychius, & Theophylactus, & Beda, & Euthymius. Quam interpretationem etiam loci circumstantia confirmat, cum planè eodem modo narret ibi Lucas, Christum, cum recumberet, ex omnibus aliis cibis singulariter accepisse panem, benedixisse, fregisse, porrexisse, sicut narrauerat factum ab eo fuisse in cœna.

n Lucæ ult.
o Li. 3. de cõf.
Euangel. cap.
25. & epist. 59.
ad Paulinum,
q. 8. & sermo.
146. de tem-
pore.
p Epist. ad Au-
gustin. quæ est
epist. 58. inter

epist. August. q. Hom. 17. *r* In Leuit. cap. 9. *s* In cap. illud 24. Lucæ. *r* Lucæ 22.

Ex quo patet, non de vulgari benedictione mensæ, quæ 128.
adhiberi solet omnibus cibis initio, sermonem ibi esse: Neque etiam fractionem panis eo loco propriè fuisse opus ipsum discipulorum, quo erga Christum fuerunt munifici, excipiendo illum hospitio, vt aliqui Sectarij perperam interpretati sunt. Loquitur enim D. Lucas planè de fractione panis, quæ fuerit

■ Homil. 13.
in Euangel.

fuerit actio ipsius Christi, dum mensæ accumberet. Quamuis per accommodationem quandam non malè quidem ex ea historia doceri potest, quinam fructus consequantur ex beneficentia in pauperes seu peregrinos, eo quòd illi discipuli tum demùm illuminati sunt cùm Christum hospitio & epulo exceperunt. Vt etiam diuus * Gregorius hunc ipsum locum tractans annotauit. Ceterum est nihilominus per fractionem & porrectionem panis eo loco Eucharistiæ vsus propriè intelligendus, vt diximus. Neque nobis in hac interpretatione magnopere iam Kemnitius aut alij Sectarij repugnant.

129.

Verum respondent, per Synechdochen debere nihilominus ibi intelligi alteram speciem, quamuis Lucas illam non expresserit. Sed hoc refellitur 1. Nam in actis etiam loquens sæpe Lucas de communione Eucharistiæ, similiter eam vocat tantum fractionem panis, vt statim videbinus. Non est autem probabile, aut consentaneum soliditati & veritati historię, toties illum & eodè modo vti illa Synechdoche. 2. Quoniam illico subiungit, Christum *euannisse ab oculis* discipulorum posteaquam porrexit panem. Neq; est fingendum, ab eo fuisse prius porrectum vinum consecratum cõtra ordinẽ, quem in cœna ipsa seruauerat. Neque certè, si vinum etiam porrexisset, id factum tacuisset ibi diuus Lucas; sicut non tacuit describens cœnam. 3. Accedit, quod Christus, vt ex Luca colligi potest, ad eum finem accubuit mensæ cum illis discipulis, vt eo argumento possent clarè cognoscere ac sibi persuadere, ipsum viuere, atq; adeo à mortuis resurrexisse. At hunc finem consilij sui Christus consequutus est, statim atq; porrexit illis panem. Ergo non est cur debeamus existimare, eum vltèrius processisse ad consecrandum & porrigendum illis vinum. Id patet ex ipsa serie narrationis * Lucæ: *Intrauit, inquit, cum illis. Et factum est, dum recumberet cum eis, accepit panem, & benedixit, ac fregit & porrigebat illis; & aperti sunt oculi eorũ, & cognouerunt eum; & ipse euannit ex oculis eorum.* Quis non statim ex hoc narrationis contextu clarissimè intelligit, Christum, postquam porrexit illis discipulis panem, nihil præterea tunc apud eos egisse?

■ Lucæ 14.

Sed

Sed obiicit Kemniti^{us}, si in narratione illa Lucæ nō admittamus Synechdochen, similiter ex eo loco pbari posse, quòd liceat panem absq; vino consecrare. Nam neq; illud à Christo consecratum fuisse narrat Lucas. Verùm ad hanc cauillationē ita respondeo; Fateor ne vinum tunc quidem à Christo consecratum fuisse, vt iam antea diximus: Potuit siquidem ipse, excellenti sua potestate facere quod vellet circa Sacramenta. Hinc autem non sequitur quòd absolutè liceat etiam nobis panem sine vino consecrare. Sed tantùm sequitur, non esse hoc illicitum, si ad solum exemplū Christi respiciamus. Nam neque nos exemplum Christi, qui non porrexit tunc speciem vini, ideo vrgemus, vt ex eo solo concludamus, communionem alterius tantùm speciei esse ex omni parte licitam. Id enim ex aliis simul capitibus, quæ initio huius controuersię discutienda proposuimus, tandem concludimus. Sed vtimur hac Lucæ historia, vt ex ea comprobemus, esse licitam cōmunionem alterius tantùm speciei, si ad solum Christi exemplum, quatenus Christi exemplum est, respiciamus: atq; adeo exemplum Christi, qui in cœna vtramque dederit, non esse pro necessitate vtriusque speciei vrgendum, quatenus Christi exemplum est, cū habeamus etiam ipsius exemplum de distribuenda altera tantū specie.

130.

Ita fit, vt neque ex Christi exemplo, qui tunc etiam non consecrauit speciem vini, concludi possit absolutè & simpliciter, licitum esse consecrare solam speciem panis (quemadmodum Kemniti^{us} cauillatur) sed tantū inde potest similiter colligi, exemplum Christi, qui in cœna vtrumq; consecrauerit, non esse pro necessitate consecrationis vtriusq; speciei, propriè vrgendum, quatenus est præcisè Christi exemplum: Cū etiam existet exemplum eiusdem, vbi non item vinum consecrauit. Neq; verò nos exemplo Christi, sed aliis rationibus obligationem consecrandi vtramq; speciem ꝑ supra probauimus, nempe ex natura huius Sacramēti & sacrificij. Quāuis nec desint Theologi graues, qui putent non ita istud præceptum cōsecrandi vtramq; obligare, quin in aliquo casu speciali propter circumstantias, liceat cōsecrare alteram tantū.

131.

Num. 107.

2 Lib. 6. compendij Theologici.

4 In 4. li. sent. in materia de

Eucharistia, q. de impedimento cibi aut potus, Lege etiã Claudiũ de Sainctes; repet. 10. c. 3.

Ira enim sentiunt 2 Alexander Halensis, & 4 Adrianus, vt alios præteream. Sed hac de re nunc non ago. Tantũ disputo, nõ posse ex solo Christi exemplo colligi diuinum præceptum aut percipiendi, aut etiam consecrandi speciem vtramque.



C A P V T VIII.

Non colligi præceptum diuinum communionis sub vtraque ex antiqua Ecclesia praxi.

I 32.



VNC sequitur vt probemus, neq; ex antiqua Ecclesiæ praxi colligi posse diuinum præceptum communionis sub vtraq; . Id autem duplici modo demonstramus. Primò, quia non ideo aliquid est iuris diuini, quia olim illud Ecclesia vsurpauerit. Nam, vt alias cõsuetudines antiquas præteream, & in hac ipsa materia exemplum ponã, exhibuit olim Ecclesia Eucharistiã infantibus, vt ex 6 D. Dionysio, & ex 6 D. Cypriano patet. Et tñ ipsi Sectarij agnoscunt nõ esse hoc necessariũ ex præcepto diuino. Secundò, quoniam vt minimè negamus fuisse olim in vsu cõmunionem etiam sub vtraque, ita multis modis compertum habemus communionem quoq; alterius speciei vsurpatam in antiqua Ecclesia fuisse. Quod his argumentis colligimus.

6 Cap. 7. Eccles. Hierarch. P. 3. c. Sermone de lapsis.

I 33.

PRIMO, Actor. 2. ita legimus: *Erant autem perseverantes in doctrina Apostolorum & communicatione fractionis panis et orationibus.* Vbi loquitur D. Lucas de recens conuersis & baptizatis, quorum mos fuit, statim vti Eucharistia. Dicit etiam, *communicationem fractionis panis*; qua phrasi Paulus Lucæ præceptor, 4 Eucharistiæ vsum significare solitus est. Agit de perseverantia in re maximè pertinente ad cultũ, in qua idcirco perseverantia laudat. Deniq; orationes ibi Lucas significauit verbo Græcò *προσευχῆς*. Quo 6 D. Augustinus affirmat, à 6 D. Paulo etiã significari eas preces quæ fieri solerent inter distribuendam Eucharistiã. Iam ex his omnibus loci circumstantiis planè intel-

6 Epist. 59. ad Paulinum. f 1. Tim. 2.

intelligitur, D. Lucam eo loco per panis fractionem significare usum Sacramenti in specie panis, quod sentit etiam diuus & Chrysostomus. Idque concedunt etiam nonnulli Sectarij, vt ^b Caluinus, & ⁱ Kemnitius.

Respondent autē, intelligendam ibi esse Synechdochen, id est, per partē alterā significari à D. Luca usum vtriusque speciei. Sed hoc nihil aliud est, quā euertere sine causā proprietatē historię. Neque enim & figuræ in interpretatione Scripturæ admittendæ sunt, si planus aliqui sensus conuenit cum usu ipso Ecclesiæ, neque aliunde cogit aliqua ratio recurrere ad figurā, sicut hic planē nullā cogere, quæ ex institutione, vel ex verbis Christi, &c. ducatur, satis hactenus demonstratum est.

Accedit, quod plerique ex illo numero erant conuersi ad fidem ex Iudaismo, qui aliqui propter legis consuetudinē abhorrebant à sanguine, vel certē non erant consueti bibere etiā vinum in sacrificiis. Item non pauci illorum erant Nazarei, vt colligere licet ex ^l Actis q. voto tenebantur abstinere à ^m vino. Ex quibus etiam circumstātiis probabilis fit, speciem quidē vini in illo Ecclesiæ Hierosolymitanæ primordio, nō fuisse administratā: quemadmodum planē significat, vt dictū est, ipsa historia. Condescendendum enim erat in ea re consuetudini priori abstinēdi à sanguine & à vino in sacrificiis, vt ea ratione tolleretur scandalū pusillorum. Quemadmodum ex cōtrario etiā, conuersis ex Gentibus vtraque species administrabatur, vt de ⁿ Corinthiis cōstat, ne qui assueti erāt vti calice dæmoniorum, minus sibi de sacris Christianis participare viderentur.

Porro huc etiam pertinet locus ille Auctor. 20. *Una autem Sabbatibz, cūm cōuenissemus ad frangendum panem, Paulus disputabat cum eis, protraxitq. sermonē, etc.* Quod similiter de fractione panis in usu Eucharistiæ intelligit ^o D. Augustinus. Quin etiā eodem modo interpretatur ^p Auctor operis imperfecti locum Auctor. 27. vbi legimus: *Paulum in nauis sumpsisse panem, & gratias egisse in conspectu omnium Deo, et cūm fregisset, cepisse manducare.* Quanquā hunc quidem locum non valde vrgeo, sicut neque illud quod Auctor. 2. dicitur recens conuersos, quotidie frangentes circa domos panes, sumpsisse cibum cum exultatione & simplicitate cordis. Satis

^g Hom. 27 in
¹ Corinth.
^b Li. 4. milit. c.
17. scilicet 35.
ⁱ In exā. Cōcil.
Trid. sess. 21.

I 34.

^g Vide D. Augustinum li. 3. de doctr. Christi. cap. 10. & seq.

I 35.

^l Cap. 18. & 21.
^m Num. 6.

ⁿ 1 Cor. 10.

I 36.

^o In episto. 86. ad Casulanū.
^p Hom. 17. in Matth.

ad nostrum institutum est. Quod alia saltem duo testimonia, Actor. 2. & 20. de Sacramenti usu in specie panis intelligatur, vt ex locorum circumstantia probant Patres citati.

137. Neq; hic valet quod obiiciunt Sectarij, nisi per Synechdochen in his locis significatus sit etiam vsus calicis, consequens esse, vt species tantum panis fuerit etiam tunc consecrata. Hoc minimè sequitur. Etenim de consecratione vnus vel vtriusque speciei, nihil in eiusmodi locis vel per Synechdochen vel sine Synechdoche narrat D. Lucas, sed tantum significat usum & dispensationem alterius speciei, idq; absque vlla Synechdoche. Aliunde autem, nempe ex lege Christi ordinaria, licet non ex illa quidem Lucæ historia (quod facile concedimus) nobis constet, illam ipsam speciem panis, quæ sola tunc frangebatur & dispensabatur, non fuisse solam cõsecratam, sed vnà cum altera, eo quod id exigit natura istius Sacramenti, vt 7 supra vidimus. Quanquam rectè ex eiusmodi Lucæ historia colligi potest, in maiore quãtitate fuisse tunc solitam cõsecrari speciem panis, quàm speciem vini: quod iure ac merito fieri debuit, vt in illa præsertim Sacerdotum paucitate, & deuotiõis ac necessitate fidelium, haberetur semper in promptu Eucharistia consecrata, in ea specie, quæ sine periculo corruptionis commodè posset ad quotidianum usum referuari.

138. SECVNDO, post tempora etiam Apostolorum cõmunio- nem alterius speciei fuisse in usu, cõstat inprimis ex aliquot historiis. Nam S. Ambrosius, *statim atq; escam corporis Domini de manu* Honorati Sacerdotis Ecclesiæ Vercellensis accepit, *emisit spiritum*. Item D. Basilius, *diuidens panem sacrum in tres partes, vnã sumpsit, alteram imposuit columba aurea super altare, & postea etiam moriturus tertiam partem sumpsit, et reddidit Spiritu Domino*. Item *veteri more Ecclesiæ Constantinopolitana particulas corporis Christi relictas pueri impuberes manducabant*, vt narrat Euagrius. Panis etiã cõsecratus edi solebat ante alios cibos, vt apparet ex Tertulliano. Item id colligimus hac ratione, quod Eucharistia olim ad communicandi usum, extra ipsius etiam sacrificij tempus diu referuari solita est; neq; est vllò modo probabile, illà in specie etiam vini, quæ faciliè corrumpitur, cõseruatam diu fuisse.

Id pa-

* Apud Paulinum in illius vita.

* Apud Amphilochiũ in eius vita.

* Lib. 4. historiarum, cap. 35.

* Lib. 2. ad verorem.

Id patet primò. quoniam seruabatur in Ecclesia semper ad
 communionem ægrotorum & morientium, vt apparet ex
 * Concilio Nicæno. Itè ex ⁷ Eusebio, & ex ² Gregorio Nazian-
 zeno, & ex ⁴ Beda, & ex ⁶ Amphilochio, & ex ^c Gratiano. II.
 In more etiam positum fuit, vt priuati deferrent secum Eu-
 charistiam domum, vbi seruabant, vt pro oportunitate vel
 necessitate priuatim ipsi communicarent. Cuius consuetu-
 dinis testes sunt ^d Tertullianus, ^e Clemens Alexandrinus,
^f Cyprianus, ^g Basilus, ^h Hieronymus, ⁱ Augustinus. Cuius
 etiam ætate ea res fuit in more, immò etiam ætate Bedæ, vt li-
 cet colligere ex illius ^k historia Anglicana. Nec mentionem hi
 faciunt, nisi speciei panis, quam vocant corpus Christi. Et
 Augustinus sanè dicit, *in luteolo mundo fuisse solitas mulieres*
 Eucharistiam sumere. Quod de sola specie panis oportet in-
 telligi. Atque hic mos secum asportandi Eucharistiam & pri-
 uatim sumendi potissimum obtinuit apud Eremitas, quibus
 id faciliùs concedebatur, ne subinde cogerentur communi-
 candi caussa ad remotas vrbes adire, vt colligitur præsertim
 ex Basilio. III. Dum non cõsumebant Eucharistiam, ea etiam
 ad tutelam vtebantur: quod ipsum argumento est, solitam ab
 iis fuisse diu referuari. Quò pertinet historia Ambrosij in o-
 ratione de excessu sui fratris Satyri. Qui in naufragio *Sacra-*
mentum ligatum in orario collo inuoluit. Est autem *orarium* genus
 sacri indumenti, quò Sacerdotes in orando & sacrificando v-
 tebantur, vt notant ^l Sipontinus, & ^m Durandus, qui ait, esse
 quiddam simile superhumerali, & ⁿ Onuphrius Panuinus,
 qui dicit, fuisse stollam. Item huc etiam spectat historia Bedæ
 in ^o Martyrologio, vbi cõmemorat Tharsitium Martyrem ita
 secum deportasse Eucharistiam, vt reperire illam in eius vesti-
 bus Ethnici non potuerint. Nec tamen diffiteor, quin tandem
 hæc consuetudo priuatim asportandi & seruandi Eucharisti-
 am, propter multos abusus, alioqui sacrilegos, prohibita
 fuerit. Sed tamen non fuit idcirco prohibita, quoniam v-
 surparetur illa ratione tantum altera species. IIII. Fuit & illa
 consuetudo Græcorum, vt non nisi die Sabbathi & Dominico

H 3

Eucharistia

* Die 15. Augusti. ^p In Concilio I. Toletan. can. 14. & Cæsaraugustano, canon. 9.

* Can. 12. & 14.
 Lib. 6. hist.
 cap. 35.

² In orat. de
 Gorgonia so-
 ror.

⁴ Lib. 4. hist.
 Anglicanæ,
 cap. 24.

⁶ In vita Ba-
 silij.

^c De consecr.
 d. 2. can. Per-
 uenit. & can.
 Presbiter.

^d Lib. 2. ad v-
 xorem; & lib.
 de orat. & lib.
 de corona mi-
 litis.

^e Lib. 1. Stro-
 natum.

^f Serm. de lap-
 sis, & lib. de
 spectaculis.

^g In epist. ad
 Cæsariam
 patriciam.

^h In Apol. ad
 Pamachium,
 pro libris suis
 contra Iou-
 nian. circame-
 dium.

ⁱ Serm. 291. de
 tempore.

^k Lib. 4. c. 24.

^l In Cõment.
 de ling. Latina
 pag. 642.

^m De diuinis
 offi. lib. 1. c. 9.

ⁿ Lib. de inter-
 pret. vocabul.
 Eccles.

9 Can. 49. &
ex 6. Synodo
can. 51. in
Tullo.

7 In epist. ad
Decentium
Eugabinum
Episc. c. 4.
8 Lib. 2. de in-
stitur. Cleri-
corum, cap. 37.

9 Lib. 2. de
Sacr. cap. 88.
& 89.

10 Apud Euseb.
lib. 5. hist. c. 24.

11 In epist. ad
Rusticum
Monachum
sub finem.

12 Epistol. 1. ad
Innocent.
13 Apolog. 2.
sub finem.

Eucharistia consecraretur, aliis autem diebus quinq; vteren-
tur fideles *præsanctificati*, id est, his speciebus, quæ Dominico
die & Sabbathi consecratæ fuissent, vt patet ex 7 Concilio
Laodicensi. Neque est probabile, ad quintum vsque diem
fuisse seruata[m] speciem etiam vini consecratam. V. In Ecce-
lesia Hierosolymitana, si quid superesset Eucharistiæ referua-
batur in Pixide ad communionem peregrinorum, teste Leo-
ne I X. in epistola ad Michaëlem Imperatorem. VI. Ex Apo-
stolica traditione obtinuit in Ecclesia mos, vt in ipso die Pa-
rasceues, aut etiam Sabbathi sancti (nisi quatenus eo die ce-
lebratur iam Missa de resurrectione) *præsanctificata* Euchi-
ristia vsurpetur, neque consecratur eo die, teste 7 Innocentio I.
cuius etiam instituti meminit 4 Rabanus. Atque hoc quidem
factum iam olim esse in sola specie panis, hodierna etiam Ec-
clesiæ consuetudo, de cuius initio minimè constat, testatur.
Nam ipso die Parasceues neque consecratur vinum, neque
pridie consecratum & referuatum sumitur, sed solum hostia
cum ablutione, cuius instituti rationem reddit optimè 4 Tho-
mas V Valdësis. VII. Episcopis, cum Romam religionis caus-
sa venirent, obuiam mittebatur Eucharistia in communionis
& pacis symbolum, vt apparet ex epistola Irenæi ad Victorem
Romanum Pontificem. 10 Vnde colligitur, illam fuisse semper
in promptu, atq; adeo in specie sola panis, maximè cum nõ ita
commodè & reuerenter in specie vini transmitti longiùs po-
tuerit. Neque tamen negamus, quia aliquando etiam species
vini fuerit referuata ad breue tempus, vel etiam ad aliquem
absentem propinquum transmissa, vt colligitur ex 12 Hierony-
mo, & ex 13 Chrysostomo, & ex 14 Iustino. Sed hoc asserimus,
diu & ordinariè non nisi in specie panis Eucharistiam fuisse
conseruatam.

140. TERTIO, fuisse olim vsurpatam quandoque alteram
tantum speciem, colligimus ex vsu communicandi in specie
panis madefacta vel intincta, aut communi vino, aut consecra-
to, vt faciliùs ab ægrotis sumeretur, non obstante oris aridita-
te. Quo pacto puellæ Energumena, quæ per dies 82. dæmone
prohibente, nihil deglutiuerat, Eucharistiam intinctam ad-
ministratam

ministratam fuisse in Ecclesia Carthagenensi narrat B. ^a Prof- ^a Lib. de præ-
per. Siue autem intincta fuerit vino consecrato, siue com- ^{dict. & promiss.}
muni, nihil hoc interest, cum utroque modo constet non sum- ^{Dei, parte 4.}
mi speciem alteram per modum potus, quem Sectarij vr- ^{cap. 6.}
gent.

QVARTO, decretum atque etiam vsu receptum fuit olim, 141.
vt sola species vini daretur iis ægrotis, qui deglutire alioquin
nullo modo possent panis speciem. Ita decernitur in ⁶ Con- ⁶ Cap. 76.
cilio Carthagenensi quarto, vbi statuitur, vt si is qui Sacramen-
tum Pœnitentiæ petiuisset, postea mentem amitteret, infun-
deretur eius ori Eucharistia. Atque eadem consuetudo col-
ligi potest ex ^a Concilio Toletano XI. Hinc Serapioni niori- ^a Cap. 11.
enti Sacerdos, qui & ipse ægrotabat, per puerum transmisit
parum Eucharistiæ, vt infusum præberet, & oris eius instillaret, sicut
narrat ^a Eusebius. Etsi non desint, qui putent posse id intelli- ^a Lib. 6. hist.
gi de particula Eucharistiæ madefacta. Ceterum magis vide- ^{cap. ult.}
tur consentaneum historiæ, vt de sola vini specie id intelliga-
mus, quandoquidem infundendum & instillandum fuit ori
ægroti quicquid illuderat Eucharistiæ. Item ex ^a Cypriano ^a Serm. de
colligi potest, fuisse aliquando administratum puellæ sangui- ^{lapis.}
nem soluni in Ecclesia ipso præsentē.

QVINTO, fuit etiam in multis Ecclesiis consuetudo, vt e- 142.
tiam infantibus communio daretur, sicut ex Cypriani loco ^f Cap. 7. Ec-
iam citato, & ex D. ^f Dionysio apparet; neque credibile est, ^{cles. Hierar.}
Eucharistiam illis nisi in specie vini datam esse. ^{P. 3.}

SEXTO, fit nonnunquam apud veteres mentio *communio-* 143.
nis Laicæ, ad quam solam admitebantur interdum Clerici, in ^g Cap. 76.
pœnam quorundam criminū, vt videre est in ^h Cōcilio Eliber- ^h Cap. 1.
tino, & ^h Sardicensi, & ^a Agathensi, & apud ⁱ Cyprianum. Neq; ⁱ Cap. 33.
est satis probabile, cōmunionem illam Laicam fuisse positam ^{Lib. 4. c.}
in modo tantum percipiendi Eucharistiam: vt Laica commu-
nio diceretur, cum non ipse Clericus communicans eam pro-
pria manu acciperet, sed aliquo alio illam administrante, in
utraque tamen specie, & non inter Clericos, sed inter Laicos.
Apparet enim ex locis citatis, huiusmodi Clericos solitos
fuisse puniri ipso etiam genere communionis; ita scilicet vt
altera

altera tantum species (sicut quandoque Laicis) ipsis administraretur: altera autem, atque adeo ipso ministerio conficiendi Eucharistiam in utraque, priuarentur in poenam. Nam in Concilio illo Elibertino imponitur etiam Diacono eiusmodi poena; qui tamen non poterat alioqui conficere, neque etiam praesente Episcopo vel Sacerdote accipere ipse Eucharistiam, sed oportebat eum de manu illorum accipere, ut sub idem tempus fuit decretum in Concilio Nicæno primo.

1 Can. 14.

144.

SEPTIMO, fit etiam à veteribus mentio communionis peregrine, qualis videlicet in locis religiosis semper erat parata pro aduentantibus quouis tempore peregrinis, ut ex Leo-
ne IX. & ex Hieronymo intelligi potest. Atque huiusmodi etiam communio peregrina in poenam decernebatur Clericis propter furtum & alia crimina, ut patet ex Concilio Agathensi. Ex quibus licet coniicere, communionem hanc fuisse in altera tantum specie. Nam neque species etiam vini seruari diu poterat, ut esset parata semper pro peregrinis, neque habuisset ea communio usque adeo insignem poenae notam, si in utraque specie iis Clericis, qui grauius deliquissent, dabatur.

In epist. ad
Michaellem
Imperat.

De septem
ordinibus
tom. 1. vel 9.

1 Can. 1. & 4.

145. OCTAVO, non est credibile, eos qui olim naturam essent abstemij, aut vinum ob aliam causam ferre non possent, semper fuisse ab Eucharistiae usu omnino prohibitos.

146. NONO, accedit, quod vix intelligi potest, quemadmodum calix etiam tunc administraretur populo, cum & maximo numero ad communionem conueniebatur, neque erat in una vrbe, nisi in una Basilica, neque plus quam vnum Sacrum fiebat, ut saepe sine dubio in illis initiis usu venit. Nam quod in alio maiore vase, quam in mediocri calice, aut in pluribus calicibus eodem tempore, aut saepius quam semel in vno Sacro, seu synaxi, consecratus aliquando fuerit sanguis, inauditum in Ecclesia est, neque res fuisset consentanea Christi institutioni. Itaque cum quidam aliquando plures simul calices consecrarent, hoc reprehendit Gregorius III. tanquam alienum ab institutione Christi. Et videmus antiquissimos calices, qui supersunt nunc, esse sane exiguos. Quin etiam
Damascus

In epist. ad
Bonifacium
tom. 1. Conc.

¶ Damalus memoriæ prodidit, Constantinum Ecclesiæ dedisse dono calices aureos & argenteos, quorum singuli essent ponderis vnus tantum libræ. Quomodo igitur tunc vnus eiusmodi calix in amplissima vrbe, & in vnico sacro, & in maxima communicantium frequentia omnibus sufficiebat?

Nam quod dicunt aliqui Sæctarij, post exhaustum semel vinum consecratum, deinde aliud eidem calici fuisse infusum, quod sine noua consecratione verborum Eucharistia fieret, eo ipso quod ad vsum fidelium in eadem cœna siue synaxi destinaretur; Id verò contra institutionis præceptum est. Christus enim non nisi illum panem, & illud vinum porrexit, quod ipse peculiaribus verbis in præsentia consecrauerat. Atque hoc ipsum Apostolos, eorumque successores similiter iussit deinde facere, nempe vt panem & calicem verbis itidem consecrarent. Neque verò Sacramentum legitimum fieri potest, nisi *accedat verbum ad Elementum*, iuxta vulgatum Augustini testimonium, ab ipsis etiam Sæctariis receptum.

¶ In vita Syluestri.

147.

¶ Tract. 80. in Ioan.

Porro quæ hæcenus commemorauimus, satis ostendunt, alterius speciei vsum habitum olim fuisse pro licito, quamuis neque semper, neque ab omnibus, neque semper in publico, sed plerumque priuatim altera tantum species vsurpata fuerit. Non enim iam disputamus, quid semper & vbique Ecclesia vsurpauerit, sed quid aliquando saltem, & ab aliquibus, & interdum etiam in publicis Ecclesiis, vt ostensum est, vsurpatum fuerit sine vlla reprehensione in Ecclesia. Inde enim consequitur, sententiâ Ecclesiæ, non fuisse vsum vtriusque speciei omnibus & singulis diuinitus præceptum, ita vt nisi in vtraque communicare nemini liceat, quemadmodum Sæctarij contendunt.

148.

Quod si per Christum licuit, priuatim, & aliquando, & nonnunquam etiam in publico templo, communicare sub altera specie, certè etiam licuit id facere semper & omnibus illo tempore, si ita Ecclesia tunc disposuisset. Christus enim instituens Eucharistiam nihilomagis aliquid præscrip-

149.

fit de eo quod esset faciendum ab omnibus, vel in loco publico, vel semper, quàm de eo quod faciendum erat priuatim & ab aliquibus & aliquando. Sed absolutè Sacramentum ipsum instituit & generatim de ipso locutus est.

150.

1. Cor. 10.
& 11.

1. Lib. 1. cap. 2.

2. Apol. 2. in
actis Synodi
Alexandrinæ.

3. In 3. cap. Sopho-
nias.

4. Scim. 4. de
ieiunio quadragesimæ.

Alioqui verò minimè negamus, quin vtraque species frequentissimè olim etiam administrata fuerit, vt apparet ex Paulo, & ex Cypriano, & ex Athanasio, & ex Hieronymo, & ex Leone, & ex historia tripartita, & ex diuino Gregorio, & passim ex aliis veterum testimoniis, de quibus paulò pòst. Itemque ex diuino Thoma, qui etiam suo tempore in aliquibus Ecclesiis administratum calicem fuisse, significat.

2. Lib. 9. cap. 30. 3. In hom. 22. in Euangel. 3. q. 80. art. 12.

151.

Sed cum in praxi fuerit etiam vsus alterius tantum speciei: rectè concludimus, ex praxi Ecclesiæ, non posse magis de vtraque; quàm de altera colligi diuinum præceptum. Adde quod cum Ecclesia quædam vsurpet, quæ citra diuinum præceptum ipsa instituit & sanxit ad ædificationem fidelium; etiamsi tota Ecclesia, & semper, illis primis temporibus vsurpasset communionem vtriusque speciei, minimè liceret propriè ex ea communi praxi colligere diuinum ea de re præceptum.



CAPVT IX.

Non posse ex testimoniis & traditione veterum Patrum colligi diuinum præceptum de communione sub vtraque.

152.



AM verò, neque ex traditione Ecclesiastica & testimonio antiquitatis conuinci posse eiusmodi præceptum, ea ratione probo, quòd cum plurimas Kemnitius & alij Sectarij conquiescent sententias

rentias Patrum pro communione sub vtraque, nulla omnino ex illis omnibus est, quæ vel vsum vtriusque speciei omnibus & singulis iure diuino necessarium esse affirmet, vel vsum alterius hoc ipso propriè & per se damnet, quòd fuerit vnus tantum speciei vsus, & non etiam vtriusque. Quod vt commodiùs à nobis defendi possit, quædam capita explanationum, siue obseruationum in scriptis Patrum annotanda hic erunt, ad quorum aliquod pertinet quidquid est eiusmodi testimoniorum.

PRIMA obseruatio. Quarundam sententiarum ea tantum vis est, vsum calicis omnibus per Christi quidem legem licitum esse, hoc est, nemini fuisse à Christo prohibitum: cum contra in lege veteri diuinitus populo interdiceretur vsus quarundam rerum in Sacrificiis, quibus tantum Sacerdotibus participare licebat. Huc pertinet illud quod à D. ^e Chrysostomo, tum cum calix erat in communi vsu, scriptum est: *Est, inquit, ubi nihil differt Sacerdos à subdito, vt quando fruendum est mysteriis. Similiter enim omnes, vt illa participemus, digni habemur: non sicut tempore veteris testamenti, quodam Sacerdos, quodam populus comedeat, nec fas erat populum participare illis, quorum Sacerdos princeps erat. Sed nunc omnibus vnum corpus proponitur & vnum poculum.* In eandem sententiam loquitur ^d Ignatius, cum dicit: *Vnum esse calicem totius Ecclesie.* Et ^e Theophylactus, cum ait: *Ex aquo traditum esse cunctis*: quia tunc nimirum, Christo nulli prohibente, & Ecclesia ita expedire iudicante, omnibus rectè administrabatur calix.

153.

^c Hom. 18. in
^{2.} epist. ad
Cor.

^d In epist. ad
Philadelph.
^e In caput 12.
^{1.} Cor.

SECUNDA obseruatio. Quum Ecclesia in genere præceptum etiam habeat bibendi sanguinem sicut ^f supra ex-
posuimus, rectè etiam dici potest absolutè, in nouo quidem testamento præcipi sanguinis potum, qui tamen in lege veteri prohibebatur. Quo pacto loquitur ^g Cyprianus, vbi ita dicit: *Lex prohibet esum sanguinis; Euangelium præcipit vt bibatur.* Cum autem ibi etiam insinuat, omnes Christianos ex præcepto & traditione Christi, Iouan. 6. debere comedere

154.

^f Cap. 4.

^g In serm. de
cena Domini.

illius carnem, & bibere sanguinem; ipse euidentissimè declarat, quis sit ille modus sumendi in Sacramento carnem & sanguinem, quem sub vocabulo *comedendi & bibendi*, necessariū omnibus esse significat. Nempe hunc modum esse dicit, vt spiritualiter & fructuosè, tum caro, tum sanguis in Sacramento sumatur, hoc est, ita vt per Sacramenti vsum Christo vniamur & *incorporemur*, id quod fieri potest sumendo carnem & sanguinem Christi, siue sub vtraque, siue sub altera tantū specie, vt suprà declarauimus. Atque ideo ibi Cyprianus subiungit, eum actum comedendi & bibendi, *ad vnā & eandem rationem pertinere*, vt scilicet, *vita spiritus nutriatur*. Debet item ad generale præceptum Ecclesiæ datum referri illud, quod ^h Nicephorus recitata Christi institutione dicit fidelibus similiter traditū esse id faciendum, quod Christus instituit. Quem locum nisi ita intelligamus, sequeretur alioqui, omnes & singulos fideles debere etiam, secundum Nicephori sententiam, conficere & administrare Eucharistiam.

^h Lib. 1. hist.
cap. 28.

155. TERTIA obseruatio. Quando vsus fuit calicis, rectè quoque dici potuit, omnibus illum debuisse esse communem, non quia omnibus ex Christi præcepto necessariò administrandus fuerit, sed quia ad eam rationem communicandi, quam Ecclesia vnoquoque tempore rectè & licitè vsurpat secundum institutionem Christi, nemo alioqui dignus excludi debet. Huc pertinet quod ⁱ Hieronymus, vel quisquis ille auctor fuit, inquit: *Cenam Domini, ab Apostolo ibi explicatam, omnibus debere esse communem*, cum ille omnibus discipulis suis, qui aderant, equaliter tradiderit Sacramenta, id est, neminem excluferit ab illa communione quam tunc dispensauit. Agit enim ibi ille Hieronymus, vel ille auctor, contra prauam consuetudinem Corinthiorum, qui quosdam ab vstitata communione excluderant, eo quod non attulissent ipsi secum panem & vinum, vt consecraretur.

156. QUARTA obseruatio. Ob eandē causam, cum esset in cōmuni vsu calix, rectè dici potuit, oñes habere ad illud ius quoddā. & Lib. Lepist. Ita illud & Cypriani intelligi debet: *Quomodo*, inquit, *ad mar-*
tyrij

ryrij poculum idoneos facimus, si non eos ad bibendum prius in Ecclesia poculum Domini iure communicationis admittimus? Ita etiam illo tempore, quo vtrâq; species ex more Ecclesiastico vsurpanda erat, dici potuit, non nisi vtrâque iure ac rectè communicari. Neceffe enim est secundum Ecclesiæ morem vnumquemque communicare, exceptis iis casibus, in quibus aliud ipsa Ecclesia permittat, sicut sæpe etiâ olim permisit vsum alterius speciei. Quare quo tempore Ecclesia voluit vtriusq; speciei vsu separatim significari redemptionem atque salutem tum animi, tum corporis (significatione nimirum quadam clariori) / Lib. de corpore & sanguine Domini, cap. 19.

QUINTA obseruatio. Quoniam minister Eucharistiæ non in sua, sed in Christi persona Eucharistiam siue in vtraque, siue in altera specie administrat; Idcirco quando calix etiam in vsu fuit, ipse Christus dici poterat calicem tunc præbere populo, ipsiq; fidelibus, quasi dicere: *Bibite ex hoc omnes*, sicut dixit olim Apostolis tradens eis calicem. Non quasi fidelibus tunc præciperet ipse vsum calicis, sed quia ipse tunc quidem per ministrum daret calicem. Hoc sensu. ^m Paschasius sic scriptum reliquit: *Christus est, inquit, qui frangit hunc panem, & per manum ministrorum distribuit credentibus; similiter & calicem porrigit eis, dicens: Accipite, & bibite ex hoc omnes, tam ministri, quam reliqui credentes.* Vbi ad Christum, quo tempore quidem per ministros ille suos calicem fidelibus præbebat, non absurdè accommodat Paschasius verba illa eiusdem Christi, cum discipulis daret calicem, inquit: *Bibite ex hoc omnes.* Eodemq; illa *omnes* sacerdotum in *1. cor. 10. 16.* *Omnes bibite* & Bahlij pertinet. *Dignare Domine dare nobis corpus & sanguinem tuum, & per nos populo.* Item illud ⁿ Damasceni, cum inquit: *Christum instituisse nouum Testamentum discipulis, & per eos aliis credentibus, vt scilicet discipuli administrarent populo illud nouum Testamentum siue in vtrâq; siue in altera specie; neque aliis, præterquam ministris, administrare illud liceret.* In quam sententiam Catholi-

I 57.

^m Lib. citato de corpore & sanguine Domini, cap. 18.

ⁿ Lib. 4. fidei, cap. 14.

ci quoque hodie in hymno canūt: *Cuius officium committi voluit
solis presbyteris, quibus sic congruit, ut sumant & dent ceteris.*

158. SEXTA observatio. Cū necesse sit ex præcepto Christi Sacramentum non nisi in ea materia cōsecrari & administrari quam Christus instituit, consequens est, ut quo tempore calix etiam administrabatur, necessariò fuerit in specie vini, non autem in sola aqua, administrandus. Quod minimè idem est atque absolutè debuisse vnquam ex præcepto Christi calicem populo administrari: Sed est, debere illum tali modo, id est, adhibito vino ministrari, quandocunque & quibuscunque administretur. Atque huc pertinet disputatio * Cypriani, cū aduersus Aquarios, pro principio & velut axiomate sumit, in calice offerendo, & ministrando, id necessariò faciendum esse, quod Christus fecit & præcepit, neque aliquid huic contrarium, sicut faciebant perperam Aquarij solam aquam in calice adhibentes. Cū autem aduersarij nostri volunt hanc disputationem Cypriani ad huius controuersie institutum accommodare, quasi ex illo axiomate Cypriani sequatur etiam, omnibus & singulis calicem esse administrandum, petunt principium; ut qui supponunt ex sententia Cypriani, aut etiam reuera, tam esse contra præceptum Christi institutionis prætermittere administrationem calicis, quàm illum consecrare & offerre & administrare in aqua sola, ut faciebant illi Aquarij. Hoc autem illud est, quod istis incumbit probandum, neque vnquam probare possunt, ut satis à nobis antea defensum est.

159. SEPTIMA observatio. Quia Sacramentum hoc xquè est efficax in specie vini, atque in specie panis, ideo etià quando calix in usu fuit, verisimile à ratione dicitur petiri illum esse administrandum omnibus, itemque in eo usurpando commemoracionem Christi mortis fieri, illiusque fructum repræsentari, atque etiam figuras quasdam veteris legis impleri, &c. Neque verò inde consequitur, Patres sensisse, calicis usum esse etiam absolutè ex præcepto Christi omnibus necessarium. Quemadmodum neque sequitur, quotidie Sacramentum istud omnibus

* Lib. 1. ep. 3.
ad Ceciliū.

nibus necessarium esse, eo quod quotidie sit & dicatur à Patribus maximè salutare. Huc pertinet illud ^p Ambrosij: *Quotiescunque bibis, remissionem accipis peccatorum.* Et: ⁹ *Si quotiescunque effunditur sanguis, in remissionem peccatorum funditur, de eo illum semper accipere, ut semper mihi peccata remittantur; Qui semper pecco, semper de eo habere medicinam.* Et illud ^r Cypriani: *Quos horiamur ad martyrium, non inermes relinquamus, sed protectione sanguinis & corporis Christi muniamus.* Et illud ^r Hilarij: *Hæc accepta (corpus & sanguis Domini) & hausta efficiunt, ut & nos in Christo & Christus in nobis sit.* Et illud, quod in calice quodam diuus Remigius in Ecclesia Remensi insculpi curauit: *Haurias hinc populus vitam de sanguine sacro.* Et illud ^r Augustini: *Cum cibo & potu hoc appetant homines, ut non esuriant, neq. sitiant; hoc veraciter non præstat, nisi iste cibus & potus, qui eos, à quibus sumitur, immortales & incorruptibiles facit.* Et illud ^r eiusdem: *Christiani, inquit, peracti Christi sacrificij memoriam celebrant sacrosancta oblatione & participatione corporis & sanguinis Domini.* Et illud ^r Ambrosij (vel quisquis fuit ille auctor) *Quod, inquit, morte Domini liberati sumus; edendo & potando corpus & sanguinem significamus.* Et illud quod diuus ^r Thomas docet per vsum vtriusque speciei significari salutem tum animæ, tum corporis: de quo etiam diximus antea in explicatione cuiusdam loci Paschasij. Item illud ^r Chrysostomi: *Sicut tu, inquit, sanguinem bibis, ita & illi (in veteri lege) aquam de petra biberunt.* Et illud ^r Ambrosij: *Illos (inquit) ad horam satiauit aqua de petra, se sanguis diluit in aeternum.* Et illud ^r Augustini: *Omnes (inquit) eundem potum spiritualem biberunt, aliud illi, aliud nos; sed specie visibili, quod tamen idem est virtute spirituali.* Et illud ^r Gregorij: *Quid sit sanguis agni, non iam audiendo, sed bibendo didicistis, qui sanguis super virumq. postem ponitur, quando non solum ore corporis, sed ore cordis hauritur.*

OCTAVA observatio. Potest etiam dici, potum sanguinis necessarium esse ad vitam spirituales, non tamen respectu admodum sumendi, in specie potabili, sed ad rem & veritatem perceptionis, itemque ad effectum eiusmodi potus: quæ duo communia sunt speciei panis, ut quæ eundem effectum

Lib. 5. de Sacram. cap. 3.
9 Et lib. 4. cap. 6.

Li. 1. epist. 1.

Lib. 8. de Trinit.

Tract. 26. in Ioan.

Lib. 20. contra Faustum, cap. 18.
1. Cor. 11.

3. p. q. 76. artic. 1. ad 1.

Hom. 23. in 1. Corinth.

De myst. imit. c. 9.

Tract. 26. in Ioan.

Hom. 27. in Euangel.

160.

d q. 17. in Le-
uit.
e Ioan. 6.

effectum gratiæ salutaris habet, & reipsa etiam sanguinem continet. Atque hoc modo intelligi illud non incommode posset, quod *d* Augustinus ita dicit: *Cum Dominus dicat; e Nisi manducaveritis, &c. Quid sibi vult, quod à sanguine sacrificiorum, quæ pro peccatis offerebantur, tantopere populus prohibebatur si illis sacrificiis unum hoc sacrificium (Christi) significatur, in quo vera sit remissio peccatorum: à cuius tamen sacrificij sanguine in alimentum sumendo non solum nemo prohibetur, sed etiam omnes exhortantur, qui volunt habere vitam.* Vbi intentus videlicet fuit Augustinus ad ipsum effectum sanguinis, sine quo, iuxta sententiam illam Christi, vita non conseruatur. Quanquam intelligi etiam hic locus Augustini rectè potest de actu bibendi sanguinem spirituali, à quo neq; iam, neq; vnquam vllus hominum prohibitus est, sed omnes ad illum obligati. Nam propterea quæsiuit eo loco Augustinus, cur vsus sanguinis in illis sacrificiis, quæ fructum significabant istius participationis spiritualis sanguinis atque sacrificij Christi, prohiberetur; cum semper omnes obligati fuerint ad bibendum spiritualiter Christi sanguinem in veteribus sacrificiis significatum. Atque ideo induxit sententiam illam Ioan. 6. quæ etiam de actu manducandi & bibendi spirituali, ad quem omnes & singuli tenentur, intelligitur: immò secundum Sectarios quidem de illo solo. Quo fit, vt ipsi sanè non possint iure nobis obicere hunc Augustini locum pro communione sub vtraque: Et tamen obiecit illum nihilominus Kemnitius, sed sententiam ipsam Augustini mutilans, & callidè illud dissimulans, quod Augustinus ait: *Cum dicat Dominus, Ioan. 6. &c.*

161.

NONA obseruatio. Etsi Patres quandoque significant, tum demùm ex omni parte completè & perfectè communicari, quando vtraque species vsurpatur, vt fiat expressior significatio effectuum huius Sacramenti: tamen non ideo censuerunt necessitatem communicandi sub vtraque incumbere iis etiam qui non conficiunt. Est enim horum longè dispar ratio, vt *f* suprà docuimus, nec tenentur ipsi omnino perficere id Sacramentum quod non conficiunt. Nihil igitur nobis obstat

f Num. 105. &
seq.

stat quod ob eam rem D. Laurentius, apud *g* Ambrosium, di- *g* Lib. 1. off.
spensationem calicis significauerit esse *consummationem* huius *cap. 41.*
Sacramenti: Nec, quòd alias etiam vocetur calix complemen-
tum communionis. Ista enim nos vltro concedimus.

DECIMA obseruatio. Cùm Sacramentum istud, vt dictū *I 62.*
est, in vsu demùm vtriusq; speciei habeat suam quandam per-
fectionem indiuidualem & cōplementum: licet nullo diuino
præcepto necessarium sit administrare illud omnibus secun-
dum eam perfectionem & complementum (vt suprà osten-
sum est) tamē error omnino est putare, illud in specie panis vel
solaprorus, vel etiam intincta tātum sanguine, perfectè om-
ni modo & completè administrari. Neque immeritò, qui hoc
putaret, redargui posset ex ipsa Christi institutione. Siqui-
dem Christus in vtraque specie separatim, quarum altera per
se ederetur, altera per se etiam biberetur, illud instituit, eius-
que dispensationem compleuit ipse atque perfecit in cœna.
Tantummodò igitur hunc errorē ex ipsa Christi institutione
redarguit *b* Iulius I. in epist. ad Episcopos Aegypti. Vbi inter *b* Apud Gra-
cætera quosdam etiam reprehendit, qui eo tempore quo ex *tianum de cō-*
Ecclesiæ instituto absolutam vndequaq; & completum com- *secra. d. 2. can.*
munionem administrare ordinariè populo oportebat, puta- *Cum omne.*
bant se satis id completè & perfectè facere, Eucharistiam tan-
tummodò intinctam administrando. Quam Eucharistiæ in-
tinctionem ideo vocabant *complementum* communionis. Et si
notandum est, epistolam illam Iulij inter alias eiusdem epi-
stolas minimè reperiri; citatur tamen à Gratiano. Et certè
idem decretum, & iisdem verbis legitur in Concilio Bracca-
rensi III. can. 1. quod Concilium fuit celebratum 250. circi-
ter annis post Iulium: quo tempore, vt apparet, repullulabat
ille idem error & abusus. Nectamen est improbabile quod
quidam hinc suspiciantur, falsò decretum illud fuisse ascriptum
Iulio, cùm debuerit fortè ascribi Iuliano Episcopo Hispalen-
si, qui secundo loco subscripsit in illo Braccarensi Concilio,
vt apparet ex eius Concilij actis. Item aduersus Kemnitij
quoddam artificium notari debet, in eo decreto nō absolutè

dici, abusum illum propriè esse contra diuinos ordines, aut Apostolicas traditiones, vel contra Euangelium, sed id propriè ibi dicitur de aliis quibusdā abusibus, qui simul ibi damnantur; Eorum videlicet, qui lac pro vino in sacrificio offerebant, aut certè aquam, in qua pannum abluissent, quem multo antè consecrato vino intinxissent, & anno integro ad eum vsum inficiendi aquam pro sacrificio conseruauissent. Contra eos autem, qui speciem alteram intinctā pro completa communione dispensabant, ideo etiam affertur ibi Christi institutio, vt ex ea ostendatur, minimè fuisse completam illam communionem, in qua non etiam sanguis ipse seorsim dispensaretur, sicut tunc oportebat, quemadmodum antè explicauimus. Quatamen ex re, ⁱ suprà defensum est, non posse colligi diuinum præceptum, quo citra Ecclesiæ decretum vtraque species ab iis debeat percipi, qui non ipsi conficiunt Eucharistiam.

i Cap. 8.

163.

VNDECIMA observatio. Inter alios insanos errores Manichæorum & Priscillianistarum, ille etiam fuit, quòd omne vinum tanquam fel principum tenebrarum (sicut illi delirantes appellabant) ex quadam superstitione abominabantur: teste & Augustino. Quapropter Sacramentum istud non nisi in specie panis vel conficiebant, vel vsurpabant. Quo ipso mysterium à Christo in vtraque specie institutum sacrilegè diuidebant, siquidem ad illud nequaquam arbitrabantur speciem etiam vini, aut eius vsum vllo modo pertinere. Horum igitur ea in re sacrilegam superstitionem, qua arbitrabantur obsequium se illi suo Deo lucis præstare contra principes tenebrarum, non autem ipsum per se vsum communicandi sub altera tantum specie, tum Leo Magnus, tum Gelasius I. illius non multò pòst in Romana sede successor, grauitè & meritò notarunt, atque detestati sunt, cùm suis temporibus adhuc multi ex illa hæreticorum secta superessent. Ac Leo quidem eius superstitionis indicio illos internosci ab aliis fidelibus (quibus, in detestationem quoque eiusmodi erroris, communis tum erat vsus calicis) voluit, vt apparet ex eius ⁱ verbis,

† Lib. de hæresib. cap. 46.

i Sermone 4. de quadagesima.

vbi

vbi de Manichæis loquens inter cætera dicit: *Cùm adlegendam infidelitatem suam nostris andeant interesse mysteriis, ita in Sacramentorum communione se temperant, ut interdum tutius lateant. Ore indigno Christi corpus accipiunt, sanguinem autem redemptionis nostræ omnino haurire declinant. Quod ideo vestram scire volumus sanctitatem, ut nobis eiusmodi homines & iis manifestentur indicium, & quorum deprehensa fuerit sacrilega simulatio notati & prodiiti à Sanctorum societate sacerdotali auctoritate pellantur.* Vbi obseruandum est, Manichæos nunquam se simulaturos fuisse ea ratione Catholicos, nempe sumendo alteram tantum speciem, nisi id aliqui facitatum ab ipsis Catholicis aliquando fuisset. Et situnc quidem communiter id non fieret, quò melius eo indicio, quinam illa superstitione & hæresi Manichæorum obstricti essent, dignosci posset, sicut Leo admonuit. Item obseruetur, quod Leo inquit, *illos omnino declinasse, &c.* quo dicendi modo significauit abominationem illam alterius speciei, quam propter vini speciem, ipsis execrabilem, horrebant prorsus Manichæi. Eisdem item, ut dictum est, notauit Gelasius in epistola Maioricum & Ioannem Episcopos, apud ^m Gratianum: *(comperimus) (inquit) quod quidam, sumpta tantummodo corporis sacri porzione, à calice sacrati cruoris abstinent, qui proculdubio, quoniam nescio qua superstitione docentur astringi, aut integra Sacramenta percipiant, aut ab integris arceantur, quia diuisio vnius eiusdemque mysterij sine grandi sacrilegio non potest promoueri.* Diligenter autem notandum est, quos hic dicat Gelasius mysterium sacrilegè diuidere, sumendo tantum vnam speciem. Nempe illos qui ex superstitione illa Manichæorum docebantur, id est, perhibebantur eo tempore, ab altera specie abstinere. Nam & huiusmodi etiam Manichæos hic Pontifex Gelasius acriter infectatus est, ac Romæ expulit, eorum scriptis combustis, ut in decretis ^m Gelasij recensetur. Qui verò vnam tantum speciem ita sumunt, ut nihilo minus mysterium ipsum in vtraque venerentur, ij minimè quidem mysterium ipsum diuidunt, licet non totum in indiuiduo vsurpent, ut ^o suprà explicatum est. Quamobrem

^m De consecrat. d. 2. can. Comperimus.

^m Tom. 1. Conciliorum.

^o Cap. 6.

p. 1. p. q. 80. artic. 12. d. 3.

nihil nobis aduersatur hic canon, etiamsi intelligatur non modò de Sacerdotibus qui conficerent Eucharistiam (vt in primis intellexit ipse Gratianus & diuus Thomas) sed etiam de illis omnibus, qui superstitioso illo modo calicem auerfarentur. Porro epistola illa Gelasij, ex qua Gratianus recitat eum Canonem, minimè exstat.

164. Hæ igitur obseruationes testimoniorum antiquitatis ostendunt, nihil valere illa omnia quæ à Kemnitio & ab aliis Sectariis in hoc genere collecta sunt, vt simplicibus persuadeant, vsum alterius speciei fuisse per se improbatum à veteribus; Nihil enim minus, sed aliud illi egerunt, vt iam ostensum est.

165. Et certè, cùm passim veteres omnem Eucharistiæ efficaciam soli etiam corpori Christi sub specie panis attribuant, satis eo ipso indicant, veritatem Sacramenti in altera etiam specie consistere, quantum satis est, & ad vitam animæ spirituales tuendam, & ad Christi præceptum adimplendum, vt quod refertur totum ad eum finem tuendæ vitæ spiritualis. Neque enim probabiliter dicitur, Patres, quoties alterius tantum speciei meminerunt, eamque asseruerunt esse salutarem, toties per Synecdochen alteram etiam speciem voluisse intelligi. Faciunt enim id frequentissimè; maxime cùm

¶ Numero. 80. 6. Ioannis caput interpretantur (sicut ¶ suprà docui) de Eucharistia, quo loco Christus ipse affirmat, vsum etiā panis valere ad vitam æternam. Ac diuus sanè ¶ Ambrosius de sola specie panis frequentissimè loquitur, & alij passim.

¶ In lib. de Sacram.

166. Denique non possunt ex omni antiquitate Sectarij vel vnum locum proferre, vbi dogmaticè disputatum sit, vsum alterius speciei, in his qui nō conficiunt Eucharistiam, hoc ipso per se, quòd non altera etiam species simul vsurpetur, pugnare cum præcepto Christi.



CAPVT X.

In Ecclesia arbitrio situm esse, ut vel vtraque, vel altera tantum species populo administraretur; & iussas ob causas administrari tantum speciem panis.



V M igitur neque ex verbis vllis Christi, neque ex institutione, neque ex Christi exemplo, neque ex natura huius Sacramenti, neque ex praxi Ecclesiæ, neque ex illius traditione aut testimoniis antiquitatis, diuinum præceptum de communione fidelium sub vtraque colligi possit; consequitur necessariò, dispensationem atque vsum alterius vel vtriusque speciei, quod ad non conficientes attinet, esse per se rem in Ecclesiæ potestate & arbitrio positam. Ad eam enim spectat, illa quæ in administratione Sacramentorum diuinitus determinata non sunt, salua Sacramentorum natura & veritate, ita constituere, ut ad ædificationem fidelium & maiorem Dei cultum, consideratis omnibus circumstantiis, expedit. Quemadmodum rectè in Concilio Tridentino explicatum est.

I 67.

I Sess. 21. c. 2.

Id patet illis testimoniis: *Sic nos existimet homo, ut ministros Christi & dispensatores mysteriorum Dei.* Et rursus de vso huius Sa-

I 68.

cramenti Paulus agens: *Cætera (inquit) cum venero, disponam.* Item diuus Augustinus: *Non (inquit) præcepit Deus, quo deinceps ordine Eucharistia sumeretur, ut Apostolis (intellige & eorum successoribus) per quos Ecclesiam disposiurus erat, seruaret hunc locum.* Nempe, ut ipsi decernerent quod pro ratione temporum & aliarum circumstantiarum in eo genere expediret.

I 1. Cor. 4.

I 1. Cor. 17.

I Epist. 118. c. 6. ad Ianuarium.

Etenim generatim id ab Augustino dictum est de his omnibus quæ ad Sacramenti vsum, salua illius veritate pertinent, ut inde speciatim confirmaret, rectè etiam facere Ecclesiam quòd illud administret non nisi ieiunis, de quo instituto agebat ibi determinatè Augustinus. Quapropter principium i-

stud quod ibi ad eam rem Augustinus sumit, optimè etiam ad nostrum propositum accommodari potest, cum sit generale.

169. Neque verò in hoc tantum administrando Sacramento ea potestate Ecclesia vititur, sed etiam in aliorum Sacramentorum usu. Baptismus enim quandoque in trina mersione administratus fuit, quod iam non est necessarium. Et tamen trina illa mersio, cum adhibebatur, ad substantiam indiuiduam ipsius Baptismi pertinebat. Erat enim de integritate quadam materiæ. Licet ex ea quidem veritas atque essentia Sacramenti non dependeret. Item ad Matrimonium quædam personæ nunc ob Ecclesiæ decretum non sunt idoneæ, quæ tamen aliquando fuerunt, nempe certo sanguinitatis gradu coniunctæ, sicut suo loco à Catholicis scriptoribus defenditur.

170. H A C I G I T V R Ecclesiæ auctoritate, quod ad Eucharistiam attinet, ipso usu primum comprobata est consuetudo communicandi sub altera tantum specie, & deinde etiam pro lege sancita, posteaquam in omnibus tandem Ecclesiis occidentalibus obtinuisset. Et quidem quando primum vigere cœperit ea consuetudo in aliquibus Ecclesiis, minimè constat, ut etiam Confessio Augustana confitetur. Neque id alicuius Pontificis decreto usurpari cœptum est, sed ipso Ecclesiarum usu & consensu fidelium, propter causas de quibus postea dicetur. Quin etiam aliquem usum alterius tantum speciei fuisse semper iam inde ab initio in Ecclesia & supra ostendimus.

171. Cœpit autem ea consuetudo in Ecclesia Latina esse generalis, non multò ante tempora Concilij Constantiensis: in quo tandem pro lege ab omnibus eam consuetudinem esse habendam, decretum est. Quod rursus est constitutum in Concilio Basiliensi, & Tridentino. Quanquam Thomas VValdensis, qui sub ipsum tempus Concilij Constantiensis scripsit, satis apertè declarat relictam tunc à Concilio Constantiensi fuisse facultatem maioribus Prælatiis, nempe Episcopis, ut quando expedire iudicarent, personas quasdam insigniores,

y Artic. 21.

z Cap. 8.

a Sess. 13.

b Sess. 30.

c Sess. 21.

d Lib. 2. de Sacrament. cap. 88. & 94.

gniores, vt Principes, Doctores insignes, & Ministros etiam Altaris, aut alios fide vel pietate præstantes, ad communionem sub vtraque admitterent: Quin etiam nonnullis religionis Præpositis, vt calicem ipsi quoque impertirent suis fratribus. Apparet enim hanc veluti extraordinariam consuetudinem tempore etiam Concilij Constantiensis viguisse, ipsaque adeo praxi tunc fuisse declaratum, non improbari eiusmodi consuetudinem extraordinariam à Concilio, vt satis apertè indicat • VValdensis.

• Præsertim illo cap. 94.

Iam autem, cùm ea praxis à longo tempore cessauerit, hoc ipso declarari videtur, non esse amplius facultatem in eiusmodi Prælatis, vt extraordinariè concedant calicem, sicut satis etiam indicauit s Ruardus Tapperus. Quare totum hoc in aucto-
ritate ipsius Ecclesiæ, atque adeo summi Pontificis est positum. Et certè in Concilio Tridentino expressè declaratum est, consuetudinem illam comunicandi sub altera, quam Ecclesia in Concilio Constantiensi instar legis obseruandam statuit, non nisi eiusdem Ecclesiæ auctoritate mutari posse. Itaque in Sessione 22. eiusdem Concilij Tridentini in Pontificis arbitrio relictum est, vt ipse statuatur, num quibusdam conditionibus positis, quæ in ipso Concilio explicatæ sunt, expediat, alicui vel regno, vel nationi, concedere vsum calicis.

172.

f a 15. fol. 376.

Sess. 21. c. 2.

PORRO CAVSSAS, quæ Ecclesiam mouerint, vt consuetudo comunicandi sub altera probaret, atque etiam pro lege obseruandam esse decerneret, non tam est nostrum discutere aut inquirere, quàm ipsi decreto simpliciter obtemperare, existimareque omnino eas fuisse iustas, vt rectissimè in Concilio Tridentino definitum est. Memores enim hoc loco illius diuini præcepti esse debemus: *Facies quodcumque dixerint tui præfati loco quem elegit Dominus.* Id quod multò etiam strictius Ecclesiæ subditis, Christi fidelibus, est iniunctum. Sunt autem eius instituti rationes potissimùm duæ à

173.

b Sess. 21. c. 2.

Deuter. 17.

Matth. 18.

Hebr. 13.

De errore
Bohemorum.
epist. 130.

Hom. 13. in
Exod.

Lib. 50. hom.
hom. 25.

Catechesi 5.
mystag. & ab
aliis.

Vide etiam in
Decretis de consecr. d. 2. cap. Si per negligentiam, & sequent.

nem, quæ sanè propter effusionis periculum esset alioqui maxima in tanta iam fidelium multitudine, & varietate, & negligentia etiam rerum sacrarum, propter imminutum charitatis atque religionis studium. Nam & suo tempore aliquas in eo genere prophanationes contigisse testatur Aeneas Syluius. Et quanta cura, ne quid in huius Sacramenti religione committatur, adhiberi hoc in genere debeat, docet ratio, & ab ipsis etiam Patribus notatum est; ut ab Origene & Augustino, & à diuo Cyrillo Hierosolimitano.

175.
3. p. q. 80.
art. 12.

Quam ob causam rectè diuus Thomas docet, communionem sub sola specie panis, si ex parte ipsorum communicantium consideretur, magis esse conuenientem, quàm sub vtraque, licet hæc alioqui esset perfectior, si tantummodo ipsum Sacramentum per se spectaretur, & non etiam religio summa qua vsurpari illud debet. Quod ipsum similiter sentiunt ac docent reliqui Theologi Scholastici, ut recitatis multis illorum testimoniis, quæ sunt in promptu, fusè ostendit Thomas VValdensis.

Lib. 2. de
Sac. c. 94.

176.
3. p. q. 80.
art. 12.

Ac sanè confirmat ea re admodum eruditè Caietanus, communionem sub altera specie absolutè & simpliciter, omnibus circumstantiis vnde quaque spectatis, vtiliorem esse ipsi populo, atque etiam magis consentaneam voluntati & institutioni Christi, quæ eò demum pertinet, ut Sacramentum istud summa cum religione tractetur. Si enim sub altera tantum specie populus communicet; nullum Christi præceptum ea re violatur, ut suprà demonstratum est. Si autem sub vtraque communicaret, periculum esset sæpe violandi diuinum præceptum de Sacramento isto tractando non nisi summa cum reuerentia.

177.

Quamobrem, cum ad Rectores communitatis pertineat scandala atque pericula peccatorum, quoad eius fieri possit remouere; facit Ecclesia rectissimè, quod vsu calicis, alioqui non necessariò per Christi legem, interdicit populo. Hæc igitur doctrina diui Thomæ, & aliorum Scholasticorum aduersus

sus Kemnitij vanitatem notanda est, qui ex ipsis Scholasticis (scilicet) admodum sanè ineptè, conatur suadere, communionem sub vtraque simpliciter esse commodiorem.

SECUNDA ratio est, vt tollatur etiam occasio errandi. 178.

Possent enim arbitrari simplices non esse Christum totum in qualibet specie, si seorsim alia & alia species daretur: quod iam olim nonnullis vsu venisse intelligi potest ex ^s Alexandro Halensi. Qui narrat fluxisse mirabiliter ex hostia sanguinem, cum quidam dubitaret num Christi etiam sanguis in illa contineretur. Atq; ea etiam re confirmat ibi Halensis institutum communicandi sub altera. Etsi non credit quidem Kemnitius fuisse illud verum miraculum, sed *miraculi commentum* appellat homo prophanus. Quasi verò non alia & quæ stupenda miracula de isto Sacramento narrauerint passim, ac summa fide suspexerint veteres Patres: vt ^s Gregorius Nazianzenus, ^s Cyprianus, ^s Gregorius Magnus.

^s 4. p. q. 53. membr. 1.

^s In orat. de laudibus Gorgonæ sororis.
^s Sermon. de lapsis.
^s Lib. 2. dialog. cap. 24.
^s & lib. 3. cap. 3.

Deinde etiam rectissimè facit Ecclesia, quòd ipsa praxi 179.
contraria refutat eorum hæresin, qui vtramque speciem iure diuino necessariam omnibus esse perperam contendunt. Quæ ratio iure optimo inter cæteras considerata est in Concilio Constantiensi contra Boëmos, & in Tridentino contra recentiores Sectarios. Errant enim qui putant, eum errorem concessione calicis commodè posse tolli. Quin potius contrariis institutis efficacius errores extirpantur, vt egregiè notauit Ruardus Tapperus. Quod & aliàs contra hæreticorum errores ab Ecclesia olim vsurpatum est. Nam quo tempore Ebionitæ censuerunt, iure diuino esse necessarium in azymo pane consecrare Eucharistiam, contrà instituit Ecclesia, vt in fermétato tunc consecraretur. Item Nestorij temporibus voluit, vt B. Virgo vocaretur Mater DEI, non mater Christi, sicut contendebat ille hæreticus, & sic in aliis.

^s Art. 15. pag. 362. & 363.

TERTIO. Ad has rationes accedit, quòd maximè conue-

specie etiam vini sumi ab omnibus. Difficulus enim posset pro infirmis haberi semper illa species in promptu, & multi à vino abhorrent, ut sine manifesto periculo vomitus id sumere nequeant, & in aliquibus prouinciis summa vini penuria laboratur.

I 81. *Q*uarto, decet quoque ut Altaris ministri, qui Eucharistiam faciunt, & Sacrificium peragunt, plus de Sacrificio participant, quàm reliquus populus: ut ex instituto & ratione veteris Testamenti, quod fuit figura noui, doctè confirmat & Thomas VValdensis.

z Lib. 2. de
Sacr. cap. 88.
& 89.

I 82. Neque verò habet quidquam ponderis illud, quod aduersus has & similes rationes opponunt Sectarij, non videri illas iustas esse, quandoquidem iis minimè obstantibus rectè fecit antiquior Ecclesia, cum populum ad communionem calicis admittebat.

I 83. Primùm enim non æquè illis initiis rationes illæ urgebant, atque postea sequentibus temporibus. Nam neque Ecclesia ita latè diffusa erat, & maior erat fidelium deuotio atque cura in rebus sacris religiosè tractandis. Quo fiebat, ut non esset tunc in communi vsu calicis tantum periculum, quantum progressu temporis ipsa experientia inesse docuit. Et sæpe per circumstantiarum varietatem instituta Ecclesiastica, quæ ad praxim pertinent, rectè mutantur, quantumuis benè illa prius vsurpata fuerint. Quò pertinet illud Innocentij III. *Non debet, inquit, reprehensibile, indicari, si secundum varietatem temporum statuta quandoque mutantur humana, præsertim cum urgens necessitas, vel euident utilitas id exposcit, quoniam ipse Deus ex his quæ in veteri Testamento statuerat, nonnulla mutauit in nouo.*

• In cap. Non
debet, ext. de
consang. &
affin.

I 84. Deinde, si maximè rationes illæ habuissent etiam olim aliquem locum, tamen non fuit facilè abroganda ea consuetudo, quæ semel fuerat non malè introducta; quin potius expectandum fuit, donec tandem ipsa experientia satis euiden-

ter

ter doceret mutationis utilitatem. Etenim *consuetudinis mu- ratio*, ut inquit *Augustinus*, *adnuat quidem utilitate, non ita au-* 6 Epist. 118.
tem perturbat. Nec sanè dubium est, quin in usu olim admini- cap. 5.
strandi Eucharistiam infantibus, & permittendi priuatam
communione in ædibus, diu fuerint animaduersa multa in-
commoda, antequam illæ demum consuetudines aboleren-
tur. Quò etiam pertinet doctrina diuini Thomæ, qui ob can-
dem rationem docet, non esse leges humanas faciliè mutan-
das, etiam si aliquid occurrat melius.

Tertiò dicimus, nihil detrahi de Ecclesiæ dignitate, si 185.
nonnulla quæ ad praxim pertinent rectius postea progressu
temporis, quàm antea, constituta sint. Quis enim dubitet,
quin satius multò sit infantibus Eucharistiam non dare, quàm
cum periculo, & citra necessitatem diuini Iuris, ipsis eam im-
pertiri, sicut aliquando factum est? Nihil igitur prohibet,
quò minus, Spiritu sancto suggerente, proficiat Ecclesia in a-
nimaduertendis incommodis, aut etiam commodis, quæ ad
morum instituta pertinent. Quod nisi ita esset, vix materi-
am aliquam, quod ad mores attinet, haberent Canones Ec-
clesiastici, & Conciliorum Decreta, quæ ad ædificationem
fidelium subinde in Ecclesia sanciri, saluberrimum est. Et
certè quædam posterioribus temporibus rectius constituta
esse in Ecclesia, quàm initio haberet, satis etiam indicauit di-
uus Ambrosius, cuius auctoritate id quoque confirmat
f Thomas VValdensis.

d Paret ex Cy-
prian. in serm.
de lapsis, & ex
Dionysio, c. 7.
Ecclesi. Hie-
rar. p. 3.

e Ad Ephes. 4.
f Lib. 2. de
Sacri. cap. 94.

Denique duæ res sunt, quæ, si nihil aliud esset, om-
nibus prudentibus persuadere deberent, Ecclesiam non sine
iustissimis rationibus populo calicem interdicere.

Vna est, quòd nullum alioqui consequuntur inde Ec- 187.
clesiarum Prælati temporale commodum. Quod enim detri-
mentum acciperent, si vini paucillum ad particulam panis

negligi ab Ecclesia diuinum præceptum in hoc genere. Nunc verò, cùm putent Ecclesiam in deneganda re tantilla, suis commodis, non autem idoneis rationibus, ipsiusque populi vtilitate moueri, non Hæretici tantum atque Schismatici, sed etiam vanissimi mihi esse videntur.

188. Nam quod dicunt, stabiliri ea ratione sacrificium Missæ, quo sublato, scilicet, Ecclesiarum præpositi ad nescio quam inopiam redigerentur; Id verò non minori cum vanitate ab istis hominibus leuissimis iactatur. Primum enim, non illico Missæ sacrificium ipsi plebei facerent, si calice etiam communicarent. Deinde, habent quoque præpositi Prædicantes, ac Pseudoepiscopi Sectariorum, modum, ut quamuis nec Missas celebrent, neque preces Canonicas recitent, aliaque multa eius generis officia Ecclesiastici ministerij negligant, tamen vitam non in summa paupertate traducant: Modò nōrint Catholicos ex suggestu maledictis omnibus proscindere. Quare opinor, si Missæ sacrificium à Christo institutum non esset, aut si populo calix administraretur, minimè propterea fame fuisse interituros Ecclesiæ Catholicæ Prælatos.


189. Altera res, ob quam id Ecclesiæ institutum iustum existimari debet, est, quòd eiusdem Ecclesiæ in Occumenicis Conciliis, post acuratissimas doctissimorum totius orbis disputationes & deliberationes, sanctissima & infallibili auctoritate approbatum est. Demonstrauì enim euidenter in libro *Analysìs fidei Catholicæ*, pagina 416. & sequentibus, vanissimos esse prætextus Kemnitij, contra definitiones huiusmodi Conciliorum, & hæresim esse manifestam his definitionibus refragari, si vlla vnquam fuit hæresis manifesta in Ecclesia. Quod si Christus præcepisset, ut omnes sub vtraque specie communicarent, nunquam profectò Ecclesia, quæ à Spiritu sancto regitur, consuetudinem approbasset communicandi sub altera. Licet enim mihi in hac quæstione ita loqui, sicut Augustinus in alia quadam, ad eandem Ecclesi-

sæ

sic auctoritatem infallibilem attendens, locutus est: *Non* -
præcepit Christus (inquit) *quo deinceps ordine sumeretur Eucharistia, ut Apostolus per quos Ecclesias dispositorus erat, servaret hunc lo-* g In episto. ad
Iuanarium,
118. c. 6.
cum. Nam si hoc ille monuisset, ut post cibos alios semper acciperetur,
credo quod eum morem nemo variaisset.


CONCLUDAMVS nos igitur præsentem controuersiam 190.
 similiter: si Christus præcepisset, ut sub vtraque specie sem-
 per Eucharistia sumeretur, credo cum Augustino, quod
 eum morem Ecclesia minimè variaisset, quid-
 quid contra sibi persuadeant in-
 creduli Sectarij.

LAUS DEO & B. Virgini MARIE, sanctissima
Domina nostra.



ERRATA SIC CORRIGANTVR.

Pag. 3. linea penultima & vltima, mutantur literæ (n) & (o) Nam (n) de-
 buit adiungi ad verbum: Hoc facite in meam, &c. Et (o) ad verbum: Bi-
 bite. Sic etiam ad verbum: Hoc facite, quotiescunq; &c. debuit adiungi
 litera (p) quæ est in sequenti pag. lin. 1. Item pag. 14. lin. 11. sic distingue,
 verbis narrationis, pag. 50. lin. 14. lege significant. pag. 54. in fine, lege
 πρὸς τοὺς αἰσ. Ibidem lege, distribuendum. pag. 57. lin. 27. Stolum. pag.
 60. lin. 27. dele, in. pag. 67. lin. 33. lege, ad modum. pag. 69. lin. 20. com-
 pletam. pag. 71. lin. 17. vini naturam. pag. 76. lin. 33. necessario.





Quandoquidem disputatio hæc legitimum
S. S. Eucharistiæ vsum, sub vna specie, iuxta
sacræ Scripturæ verum & Catholicū
sensum, accuratè probat ac explicat; di-
gnissima sanè mihi videtur, quæ typis ex-
cusa in plurimorum manus perueniat:

*ALBERTVS HVNGERVS, Acade=
miæ Jngolstadiensis Procancell=
arius, & pro tempore Rector.*

